

The monthly magazine "North Star"



ВОЙВЫВ КОДЗУВ

ISSN 0134 — 4323

КОМИ
ЙӖЗЛӖН
ЖУРНАЛ

93•2

- Юрий ВАСЮТОВ.
Выль кывбуръяс.
- Александр ЛЫЮРОВ.
Пармаса варышъяс.
Роман пом.
- Вениамин ПОЛЕЩИКОВ.
Кык сьӧкыд во.
Иван Симаковлӧн делӧ.



Сыктивкарса шойна вылӧ сувтӧдӧма паськыда нималана учёнӧй-гижысь К. Ф. Жаковлы да Коми АССР-са народнӧй писатель Г. А. Федоровлы памятникяс.

Снимокъясъс Ю. Осетровлӧн.





ВОЙВЫВ КОДЗУВ

КОМИ ЙӖЗЛӦН БЫД ТӖЛЫССЯ ЛИТЕРАТУРНО-
ХУДОЖЕСТВЕННОЙ ЖУРНАЛ

2

ФЕВРАЛЬ

1993

ПЕӦ 1926 ВОСЯНЬ

ТАӦ НОМЕРЫН:

□ □ □

Юрий ВАСЮТОВ. Выль кывбурьяс 3
Александр ЛЫЮРОВ. Пармаса варышьяс. Роман 8

Коми-пермякьяслӧн кывбурьяс

Василий КЛИМОВ. Тӧн и талун. Эи жалейт. Ой, тӧлись, тӧлись.
Вашкӧтчӧм 31
Любовь СТАРЦЕВА. Кӧр колям горт. «Мыдзтӧм киэз...» Локтӧ
гортӧ. «Быдми важ ме керкуокын...» 32

Ольга ШЛОПОВА. Содзмӧс ты дорын 34
Егор РОЧЕВ. Тӧварыш Кӧсьта. Висьт 44
Александр РАЗМЫСЛОВ. Единоличник Сидӧр Паш. Висьт 48
Степан РАЕВСКИЙ. Танкистьяс. Висьт 53

Вениамин ПОЛЕЩИКОВ. Кык сьӧкыд во 60
Сим ВАНЬ. «Некультурность». Кӧза. «Позвольте вытти». «Мак-
сим Васька». Кывбур 63
Анна МАЛЫХИНА. Куратовьяслӧн «рӧдвуж пу» 65

Челядьлы

Алексей ОДИНЦОВ. Кык висьт 71

Чужан му, чужан кыв

М. Г. НЕСТЕРОВ. Комияслӧн ашӧр олӧм 77
Р. В. КОЛЕГОВА. Коми пывсян 79

□ □ □

ЛЕДЗӦНЫ:

КОМИ
ПИСАТЕЛЬЯСЛӦН
КОТЫР

ЖУРНАЛЛӦН
РЕДАКЦИЯ

■

СЕВЕРНАЯ ЗВЕЗДА



*Ежемесячный
литературно-художественный
журнал*



Учредители:

СОЮЗ ПИСАТЕЛЕЙ РЕСПУБЛИКИ КОМИ

РЕДАКЦИЯ ЖУРНАЛА



РЕДАКЦИОННАЯ КОЛЛЕГИЯ:

Главный редактор

Владимир
ТИМИН

Альберт
ВАНЕЕВ

Федор
ИСТОМИН (Кудымкар)

Елена
КОЗЛОВА

Василий
ЛОДЫГИН

Виктор
НАПАЛКОВ

Ответственный
секретарь

Алексей
ОДИНЦОВ

Зам. главного
редактора

Александр
УЛЬЯНОВ

Юрий ВАСЮТОВ



Выль кывбуръяс

Вердысьöй-муöй

Вердысьöй да чорыд муöй,
Сюкöсьöй да кизьöр ваöй,
Шонтысьöй да парма-вöрöй,
Чужан муöй — ай-мамöй.
Чужан муöй — ай-мамöй да
Мозын юöй — бур вокöй,
Вашка юöй — муса чойöй,
Удораöй — потанöй.
Удораöй — потанöй да
Ичöт сиктын олöмöй.
Ыджыд сиктын велöдчöмöй,
Кöрт туй вылö сөлöмöй.
Кöрт туй вылö сөлöмöй да
Сыктывкарö лэччöмöй.
Самолётö пуксьöмöй да
Мöскупаö лэбöмöй.
Мöскупаö, ыджыд карö,
Институтö пырöмöй.
Уна книга лыддьöмöй да
Тöлка-сяма лоöмöй.
Тöлка-сяма лоöмöй да
Ай-мамöс вунöдöмöй.
Ай-мамöс вунöдöмöй да
Коми муöс воштöмöй.
Прöстит, батьö, прöстит, мамö,
Чойö-вокö, прöститöй.
Прöстит, муöй, прöстит, ваöй,
Удораöй — потанöй.

Мича ань

М. А-лы

Збыль тэ, аньöй, сэтшöм мича,
Быттö дзоридз марьямоль,
Тэ вылö кöть помтöг видзöд,
Öтнад здук кежлö эн коль.

Век ми кыкөн, сöмын кыкөн,
Мичлун лым мач моз оз сыв.
Коді тупкас шумөн-зыкөн
Тэнсьыд мыла сьыланкыв.

Пуксис гулю кильчö поскö.
Гашкö, юör вайис мем...
Ой-я, бара лыйис коскö...
Тэ мой кöнкö збыльысь эм?

Ми — сэтшöмöсь

«Миян зонъяс весиг китö оз оковны».
(Коми нывлөн сёрниысь).

Да, ми сэтшöмöсь. Ой, ми сэтшöмöсь:
Аньлысь кисö огö окалöй,
Олам-вылам важ моз сэтöнöсь,
Кытöн кырныш уль яй кокалö;

Да, ми чорзьöм киён малыштам
Муса аньлысь небыд чужöмсö,
Да, ми окасьны век полыштам,
Дзебам тöдöмсö и кужöмсö;

Коркö ковтöм кывйён дойдыштам
Муса аньяснымлысь сьöлöмсö,
Нинöм абусö на мойдыштам,
Вöлöмсö и абу вöлöмсö.

Кодкö шуас: «Коми — кöдздыдöсь,
Кывныс вомас öдва пышьялö».
А ме васö юны сöдзöда,
А ме йöвсö юны сысьяла.

Сидз и олöм вылас видзöда,
Видза ойдöмъясысь муслунöс,
Сотчысь сьöлöмöс век кöдзöда,
Но ог лэдзлы бисö куслыны.

Эскöм

Кызди висьталö миян статистика,
Став Россияын паськалö мистика.
Эскам Енлы, пророк Петыр-Павеллы,
Эскам Тунлы и Кульлы и Дявöллы.

Эгö дугдöй на вождьяслы эскыны,
Кöть и олам ми на вöсна дзескыда.
Кутам эскыны, гашкö, и водзö на
Ай-мам дойясысь öзйöм кодзувлы.

1992 вося Касьян луно

Бара на босьти ме перö,
Сьöлöмысь колöм оз кувсьы.
Ывлаын шлача-ö, зэрö,
Рöмыдыс öшиньö суйсьö.

Пөрöма-водöма йөрным,
Сисьмöма-киссьöма посным.
Некодлы йөрнымöс гөрны.
Мудзöма увтны Барбосным.

Йӧлӧга пырӧма гидӧ,
Ыж куӧ пасьтасим асьным.
Суседӧй пинялӧ-видӧ:
Жытникас пырӧма касьным.

Котӧртӧ лун-войыс ӧдӧй,
Куимсӧ шайта нин яйыс.
Уль песка пач абу ӧдъя,
Сакартӧм пакула-чайыс.

Ӧдзӧс вуг вильӧдысь гежд —
Румкатӧ ӧнӧ он мыччы.
Дыр-ӧ нӧ муыс оз вежд?
Шондыс дзевсьӧма кытчӧ?

Восьлала дӧмаса гача,
Яндзимла син пӧлӧс куни.
Ар вылӧ кута на лача,
Енмыс ӧд абу жӧ тюни.

Эм-ӧ коми костюм?

*1992 воын Коми муын нуӧдалісны
коми костюмлы сійӧм рыгъяс*

Эм-ӧ коми костюм?
Эм-ӧ комилӧн аслас культура?..
Сӧйи, помнита, юм,
Тугъя вӧнь новлі, помнита бура,
Йӧла картупель, тэсь,
Чӧдъя кисель пу тасьтысь ректа,
Ачым гудӧк кодъ весь,
Пельӧ ӧшйӧма «базарса» кепка.
Мамӧс казътыла пыр:
«Эн ло гусьӧн да ылӧдчысь вральӧн».
Бать оз вун менам дыр:
«Кӧчсӧ, пиук, эн кый нин февральын».
Вокӧс кывзыси век,
Кыдзи кывзысис сійӧс пон-лайка,
Ог тӧд, вӧлі-ӧ грек,
Киын ловзъыліс важ балалайка.
Эз коль пӧчӧтӧг вой,
Сылӧн кывъясӧ лыдтӧм мойд ӧшйис.
Кужысь кияса чой
Кыис мойдъясысь аддзылӧм прӧшви.
Вӧлі озыр-ӧ, гӧль
Да мый ас вылас видзис да новліс
Менам Саватей пӧль?
Но ӧд новліс. Ас му вылын овліс.
Вӧлі йылӧмыс дас,
Ставсӧ пасьтӧдіс, вердіс да удіс.
Муыс ас, ваыс ас,
Аслас ки помысь челядьсӧ тутіс.
Видзис, дерт, эз бостон
Да и ветліс эз шляпаа юра.
Но, кор вӧлі том зон,
Матьтӧг-кватътӧг на кыв вӧлі сюрӧ.
«Эм-ӧ коми костюм?
Эм-ӧ комилӧн аслас культура?»
Мед оз нӧйт тайӧ дум,
Кӧдӧ мичаа овны да бура.

Сьылö Косланса хор

Сьылö Косланса хор,
Сиктса ныв-зонлөн чукöрыс сьылö —
«Ловъя ва» нима шор
Дзольгö-визувтö Мозынлань, кылö.

Бура уна нин во
Юргö-нималö öтувъя гөлöс.
Асьнас сійö оз ло,
Мед и гөлöсид зэв уна пöлöс.

Сэн и пöтлытöм ун,
Сэн и муслунлөн шогыс да шудыс.
Ворс жö, гудöка тун,
Тэнад чуньясын гажыслөн пудыс.

Көн тэ, войпука рыт?
Көн тэ, кыана-печкана сьылан?
Гудök лайкөдö гыд,
А тэ, вөр-вай, быттьökö сылан.

Сьылö Косланса хор.
Мыла гөлöса Удора сьылö.
Овлö кыпид и нор
Менам том кадлөн лов — сьыланкылöй.

Кывбур

«Вай эн гиж тэ кывбуръястö, Юра,—
Шуис мем редактор öти лунö.—
Гиж заметка ёсьöс, тэ кө юра,
Кывбуръястö гижны, бурджык, вунöd».

Кывзи ме редакторлысь бур корöм,
Йöзöдi статья да сэтшöм ёсьöс,
Нажöвитi Ыджыд Ёртсянь ёрöм,
Мыйла панi «олöмыскöд косьöс».

Тöрыт бара шуис öтик чина:
«Кывбуръяснад олöмсö тэ ошкан,
Аслад абу дача ни машина,
Весиг, кызд художник, абу тошка».

Но ме войбыд бара кывбур гиж
Да и шуи йöзöдны газетö.
Тыдалö, ме кывбур гижны чужи,
Кöть оз пöткөд кывбурыс поэтöс.

Рифматöм кывбур

Опöнь Риммалы

Ме чайта, медся сьökыд овны
Му вылас гозьялы: он төд,
Мый көсйö пöлыд тэсянь талун,
Оз төд, мый қөсян сысянь тэ,

Водз асывсянь да пемыд рытөдз
Став гозья йитөдыс — кроссворд.
И сөмын сэки енмыс аддзас,
Қор өти юрлөсын кык юр.

А өзьяс өшинь сайын шонді
Да тувччас джоджө өти кок —
Ни шоньд шебрас улын вашкөм,
Ни нөшта йитөдтор эз вөв.

Кык беддөс кызди көть эн көртав,
Бедь лыдыс векжө кольө кык.
Быд мортлөн аслас мөвп да сьөлөм,
А гозья — өтлаөдны мог.

Тэд аттьө, аньөй-пөлөй, сысыс,
Қор пузбылі, тэ лолін кын,
Қор кынми, өдья пачөн сотчин,
А көртөд сотчыны эн лэдз.

Дай куим йылөм — вужьяс-чальяс
Да найөс керавны оз пөзь.
Кызд олам, ачыс Енмыс аддзө,
Ме сөмын көсья — орччөн век.



Пармаса варышгъяс

РОМАН

КОДИ КОДОС

Водз асывнас взводё локтіс Маегов. Еджыд дубитём пая, небыд кузь гона папахаа. Сыкөд — Ваня, тыдалё, ординарец пыдди.

— Төварышгъяс, ті мунанныд өні передөвөй заставаө, первой воча-асянынн прөтивниккөд ныр на ныр, төда, оз дрөгнитны тіян сьёлөмъясныд, пармаса варышгъяс оз повны. Чукаиб сдایتны прөтивниклы оз позы! Яндзим висътавнысө, да быть лоө: пышйим сө верстгъяс сайөдз Усть-Сысольсксянь, а Прокушевлөн отрядас китыр йөз и вөлөма. Мед верим велькыда видзөдны йөзлы синмас, төварышгъяс, колө нөшавны тані вельмөм Прокушевлысь бандасө, бөр мырддыны Усть-Сысольск. Татшөм боевөй задача сулалө миян водзын.

Юөрта буртор: квайтөд армиялөн командование ыстис миянлы отсөг, Вяткасянь локтөны гырысь вынгъяс, Лальскысь тэрмасьө отряд, сійө матын нин, Занульеын. Колө кутчысьны на вотөдз, а Прокушевлысь сьылдзирсө чегны позыө, сөмын вот повзылөм бөрад кодсюрөлы и сьөд мырйыд ошкөн кажитчө,— партизангъяс серам улө помалис Маегов.

— Төрыт велөдөмыдөсь замечательнөй боевөй сьыланкыв,— видзөдліс Маегов Туркин да Вишератинлань.— Ноко, сьыламөй өтвылысь, кыпөдам ловнымөс бой водзын.

Микулайлөн нимкоддысла төкөтгө эз сувт сьёлөмыс, Туркинлысь кывгъяссө сьылас ачыс Гөрд Варыш. Вишератин киясын гудөк төрытгъяс моз жө сявкнитис лөвтө кыпөдысь гор, том йөз төдісны нин кывгъяссө, юрөбтіс сьыланкыв, сійө эз төр дзескыд керка пытшкө, Ваня сьыліг-мозыс востіс өдзөссө, долыд чуксалысь гор пыськөдчис көдзыд ывлаө, бордгъяс вылас качөдчис югдыны заводитөм сьэьмөмысла гөрдоват енжө.

Ывлаын стройө сувталігөн нин Маегов чукөстіс кык другөс, сьөлөмсянныс чабыртліс кияснысө, ошкыштис:

— Лоанныд взводын массөвикгъясөн, настөящөй политработникгъяс артмасны тіянысь,— мөвпалыштис, содтіс:— Вельшөрө пуляяс улө эн сүйөй юртө, төда тіянос, аддзылі, кыдзи ветльвлінныд атакаө Двинскөй фронт вылын. Вишератин, пулемөтсө кут син улад, бойыд бой и эм, быдтор вермас лоны, в случае чего пулемөтчиксө вежан.

Ревкомса председателкөд татшөм сөрни бөрад зонгъяслөн нимкоддысла кокыс эз мөд инмавын муас, эз и төдлыны позиция вылас воөмсө. А сійө, вөлөмкө, төдса, буретш тані, туй вылө чукөрөн пөрлөдлөм козгъяс дорас и аддзысисны Ванякөд, коді конвоируйтис найөс Маегов дінө. Зонгъяс пуксисны пу вылө тшынасыштны, английскөй табаклысь чөскыд дуксө кылісны да локтісны и матысса партизангъяс.

— Водзджык чайтлі,— заводитис Вишератин,— мый Коми муыд миян Висер юным и эм. Вөлөмкө, сійө сылөн чаль чуныс сөмын, ас синмөн аддзылі, ас кокөн мерайті Изьва, Печора, Эжва, Сыктыв юяс-бокса сиктгъяс, Удораө волі и, ог ылөдчы. Туркин төдө, пөръяла кө, вомалас, сійө миян неправдатө терпитны оз вермы, өти кывйөн, массөвик...

Партизангъяс серөктисны, көть и эз гөгөрвоны бөргъя кывсө. Нюмдіс и Туркин, Маеговлысь кывгъяссө дум вылас уськөдіс да, но и Иван өдйө кватлалө, мый вермас сгөдитчыны.

— И быд ю вожын олөны комияс, сөрнитөны өти ног, дерт, оз өт-моза-а, шуам, өтлаөдны кө удорачиөс печорачикөд либө изьватаскөд,

гөгөрвоасны өта-мөдсө турок да англичанин моз. Но өтлаын кө рок кашник ректасны — гөгөрвоны кутасны, ме чайта да. И вот быдлаын комияс, другө, а виалöны өта-мөдсө: печорачи эжвасаөс, удораса сыктывсаөс. Страк босьтө, думыштан да, мыйла татчөдз воим, кодi ызьөдiс, вот эськө кутны сийөс да пуксьөдны куш заднас этийö кын мыр вылас, сэки эськө гөгөрвоис, мый сэтшөм войнаыс, надейнö — мөдiс юрбитны мөд Енлы.

— Чайтан, косясьöны толькө комияс?— шысис омөлик пася олöма партизан.— Став Расеяыс пачесайтчö!

— Ревкомса отрядын рочьяс абуось,— суйсис Ваня.— Юркин воинствоын рочыс этша жö.

— Оз өмөй позь пуксыны өти пызан сайö комияслы и рочьяслы, татаралы и англичаналы,— Вишератин эз удит помавны, ставөн чошкөдiсны пельяснысö: водзын өтшнитiс лыйөм, мөдысь, коймөдысь...

— Белöйяс зурасисны мяян дозоркөд,— звиркнитiс местасьс Ваня, зырыштитiс кепысьнас кымөм нырсө, бандзибьяссө, босьтитiс пельпом вывсьыс ружьесө.

Лыйсьөм өддзис, быттö кодкө чегьялис кос пу вожьяс: кодзыд поводьяö вöрад лыйсьөмыд абу гора, пармаыс пөдтö шыяссө. Туй чукульысь быйкнитiс-мыччысис дженьыдик шынеля зон (кокьясыс веськыда пуисны), ылысянь на горөдiс:

— Белöйяс! Валитöны додь бөрся додь...

Партизаньяс разөдчисны ас местаяс, командир ытит Ваняөс юөртны штабö прөтивниккөд зурасьөм йылысь. Микулай абу первой косын, но бара топөдiс кодкө кодзыд лапаяснас кынөмсö, мөдiс нюжөдны кузь чуньяссө морөспань увлань. Медым мынтөдчыны татшөм кылөмсьыс, колө мөвпавны лөвтö кыпөдысь, долымөдысь, сьөлөмтө шонтысьтор йылысь. Зон зiлис сувтөдны син водзас Айкатылаө кольөм Олгасө, но вежөрыс эз кывзысь, кежис мөдлаө, көнi руын моз төдчис эз мугов чужөма, смоль сьөд юрсиа, а лөз саридз синьяса, кыз русыд көсаа ныв...

Неылын тшынасьысь Вишератин нюжөдчис чөв усьөм другыслань, мыччис чигарка джынсö:

— Мый ланьтин? На кыскышт, шоналан, сьөлөмыд инасяс, сэсса некор лөб.

Микулай горша апалис табак тшын, и збыльысь — личалис кынөмсö топөдысь шамырыс. Аттьөбалана видзөдлiс другыс вылө, а мөдыс изiс-бызгис водзө, ланьтөмөн олөмыд сылы кулөм кодь жö. Сувтлiс кок йылас, топыдджыка зэлөдiс тасмасө, тыдалө, кодзыдыс писькөдчис и сылөн шондө английскöй пась улө.

— Кодi полө, Коля, лөка олö...— Вишератин тшөкмунлi, аддзис котөрөн сорөн бöрынтьчысь дозорнойясөс да, саймовтчис пөрөдөм пуяс пөвстө, вöлисти помалис:— Луннас кувлө куим пөв, а тэа-меаөс Усть-Сысольскын виччысьöны...

Микулай сiдзи эз и төдмав, кодi сэтшөмьясыс, найөс виччысьысьясыс, торкисны чукуль сайысь туй вылө гузыгысьөм виж пася салдатьяс, кодьяс котөртiсны лыйсигмоз. Здук кежлө еджыдьяс сувтовкерлисны, тыдалө, чуймисны, пөрөдөм козьясысь стенсө аддзисны да. Буретш сэки и ратшмунiсны партизаньяслөн ружьясыс, сөрмөмөн таркнитiс пулемёт. Öдийö тай аддзисны наступайтысьяс бөрланьö туйсö! Микулай син водзын эз ло некод, сөмын колисны лым вылас некымын виж пася. Мыйөн лөнис лыйсьөмыс, куйлысьяс пиысь өти салдат чепөсiнiс вөрө, саялис пуяс пөвстө, Туркин и синсө эз удитлы лапнитны.

— Тыдалө, лы вильөдысь другным, ок и мудер,— бергөдiс юрсө Туркинлань Вишератин, пуксис, лададжык мыджсис мышнас пөрөдөм козийö.— Помнитан, Усть-Сысольскад тай гөститөдiсны, өтарө сөзгылялис лысö? А кодзыдыс чеплясьö талун, оз эськө мешайт сөтны курыдтор да танi абу Орлов ни Прокушевыд ордын кодь, вөтөн и аддзылан спирттö либө самөкуртö.

— Терпитышт, Ваня, регыд нин воан Валерия Ивановна дiнад, сылөн, майбыр, быдтор эм.— Туркин майшасьлис косьсө виччысигөн, а

мыйон кывліс первойсыс лыйом либѵ пуля шутѵвтом шы — дзикѵдз вежсыліс, босытліс быттьѵ вѵралысылон руыс, синмыс аддзис ѳсдзжыка, пельыс кыліс сюсдзжыка, вежѵрыс лоліс сѵстѵмджык, сѵлѵмыс эз ыркъяв ни чеччав, инасыліс местаас.

Пуяс костѵ дзѳбсыѵм еджыд пулемѵтчик лыйліс дженъыдик ѵчѳредьясѵн, быттьѵ эрыштчывліс лѳк пон; пуляыс тачкыѳлісны кын пуясѵ, орыѵдлісны лыс лапъяс, дзынькнитлісны юр весьтын. Бур, мый позѵ дзѳбны юртѵ пуяс сайѵ, Туркин кыпѵдчыштіс, корсис, кысянь лыйсыѵ пулемѵтыс, но эз аддзы, сяммѵма саймовтчынысѵ. Казяліс еджыдъясѵс, кодъяс пуяс костті туй ѵтар-мѵдарѵдыс локтісны партизанъяслань — лымыйс ляпкыд, быдлаті на кокниа прѵйдитан.

Шыасис и партизанъяслѵн пулемѵт, резыѵдлісны-луйлісны ружьяс, но тѵлктѵг: кыз пуяс видзисны салдатъясѵс, и партизанъяс ѳнджыкасѵ лыйлісны, медтыкѵ не овны весь.

Недыр мысти вѵсытісны би и салдатъяс, водалісны да: водзѵ эз суйсыны, казялісны — гѵрдъяс унаѵнѵсѵ. А сѳк кості еджыд пулемѵтчик вежис позициясѵ, лыйсыѵм шыыс матысмис, бѵльѵ ылынджык сетіс гѵлѵссѵ еджыдъяслы ѵтсѵг вылѵ воѵм мѵд пулемѵт. Партизанъяслы лѵи жмитчыны му бердѵ, саймовтчыны — юрид быдѵнлы дѵна.

Вочасѵн косылон зыкыс лѵньыштіс, чѵв усины партизанъяс и салдатъяс, сѵмын еджыдъяслѵн ылыс пулемѵтыс корсюрѵ тарѵбтывліс.

Сѳки зонъяс дорѵ кысыкѵ воис быдлаѵ удитысѵ Ваня, висьталіс, мый кутасны кѵ кытшавны, командование тшѵктѵма бѵрыньтчыны мѵд завал сайѵ. Ваня судзѵдїс патронташсыыс выль ѵбойма, зарадитіс винтовкасѵ, гѵгѵрвоѵдїс зоньясѵс:

— Ме верзьѵма, со эстчѵ дзеби вѵлѵс, сійѵ и удита быдлаѵ.

Еджыдъяс быттьѵ виччысыѵмаѵсѵ Ваняѵс, мыйѵн водіс пуяс сайѵ, ратшнитіс залп бѵрся залп, косыѵбтісны ѵтпырйѵ дзик неылысянь пулемѵтыяс:

— Мед шонтѵны ывласѵ, Ваня, огджык гегдѵй, — горѵдїс зыкѵс вѵвттыны зїліг Вишератин да затворнас шыбитіс стволсыыс тшынасыыс гильзасѵс.

Еджыдъяс бара зырѵдлісны, но ѵдйѵ ѵвсисны; партизанъяслѵн пуляяс эз лѳдзны лѳптыны юрсѵ. Сѳки шуйга флангсянь юѵртісны, прѵтивник пѵ кытшалѵ вѵрѵдыс. Водзѵ дорйыны тайѵ позициясѵ ѵти взводлы эз позь, сїдзи нин манитісны еджыдъяслысѵ наступайтѵмсѵ кык сайѵ час чѵж. Микулай кыскыліс зѳпсыыс часісѵ — сїдзи и эм. Партизанъяс, отделение бѵрся отделение, ѳновтісны позициянысѵ.

Тадзикѵн пемдытѵдзыс кыссис косыыс, то лѵньлас, то бара ѵзйылас. Партизанскѵй взводъяс, гѵрдармеецъяслѵн неыджыд ѵтряд, кытчѵдз позѵ дорйѵм бѵрын ѳновтлісны позициясѵ, бѵрыньтчылісны водзвыв дасьтѵм рубеж вылѵ. Еджыдъяс нѵбжйѵ, но век жѵ матыстчыны Чукаиблань, кѵні вѵлі гѵрдъяслѵн главнѵй опорнѵй пунктыс. Воштісны йѵзѵс этша. Лѳкторсѵ кѵдзыдыс вѵчис унджык: лым вылын дыр куйлігѵн ѵмѵль кѵм-пая партизанъяс пиысѵ унаѵн кынталісны ки-коксѵ.

Мыйѵн пемдїс, кось кусіс, гѵрдъяс сувтѵдїсны коланаинѵ заставаяс, полевѵй карауляс, дозорьяс, еджыдъяс кольччисны прѵтивниклысѵ мырддыѵм позиция вылѵ.

Прокушев эз ѳновтчы Мурашилань зырсыѵмысѵ, некымын лун мысти став выннас усыкѵдчис Чукаиб дорйысыяс вылѵ. ѵні Микулай веськаліс взводыскѵд эз заставаѵ, а гѵра вылѵ, кѵні гѵрдъяслѵн главнѵй рубежыс. Окопьясѵ нѵѵдїсны пемыднас на, виччысисны, мый еджыдъяс кутасны наступайтны водз (тайѵс висьталѵмаѵсѵ штабѵ воѵм выль перебежчикъяс).

— Рѳгыд штабс-капитаныд лы сѵзгылялысыыдкѵд и кольѵ, ѵстальнѵйыс вуджасны миян дорѵ, Чукаибѵ, — шмонитыштіс Вишератин. — Ылѵдча, Ваня, курыдтортѵ радейтысыяс кольччасны штабс-капитан дѵрад...

— Талун пѵ ачыс Прокушевыс командуйтѵ, — висьталіс Ваня, — мамсѵ кѵсйѵ бѵр мырддыны миян ордысѵ.

— Ми ѵні ѳнджыкѵсѵ, — юксис мѵвпъяснас и Микулай. — Лальск-

са отрадад, кодї воис тōрыт, пōшти нелямын морт, вооружитчōмабсь бура.

— Бара на штабс-капитанымлысь, коньōрлысь, лэдзыштам пув васō,— кыв кōрталіс Вишератин.

А кōдзыдыс асьядорыс нōшта ёнмис, вочасōн писькōдчис шоныд английскōй пасьяс улō, а мый нин сёрнитны Ванялōн шынель йылысь, но сійō эз зыныгы, чеччыліс окопысь, котралыштїс, йōктышталїс, шенасис, швачйōдліс, кучкавлїс ки на ки, шоныд перйōм мысти водліс окопō.

Лōз тōдчигōн еджыдьяс вōтлісны гōрдьяслысь полевōй караулсō, петїсны вōрысь, паськōдчисны цепō, кодї лым вылад тыдалїс бура. Мыйōн вōрзисны салдатьяс, партизаньяс, кодьяслōн дыр виччысьбōмысла потїс терпенньōйс, заводитїсны лыйлыны.

— Лешакьяс, весьшōрō пороксō сотōны,— ёрччыштїс Микулай.

Цепь водїс, тōдчис, мый салдатьяс ёнасō эз зільны суйсьыны водзō, но цепь пōлōн котралысь офицерьяслы удайтчис кыпōдны йōзōс. Заводитїсны асьыныс смерть кōдзысь уджсō еджыд пулемѣтьяс. Гōра йылын мыччасысь да гоннялысь юрьяс эз нин тыдавын, биыс чорзис и чорзис кыкнанладорсяныс. Салдатьяс ѓткōн-ѓткōн тэрыба котōртышталїсны, бōр водлісны, но век жō матыстчисны и матыстчисны гōра подувлань.

Ревкомса председатель веськōдліс тайō косьнас ачыс,— бōрья кадō Юркин кыысь властьсō босьтїс Маегов; тайōс лои вōчны быть: военком шōйѓвошис сы юр вылō кисьысь лѣкторьясьыс, и Юркин, буракō, эз нин эскы аслыс ни йōзыслы. А таысьомōлысь, Маегов чайтōм серти, эз вермы сѣся лоны.

Опытнōй командир косьлōн зык серти гōгōрвоис, мый Прокушев, опыта шахматист моз, вот-вот вōчас выль воськов. Еджыдьяс куйлісны гōра улын, водзō эз зырсьыны — топōдіс лым бердō партизаньяслōн лыйсьбōмыс, сōмын ылысян, патроньяссō жалиттōг, кулисны пулемѣтчикьяс, но пуляясыс сōмын пуркнитышталїсны-кыпōдлісны брустверьяс водзысь лымсō, эз веськавлыны сайōдчōм гōрд боецьяслы. Ставсō тайōс адзис Маегов аслас наблюдательнōй пунктсян. Еджыдьяслōн атакаыс эз арты. Интереснō, мый вōчас Прокушев? Видлас, тыдалō, кытшовтны гōрдьяслысь позициясō, сѣся кучкыны флангсян, дерт, тырмымōн кō йōзыс. Но и Маегов эз весь ов, ки улас кутїс Чукичевлысь продотряд, кодї тōрыт воис Лальскысь.

Сїдзи и лои. Прокушев видліс пырны гōрдьяс мышкō, но Маегов ыстїс сэтчō Чукичевлысь отрядсō, кодї пыр жō атакуйтїс флангсян ырыштчōм еджыдьясōс, вōтліс найōс.

Кадыс пōлынтчис рытьядор, боецьяс водз асывсян позицияс ылыныс, гегдасны омōль паськōмнад; дум вылас усис и Домна: прōстудитчас дзикōдз, нывлы ѓмōй танї места. Чукōстїс ас дорас.

Здук мысти сувтїс Маегов водзō скамар кодь боец, Афанасий Андреевичлōн тōкōтьѓ эз пет синваыс турдōм Ваня вылō видзōдїгōн, но зїлис не петкōдлыны, стрōга тшōктїс:

— Тōварыш боец, котōрōн штабō, телефон дорō, вот-вот долженōсь юортны важнōйтор,— видзōдліс часї вылас.— Ачым ог эшты. Повторит приказ!

Ваня ѓдва вермис вочавидзнысō, эз кывзысь кынмōм вомыс, сѣся котōртїс штаблян. «Кōть шонтысьыштас»,— мōвпыштїс Маегов, и сѣк жō гōгōрвоис: мыйкō вежсис косясянїнын, эз весьшōрō ланьтны ружьяс. Маегов бергōдчис, видзōдліс гōра увлань, эз кōсы эскыны синьясыслы. Зверь кодь воронōй вōлōн кыккокийв скачитїс ачыс штабс-капитан, ѓвтчис револьверōн, горзїс, ышōдіс куйлысь салдатьясōс. Прокушевōс позис тōдны паськōм сертиыс, сійō эз новлы английскōй компась, а роч руд шынель, сьōд папаха.

Некымын здук некоднанладорыс эз лыйсьыны, видзōдісны ѓтарѓмōдарѓ шыбласысь верзѓма офицер вылō, кодлōн башлык помьясыс сōмын дōлалїсны, шавьялісны. Сы мыш сайын сїдзи жō бергалїс рыжōй вōв вылын да горзїс штабс-капитанлōн ординарецыс.

— Менам седлөө сөлөмә,— төдіс ассыс рыжой меринсө Туркин, лыйс ординарецлы, эз веськав, суйис стволас мөд патрон.— Часлы ме тэныд...

Штабс-капитанысь повзисны да кыпөдчисны туйсянь неылын куйлысь салдатъяс, тати, нывкөсінтіыс, кокныдджык котөртнысө, лыйсиг да матькиг-ёрччиг өтув мөдісны гөра вывлань, а мышканыс дявөл моз лэбаліс штабс-капитан, водан ли, бергөдчан ли — оз дыр думайт, виас.

Со нин ярджык салдатъяс гөра вылынөсь, партизанъяс пиысь өткымынөн энөвтисны окопъяссө...

Микулай эз веськав сьлөн вөвлөм мерин вылын өтарө-мөдарө лэбалысь ординарецлы, сьлөн син улас уси штабс-капитан, сьлөн тасмаясөн зэвтөм паскыд морөсыс, но некыдзи эз вермы кыйны мушка вылас, вөлыс то гонняліс, то бергаліс, то джөм сувтліс, то кыпөдчыліс кыккокийв. Но коймөд патроннас, тыдалө, веськаліс жө, Прокушев водліс вөв бурьыс вылас, кутчысис мөд кинас ранитчөм сояс, бергөдіс вөвсө, сы бөрся весасис и ординарецыс.

Сэк жө гөра вылөдз кыпөдчөм белогвардеецъясөс атакуйтис резервын сулалысь продотряд, цепь водзвылын котөртис сьөд бекешаа военком Юркин. Лальскысь воөм продотрядса гөрдармеецъяс вувзысисны сэтшөм яра, сэтшөм ыджыд зыкөн, мый еджыд салдатъяс өдва удитисны пышйынысө, косясьөм йылысь некод нин эз мөвпав, бур, Прокушев абу да, а мукөд офицеръясысь эз сэтшөма повны.

Тадзи вөлі Визинөдз, көні Микулайөс ранитисны. Колө жө лоны сідз, прамөй косыс эз и вөв, еджыдъяс неуна лыйсьыштисны, некымын лента лэдзис вичко көлөкөльняын пукалысь пулемөтнөй расчөт,— со и ставыс. А вот Туркинлысь сойсө сотыштис, пась соскыс көтасис вирөн.

Ваня пыртис доймөм Туркинөс шоныд керкаө, пөрчөдіс, корсис сумкасыс лекарствояс, вата, марля.

— Узян али мый?— скөрмис Вишератин.— Пуля улө суйсян, йөй кө эськө вөлін, мед, но өд тэ — поэт!

— Колі өд кытшовтны пулясө,— зэв серьезнөя тшөтш видчис дойсө бинтуйтысь Ваня.— Көлөкөльняыс орчча, эн өмөй аддзы пулемөт стволсыс лэбзысь лөдзсө? Лысө, буракө, абу вөрзөдөма. Визинад фельдшер эм, ветлан сы дінө. ТерпITYшт, терпITYшт, тэ өд партизан.

Керкаса көзайка, коді нимкодясис, гөрдъяс воисны да, висьталіс, көні медпунктыс, и том йөз мөдөдчисны сэтчө.

— Ваня, а кыдзи тэнө гортад шуөны?— друг юалис Вишератин.— Маня али Граня?

— Корасьны лөсьөдчан?— дөзмис Ваня.— Мамө кач сөйысь саяд оз сет, тшыгла виан. Шу, кыдзи ставыс нимтөны...

Вишератинысь сибдалысь йөн моз другөн он мын, зон босьтис Ваняөс сойбордйөдыс, но мөдыс мынтөдчис:

— Кымынысь шулөма: эн лапайтчы, туйбокса лапкорөн чайтан али мый?

— Менө, дерт, Маегов вылад он веж,— веськыда нем думайттөг крапнитис зон.— Сійөс любитан, да?

Туркин гөгөрвоис ныв чужөм серти, Вишератин веськаліс сатөкинө, өлөдіс, мед сэсся эз вильшась.

— Афанасий Андреевич өдвакө видзөдлас ме коддьөм вылад,— жугыля артмис салдат паськөма нывлөн.— Мый сэсся дзевныс тиянысь, Домна ме, Каликова... Но отрядын — Ваня.

— Тарыт, тьөзка, вөчам сэтшөм, сэтшөм пир!— Вишератин пөрччис кепыссьө, чургөдіс певсө,— во! Оти-кө, тэнө, тьөзка, быттө ми пыртим, ассыд ним сетим, поптөг ни дяктөг; мөд-кө, рытыс тайө лоас наградаөн Николайлы. Ваня, не кө сійө, гашкө, эг и вөлөй тані, Прокушев-тө өд ранитис Туркин!

— А ме эг и аддзыв,— төкөтөь эз бөрддзы Ваня.— Афанасий Андреевич ыстис телефон дорө да...

Микулай заводитис ыстысьны, мый сьөкыд шуны, коді веськаліс штабс-капитанлы, лыйлісны унаөн, но Вишератин эз сетчы, тайөс көсийс висьтавны и Маеговлы.

— Сійо здукас, тьозка, буретш зарадиті вель обойма, аддзылі, Николай кындзи некод эз лый, мыйон швачнитіс, штабс-капитан и бабис вов сылі вылас, чайті — сылы пом, вөлөмкө, лешакыд ловья, бёрсяньыс лэдзи дзонь обойма — весьшөрө.

Пируйтөм пыдди Визинын Вишератин чорыда конъяссис. Фельдшер, кузь усяся ен роч дядьо, весалис Микулай сойысь доймөминсө, топыда, кужөмөн төбис бинтөн, шмонитыштис, гөтрасигкежлад пө бурдас, колльөдіс орчча вежөсөдз, сдایتіс ныла-зонмалы доймөм другсө. Домна Микулайкөд петіс ывлаө, а Вишератин мыйлакө кольччис. Ныла-зонма эз на воны кильчө вылө, кылісны ыджыд зык, бергөдчисны. Фельдшер да Вишератин косьө воөм петукьяс моз горзісны, зырталасисны, дасьөсь колскөдчыны гырысь кулакьяснаныс. Кор гөгөрвоисны, мыйын делөбис, Домна зятнитіс-сюіис затворнас карабин магазинсьыс стволас патрон, пөдөм гөлөсөн горөдіс:

— Лельө бобө, вөлөмкө, тэ, абу партизан, а мародер!

Микулай удитіс кучкыны карабинас, тайө спаситіс Вишератинөс. Иркнитөмсьыс фельдшер усис пидзөс вылас, Вишератин сөмын лапйөдліс синьяснас, өтарө кельдөдіс и кельдөдіс, воис вежөрөдзыс — сійөс көсйисны вины дзик прөстасьыс. Фельдшер кыпөдчис кок йылас, пыркнитіс халатсө...

— Флакон спиртысь морт лов он жө босьт, — чөвтліс сійө шемөс-мөм видзөдлассө Домна вылө. — Жаль, этша коліс да, а судзөдныс өні некытысь, белөй салдатыяс пайкисны, ті коранныд жө, а кысь ме босьта спиртсө, уездной аптека складтыяссө белөйяс пө грабитөмаөсь-а.

— Тьозка, — петіс жө сөсся кыв-ворыс Вишератинлөн, — ме эг аслым, ме өд, тьозка, көсйи пир кежлө...

— Кор прөща, висьтала кө Афанасий Андреевичлы, не тайө на сюрас, — Домна өшөдіс карабинсө пельпом вылас, петіс ывлаө, сыысь эз кольччы и Микулай. Ог төдөй, корис эз прөщасө визинса фельдшерлысь Вишератин, но Домна эз сетыв кыв Вильгортө вотөдз, эз матыстчыв, весиг эз видзөдлыв зон вылө сө саяс верста вөлөк вуджигчөж.

Домна оліс Давпон грездын, коді орчча Усть-Сысольсккөд, көні ордымьясыс ставныслөн вожалісны. Висьысь Микулайөс лэдзисны гортас, отпускө. Вишератин муніс водзө партизанъяскөд, а Домна кольччис мам ордас, Давпонө. Корис и вель другьяссө.

Мамыс, косіник нывбаба, заводитліс кисьтны нимкодь синва, адзис нывсө дзоньвидаөн да, но мөдыс кутліс сійөс, унаысь окаліс, шмонитөмөн өлөдіс:

— Мамук, лельө бобөө пөрин, ачюд төдан, ог радейт шлюпкысь-ястө, төварыштыяслөн кынөмыс сюмалө, бурджык лоас, пызан кө корсьыштлан да пывсян ломтыштлан.

Дивө, кор колө, коми аныяс ставсө удитөны вөчны, кызд шуасны, коклябөр вылад бергөдчигкоста. Зоньяс важөн эз аддзывны пөсь сөян-тө да өні сэтшөм азыма панялісны кос тшака шыд, мый тасьтыис тіраліс. Эз кольччы, дерт, и Домна. А мамыс сулаліс, морөс вылас кияссө кресталөмөн видзөдіс шондібан нылыс вылө, мөвпаліс, кызди эськө кежөдны сійөс, оз тусьөс, юр усян туй вывсьыс, кольөдны гортө, жалад-дза видзөдлывліс и шуйга сойсө воысалөм Микулай вылө.

Тшаква бөрын ректісны анькытша рок кашник, йөла кисель тасьті, пөжөм галанка чугун, ырөш пыдди юисны щөка лытө вежыньтысь шома паренча ва.

— Сьблөмөй вөлисти бурмис, — ошкис көзяйкалысь киподтуйсө Вишератин. — Сэтшөма гажөй бырөма крестьянскөй сөянсьыс, страсть, быттө гортө волі.

— Абу нин ылын Висерөдзыд, — важ мозыс кыпыда шыасис Домна, и зон гөгөрвоис — ныв оз нин лөгав ни скөрав. — Татшөм сөянсьыд толькө кынөмыд дундө, сөвтан, сөвтан, а час-мөд мысти көть бара пызан сайө. Вот кор Петроградаын вөлі, висьтавла мамөлы, мый сөйлывлім, да оз верит.

— Збыльысь? — чуймыштіскодь Микулай. — А мый сәні вөчин?

— Вөвлі и Россияса мукөд гырысь карьясын, не сөмын Петрогра-

дын. Уджавлі, слугаавлі, горничнөвлі весиг, эг этша терпитлы баринъ-яссиянд да барыняссиянды, синмөн ог вермы видзөдны найос.

— А ми Николайкөд Кардорьсь кындзи некөн эг вөвлөй.

— Стөчджыка кө, Домна, Кардорса каторжнөй тюрьмаын кындзи,— содтис Туркин, аттёалис көзьяйкаос, чеччис пызан сайьсь. Отнас Вишератин эз откажитчы став курас-карасьсь, сэсся зэв дөвөля малыштис кынөмсө, некымынысь пернапасасис пельөсса съод лика образъ-яс водзын.

Зонъясөс водтөдисны шойччыштны пөлатьö, асьныс эня-ныла петисны вөдитны пывсян. Пөт кынөмнад синъяс асьныс куньсисны, ныров-мунисны пошти отпырйө, шоньд пөлатяд веськодъ и кодзыд ывла, и неважөн на гурьялысь кынөм.

Садьмөдисны зонъясөс пывсьыны. На бөрын мунисны и эня-ныла. А кык друг пүзөдисны самөвар, лэптисны пызан вылө, кыскалисны нопьясысь мый позис сюйны вомө. Пывсянысь воөм Домнаос зонъяс муртса и төдисны. Одзөсысь кодзыд рукөд тшөтш салдат местаө пырис гын сапөга, шалля да дженъьд пася ныв. Нөшта шемөсмөдис, кор петис паськөмсө вежөм бөрын кывтысь: съод юбкаа, еджыд ковтаа, пельпом вылас павкнитөм вурун шалля. Нюмьялис вом тырнас, кисьталис чашкаясө чай, гөститөдис зонъясөс.

Вишератин эз вермы вештывны синсө пельк вөраса, дженъьда шырөм юрсна, пачысь кыскөм кодъ банйөм көлөб чужөма ныв вылысь. Тадзи шырөм юрсиис, зон чайтөм серти, ёнджыка ладмис Домналы. Оти кывйөн кө, зон пөтис ныв вылө видзөдөмсьыс, сетисны кө, шуам, Вишератинлы сйөс, то збыльысь Ен джаджйө пуксьөдис. Сэтчө жө Каликова быттө пырмунигмоз чөвтис:

— Тьозка, эн скөрав, ог төд мыйся ру босьтлис менө Визинад.

— Эн казтыв,— өвтыштис кинас зон, гораджык кутис ырскыны блюдсьыс чайсө.— Сидзи и колө меным, йөйлы, позис өд водзвыв сёрнитчыны...

— Ладнө, вунөдам, регыд бара лоа тэкөд орччөн, шойччышта вежон кымын — и отрядө.

Коньөр мамыслөн молльөн, молльөн мөдис лэччыны синваыс, частө чышкыштлис кимөдзнас, сэсся мунис кывтас. Домна вөтчис сы бөрся:

— Полін, со тай ловъя, пон менө оз сөй, дугды, мамук, тешитны бур йөзсө.

— Мамыд мам и эм,— жалитыштис көзьяйкаос Микулай.— Кольчин эськө гортад, Домна...

— Йөйөс вузавны али мый?

— Уездземотделад өд виччысьөны, местаыс кө эз вөв-а.

— Ок, Коля, Коля, гөгөрво тэ, ог любит сульзьыны лельө бобө-яскөд!

— Правильнө, тьозка, мөда виччысьыны отрядын,— Домна дор сувтис Вишератин, көть и мөвпыштис, мый Каликова бөр локтас, дерт, оз сы корөм ради, а Маегов вөсна, кодөс, тыдалө, ныв збыльысь любитө.

Каликова видзөдлис Вишератин вылө аттёалан синъясөн, но нинөм эз вочавидз. Вермис өмөй сэки төдны ныв, мый рөкыс, а оз любовь кыскө сйөс мунны великомученицаяслөн ордымөд.

Мөд луннас, Усть-Сысоьльскын, Микулай пырис ревкомө прөщайтчыны Гөрд Варышкөд. Виччысьыны лоис поводнөя. Туркин гөгөрвоис: татшөм кадад ревкомса председателылы юрсө гыжйыштны некор. Коркө сэсся и лэдзисны сы дорө. Маегов буретш сёрнитис телефонөн, кодлыкө советуйтис карса тюрьмаысь мездөм коммунистьясөс, активистьясөс, сочувствующөйясөс котыртны отрядө, мөдөдны Көрткерөсса фронт вылө. Ошөдис трубкасө, бергөдчис Микулайлань, мыччис кисө.

— Здорово, герой. Толькө вот наградитныс нинөмөн,— здук кежлө думыштчылис, кыскис пызан йөрьсьыс офицерскөй наган, патрон пачка-яс.— Толькө эн споруйт, мый ранитис штабс-капитанөс кодкө мөд, ставсө төда. Кынд беспокоитө?

Маегов чеччис пызан сайысь, чургөдіс сылы нагансө, мөд кинас топыда чабыртліс Туркинлысь кисө:

— Пользуйтчы, сгөдитчас. Тайö скромной наградасö и Вашко-Мезенской полкын, и ревкомлөн партизанской отрядын геройской службасысь, сета тэныд, товариш Туркин. Усть-Сысольской ревком и, дерт, тшөтш ас нимсянь,— торжественноя помалис Маегов.— А öни пуксыштылам, төлкуйтыштам олөм-вылөм йылысь,— Афанасий Андреевич нуөдіс зонмөс паськыд диван дорö, но скöрысь триньöбтис телефон, бергөдіс сійөс бөр.

— Немтор он вöч, товариш Туркин,— жаляддза шуис Маегов, трубкасö öшөдіс да.— Окота төлкуйтыштыны поэзия йылысь да корöны Контрым штабö. Но тэ, смотри, эн эновтчы кывбурьясысь, сямьд эм. Вывти жаль, эг удитöй варовитыштынысö да. Карас төдсаясьд эмöсь? Абу кө, мунам ме ордö, Көдзылө.

Но Туркин эз лысьт сөгласитчынысö, висьталіс, мый эм төдсаясыс. Тадзи торьялісны да бурджыкасö некор нин эз адззысьны кык коми поэт.

ТАНИ ТЭНАД БАТЬЫД

Усть-Сысольскысь Котласö кывтысь пароход вылысь пристаньö пөтіс кучик тужуркаа, картуза, леялөм * гача, кромөвöй сапöга морт. Писькөдчис сы вылө вомас чуныяссö сюялөмөн видзөдысь челядь пөвстти, кыпөдчис бужөд вылө, борьясөд веськөдчис кывтыдпомлань.

Видзөдліс горулын ойдөм Эжвалөн паськыд от, мөдлапөвса видзьяс, вөр вылө, синсö читкыртөмөн гожейдыштіс чужөмсö яр шонді водзын, морөсас ылькнитіс сэтшөм радлун, көть йөкты; öни кө эськө Вишератин другсö гудөкнас! Быттьö төрыт на кывтліс пароходөн тайö жö пристаньяныыс Северной фронт вылө, а кольöма нин быдса во, быдса во, ок, кутшөм öдйö кольö кадыс, тадзтö он и казявлы пöрысьман, том дырйиыд жö овнытö шондібандй-а.

— Баба, видзөдлы, видзөдлы коді локтö,— кок йывсысь уськөдысь төдса гөлөс пальөдіс Микулайөс. Митипер и вөлөма, тэрыба восьлалө, плугсö эновтöма лека вылас да, а суслан кодь Марья лэдзö со бөрөздаас куйөд.

Однополчанинъяс кутчысьлісны лыясыс ратшмунтөдз, а Марья швачкөдліс кияснас бокас, нимкодя лывкйөдліс:

— Игö, игö төдöй, Любавалы празникыд, сьөдөдіс-косьмис виччысьöмысла, вошин, письмö ни поклон ни, из öмöй позы мыйкөкарны...

Мужикъяс пукисны джуджыд борйö, нюжөдісны кокъяснысö, тшынасигомоз Митипер висьтавліс ас йывсысь, Марьякөд овмөдчөм йывсысь. «Öдйö жö вежсьö мортыд,— мөвпыштіс Туркин.— Төрыт на салдат вөлі, а талун татчөс мужик, сёрнитö весиг айкатыласа моз жö, öдйö Марьяыд велөдöма кыз коклябөр улас».

— Орловтö виисны да белöйясыд киссьөм анькытш моз гузгысисны-пышйисны Удораөдз, Айкатылаад из и сувтлыны, став вöла-доддясö коллысьны вөтлісны. А ме приметитлі места, мыйөн заводитчис суматокаыд, сэтчö и дзебси, дерт, иг вөвтөг. Со тай сійö плуг вожйын. Ставыс лонс спутю.

— Эз кыскавны белöялөмсьыд?

— Корлісны Яренскö, да ме öд из лет ** нин лöи, гижалисны кабалаö, мун пö гортад, а менам сійö Марьюш дорын. Став кунды-мундыөс сэтчö водзвыв вайи. А тэ, паськөм сертиыд кө, Платоныч, ыджыд чина, комиссаритан, буди?

— Комиссар, не комиссар, а көнкö быть уджав, рушкүтö тувъяд он öшөд. Ранитчылі да куйлі карын больничанын, сэссия босьтісны Усть-Сысольскса чрезвычайкаö.

* Леялөм — зыртчанинъяссö кучикалөм гач.

** Ветимын арөс сайö, армияö татшөм арлыдасö эз нин босьтлыны.

— Тэ кодыс и колё татчө,— мужикыскөд өрччөн шняпкысис-пуксис Марья.— Шышъяс кытыськө воисны, ыжъяс гуёны, лы ни ку оз сюрлы. Миянлыс начкисны жё, лэдзи вёля вылө куимнаннысё, а ритнас мыйкёкара да, медся ёныс, ыджыдыс абу. Начкөмаёсь, дерт. А Митиперушколыс көть катша юрсө кокалас, нинём оз кар.

— Милиционер оз вермы кутны-а,— скөрмис мужикыс,— кыс нин меным; варнакъясыд збыльыс эмось, чайта, местной бандитъяс, пышйылысны да бөр бергөдчисны, йёз муыд, Платонович, ас серти тёда, настоящей тётка.

— Чужан муыд быдёнлы дона,— сөгласитчис Микулай, көсийс нин мунны, но Марья кутыштіс сійёс, гусьён моз висьталіс:

— Кык кока көинныс матігөгөрө мыйкөкертөма, овмөдчөма, корыс Исө Дарёс пө мельнича ягын сильничайтөма, ветлөдлө-ошйысьё Дарёыс бабаяслы.

— Кыс нө сильничайтысьё төдас? Дарёыс От гөраыс, сылы ээсся өкмысдас өкмыс, абу ставыс гортас коньөрлөн.

— Кежавлы, Платонович, кор эштан,— шуис Митипер паськыд лутшка чорыд кабырнас Туркинлыс кисө топөдліг.— Казытыштам өтлаын краснөялөмнымөс, белөялөмнымөс, рытгорувнас коркө, виччысьны кута, ставыс лөб спутю.

Туркин көсийсис.

Гортас паныд уськөдчис Катшыс, чеччаліс, зіліс оқышты-нюлыштыс том көзаянсө. Микулай меліалыштіс сійёс, гыжйыштіс пель сайсө. И өшинь ув йөрас, и гортас, кильчө помсянныс да горничаяс-өдз — ставыс дзим-дзурк, ёг ни бус, джодж краска лөсталө сөстөмысла, восьса өшиньын дөлалө лым кодь еджыд тюль занавес, стенин өшалыс ыджыд рөмпөштан вылын мича серъясөн вышивайтөм кичышкөд, ен ув пельөсын важ моз ломзё лампада, ладөн идралөм крөватъяс, граммофонлөн югъялыс трубаыс — ставыс быттё нимкодя чөлөмалісны Микулайёс, ставыс быттё мамыс дырйин, быттё абу и вөвлөма Аюлөн көзаякаалан кадыс, кор керка пытшкөсыс дзикөдз дуркмыліс. Төдчө зіль, өкуратной, лада бабалөн киподтуй, тыдалө, гөтрасөма батыс, медся коланатор йывсьыс эз юрт кальөг вома Марьяыд.

Дзим-дзурк и сылөн чардакын. Этажеркавивса книгаясыс весиг абу бусөссьөмаёсь, чышкалөма кодлөнкө төждысьыс кыис. Вештіс прөшви занавесө, гурйыв восьтіс өшиньсө, вежөсө ыльбөтіс садйыс топольяслөн, сэтөрлөн, өмидзлөн, льөмлөн сорлассьөм көра сынөд. Сюйис юрсө өшиньө, азыма апаліс челядьдыреянь төдса чөскыд йөв кодь сук сынөдсө, кывзис коръяслыс төвкөд ворсигтыр шөпкөдчөм-чөлөмалөмсө, и налөн, тыдалө, бырөма гажыс Микулайыс. Видзөдліс пельыс пуө өшөдөм кай позлань, морөсас ылькнитіс нимкодя гы: овмөдчөмаёсь сырчикъяс, асланыс кыпид зыкөн ловзёдөны изумруд кодь веж өшинь увсө. Майбыр жө нин гортад, а Микулай вежис сійёс кутшөмкө Усть-Сысольск вылө, өнісянь овмөдчас татчө, некутшөм район ээсся он ылөд, оз удайтчы вөчны тайбс некодлы, некор.

Туркин өшөдіс өдзөсдорса тувйө курткасө, картузсө, кобурасө, кулис сапөгсө, гимнастөрканас, галифенас и пласьткысис-водіс мичаө идралөм крөватяс, пуктіс юрсө небзёдөм юрлөсьяс вылө, пурскысис-вөйис наө. Личмуні ставнас тушаыс, куш кокъясас лөсьыда ыркйөдліс өшиньө пырыс төвру, сэтшөм чөскыда, чөскыда куньысны синьяс.

И Микулай бара аддзис вөвлөмтор йылыс мучитыс, весьөпөртана вөт, коді рөк моз вөтлысис сы бөрся, полошуйтіс, шызёдіс ловсө.

...Эжва йывсянь карлань рөдтышталө мудзөм вөв. Доддяс ямщик пыдди чекисет да арестуйтөм ён мужик, гыөртөм паськыд рыжбөй тошка. Тошкыс сөмын и тыдалө кузь пеля көр ку шапка да пась воротник костыс. Көдзыд вылас видзөдтөг тшөкыда куритчө, гырыс крестьянскөй чуньяс костас видзчысьөмөн гаровтө чигарка, медым эз усь бокө ни өти махорка тусь. Микулай гөгөрвоө, мый мужик такөдө ловсө, код төдас мый виччысьө сійёс Усть-Сысольскса чрезвычайкаын, сэтчө веськалөм бөрын ёнасө он тшынась. А туйыс то нюклясьө, куснясьө, то

нбѡв моз тѡвѡ веськыда водзѡ, писькѡдчѡ гулыд ягъяс, коз пармаяс, кызд да пипу расъяс пыр, вуджѡ вѡрса ю пѡлѡн нѡждѡдчѡм видзъяс, ловпуа олъяс, джуджыд сѣнъясѡ вѡйѡм шоръяс вомѡн. Чукылын, кѡнѡ вѡрыс орчѡн туйыскѡд, водзын рѡдтыс вѡла сувтѡс, чекист конвоир вѡшыйштѡс додъ дорсыс асмогасыны. Сувтѡдѡс вѡвсѡ и Туркинлѡн ямщикыс. Мужикыд тайѡс и виччысѡма, додъсяныс звиркнитѡс веськыда пуяс костѡ, Микулай эз удит кыскыны нагансѡ. Вѡрыс сук, козъясыс кызѡсѡ, танѡ наган омѡль отсасысь. Асмогасысь конвоир не-тшыштѡс ямщик улысь паськыд дора лѣчыд черсѡ, усъкѡдчис мужик кок туйѡд, Микулай — на бѡрся. Вель дыр котѡртѡс, кытѡдз эз кыв лѣкыс ымѡстѡм, не морт нога ѣрчѡм.

Воссис Микулайѡс шогѡдысь серпас: гырдермунѡм чужѡма, орѡм шапка увсыс ыльгыс вѡрѡн ойдѡм лымыйн куйлѡс лѣк ногѡн кусынтчѡм мужик, потласѡм кучика гирысь чуныасыс шамралѡсны лымсѡ.

— Понлы — понлѡн места! — вѡрѡсѡ черсѡ киас век на кутысь чекист сѡвзис мужик шойлань. — Эз этша ми воксѡ вузав тайѡ контри-кыс.

Микулайѡс заводитѡс вукѡдны... И садъмис. Садъмылѡс век ѡти мес-таын, вѡтнас буретш татѡдз вѡм бѡрын. Палялѡс, но эз восьты синъясѡ, кѡть и кылѡс, мый кодкѡ пукалѡ крѡвать дорышын. Челядьдырся мозыс заводитѡс нѡжйѡник восьтыны синлапьясѡ, но муса мам пыдди ру пыр моз ясыдджыка и ясыдджыка сувтѡс син водзас Ольгалѡн мыгѡрыс.

Ольга шанъмѡма, бандзибъясыс польдчыштѡмаѡсѡ, мусаник вѡс-ныдик нырбордъясыс горша паськавлѡны лов шыыскѡд тшѡтш, сѡд синъясыс писькѡдчѡны лов пытшкад, еджыд чышьян вѡснаыс чужѡмыс быттьѡ нѡшта муговмѡма. Микулай бѡсѡтѡс кырымас Ольгалысь лы кодъ чорыд ичѡтик кисѡ, и мѡдыс эз нетшышт сѡйѡс.

— Мый синтѡ сувтѡдѡн? — нѡммунѡс ныв. — Немтор иг вошты, ставыс вѡйим ѡтитор кындзи... Миритчыны локтѡ, кувтѡдз лѡгавны али мый кутам?

Микулай кѡсийс вочавидзны, но мѡдыс эз лѣдз, тупкис вомсѡ ки-нас, кодѡс зон чупнитѡс-окуштыс.

— Ин окась, первой кызвы, гашкѡ, и тышкасыны на мѡдан, — водзѡ нуѡдѡс мѡвпсѡ Ольга. — Тѣ немтор абу кывлѡмыд, тыдалѡ, чойыд овмѡдчис тѡтка ордас, став кѡлуйнас, кутшѡмкѡ дѡвеч пѡ коралѡ сѡйѡс. И тѣ вошин. Батьыд бѡбыль лоис, жалъѡй петѡс, кѡзьякатѡгыд любѡй овмѡс киссѡ, ачыд тѡдан.

— Сѡдзкѡ, тѡ гѡтрасид? — кодзалѡм сѡлѡма зонлѡн ѡдва петѡс кыв-йыс, чорыдджыка шамыртѡс нывлысь кисѡ.

— Венеч улас иг вѡлѡй, — быттьѡ нинѡм и абу лѡѡма, вочавидзис Ольга. — Нѡрѡвитыштам, ачыд тѡдан, кутшѡм кадыс. Сѡдзи кѡзьякаала, отсая, а сѡдзсѡ олам батьыдкѡд, ме ѡнѡ тѣныд мам пыдди. Со и иг вермы терпитны, вѡтнад горзан да, ымзан да... Жаль лоин.

Микулайлысь быттьѡ нетшыштѡсны сюрсасѡ, кынмис, эз кывзысь ки ни кок, синмыс лапъявнысѡ дугдылѡс и.

— Чеччы, пиук, — шмонитыштѡс Ольга. — Лѣдз киѡс, колѡ пывсян горйѡ би сѡйыштны, туй бѡрад том лыястѡ небзьѡдыштам, корѡсыс миян ок чѡскыд кѡра да небыд.

— Ог верит, мадонна, — вѡлѡсти петѡс кывйыс Микулайлѡн. — Тѣ шутитан, кызди и вѡйдѡр, серавлан менѡ...

— Йѡюк, — мелѡ инмѡдчылѡс зон дѡнѡ Ольга. — Тѣ ѡд ичѡт ме дорысь, вѡтѡдсѡма нин, а ме — баба, кызди мужиктѡгыс ола? Тѣ, небось, ин жѡ манакав, тѡда ме тѡ коддѡмтѡ.

— А ме тѣныд, мадонна, силѡ коркѡ кывбур...

— Тѣнад мадоннаясыд водзынѡсѡ, ин вийсы, корсям сѣтшѡмѡс, пиук, зонъяс завидълабыс юсяены. Ладнѡ, больгыштим и шань. Лѣччы улѡс, пызан корсис мамѡй, сѡйѡ танѡ жѡ олѡ, ѡтнассѡ ѡд он коль коньѡрѡс. Батьыдкѡд выль кук йѡр потшам, ыстѡс гортѡ, а танѡ — тѣ, дѡна пиукѡй мѡнам.

Но и Ольга, но и баба, мый сэсся шуан татчө? Микулайлы эськө лөгавны, скöравны, лëкавны, зывöктыны, но пыр жö прöститис Ольга-лысь став мыжсö, важ моз мöдис висьны, косьтыны зонмöс, кыскыны грека баба дорö. Мый сэсся вöчан, сьöлöмтö он көртвомав вöлöс моз, он бергöд кодарö колö.

Скöрав көть эн, а коркö чеччыны ковмас, кынöмыс со гуръялö и. Вуджөрö веськалöм садьысь заводитисны пырны зыньгысь номъяс, клопкис-пöдлалис öшиньсö, заводитис пасьтасыны. Кыскис шкапсыс бурлакалан гачсö, дөрöмсö. Дзескыдджыкöсь, абу весь сөйсьöма салдатскöй нянтö, дөрöм юрйылыс öдва и судзис. Лэччис кухняö, көни виччысис нин пызан. Но вытьыс эз вöв, юис сöмын көзöдысь вайöм йöв.

Кор ая-пия петисны пывсянö корöсьясөн, улыс дөрöм-гачөн, сэнi и заводитчис главнöй сёрниис. Корöсясисны яйсö чишкавтöдз, сьöлöм донавтöдз, петисны ыркöдчышты кöджö, кытчö вольсалöма джодждöраяс, свежөй рудзöг идзас; неыджыд пызан вылын, джуджыд паськыд вома кувшинын горштö кырыштысь шома ырöш. Быттьö мамыс дырйи, батыс удитöма нин велöдны Ольгаöс овны стрög пöрадок серти, кызди и колö öкуратнöй, делöсö тöдысь көзаяйкалы. Тайö воис сьöлöм вылас Микулайлы. Да и Кузьма Платон вежöра көзяин, öвмöсыс вежалана, мый колö, сийö и эм, гөгөр тыр-бур. Сылөн и пывсяныс абу йöзлөн кодь, сөстөм стенъяса, ыджыд öшиня, горя пача. Татшöмыс сöмын поп-дяклөн. Ог нин казътылöй уна вежöсьяса, чардака, көрт листөн вевттьöм керка либö торйөн стрöйтöм карта, гид, сарайяс йылысь. И ставыс выль на, ставсö вöчöма ас киөн, меда уджтög, помечьясыд, дерт, вöвлыны-а, но и рöдвужыс отасисны.

Йджыд кружка ырöш ректöм бöрын батыс видзöдлис пиислы синмас, шуис:

— Гашкö, чайтан, мырдöналі Ольгаöс? Иг, пиö, ставыс ачыс ладмис, эня-нылалы воштысьнысö некытчö, жальöй петис, босьти ас дорö. Тöлкыс выйим, ачыд аддзан. Сэсся öд и смертысь спасити, белöйясыд рельö лэптисны, сюрис кө Ольгаыд налы, а ме дзеби Емдiныбö, годок ордö, öтилавын служитлим коркö. Мыйкö кө эз лолы на ног, белöйясыд мыждöмыслысь казнитлисны став көленасö. Коиновлысь гөтырсö сюисны йи куд улö. Исаков семья вылын тешитчисны кызди кужисны. Сиктнымöс пöртисны лов босьталанинö, матi сиктсаясöс тшöтш казнитисны танi, судтög ни радтög.

И батыс висьталис Ольга, Мельник Витень да Педя Педот костын лöмторсö. Зон син водзö сувтис тайö серпасыс, сьöлöмыс топавлис весиг: со кутшöмторьяс вермö вöчны Евислөн нылыс. Кужан öмöй мөвпыштны, мый кутшöмкö казачка, кодi кажитчылис коркö Микулайлы раминик куканьөн, косöдас водзöс виöм бать да друг вöснаыс? Вочасөн зон пытшкын чужис, ёнмис сэтшöм кылöм, кодi тшöктö босьтчыны перöв-ручка динö, медым ассыд пöсь мөвпьястö, сьöлöм песьöмтö, ловлысь майшасьöмтö вуджöдны сөстөм кабала вылö. Микулай эз нин кыв батыслысь висьтсö, сы водзö сувтисны коркöя другьясыс — партизан Ваня — Давпонса ныв Домна — кутны позьтöм разведчица, кодi кулис палач Латкин ки помысь великомученица моз, белополякъяскöд воуйтысь Иван Вишератин, Гөрд Варыш, поэт, командир, кодi, гашкö, öни кыпöдö атакаö гөрдармеецъясöс, медым босьтны польскöй легионеръяслысь позициясö. Пöжалуй, накод орччөн позьö сувтöдны и Ольгаöс, местасыс вичмас и поэмаын, кодöс новлöдлö вежöрас вель нин дыр. Со кутшöм, вöлöмкö, олöмыд. А Микулай чайтлис...

— Вугыртин? — батыслөн тувкнитöмыс пальдiс зонмöс. — Арнас, мися, чойылдөн көлысь вылын гуляйтам, прамöй мужик коралö Анюöс, сы борд улын, майбыр, овнытö...

— Арнас, армияö мунтöдз, бать, ковмас вöчны и тiянлысь Ольгаыдкöд... — Көть кутшöм эз вöв лöсьыд сьöлöм вылас, висьталис ассыс мөвпсö зон, невöляысь нимкодясис батыслөн зумыд вир-яйөн, көни тыдовтчылисны гез кодь мускулъясыс, кор вөрзъывлис либö бергöдчывлис öтарö-мöдарö. Татшöм мужикыд пöрысьтас кык Ольгаöс на, Микулайлөн дöзмöм кылöмыс вочасөн дзикöдз пакталис, батыс лоис матыс-

сadjыкөн, коланаджыкөн, весиг мусаён. Орчён пукалысь мужикыс ёд бать, кодй сетлйс Микулайлы олёмсё, и оз позь мыйкё воча шуны либё вёчны сылы лёсьавтём-ковтёмтор, а лёктор йылысь и сёрниис абу. Мыйла водзджык тайё эз волю юрас?

Батыс, тыдалё, кылыс жё сёлёмнас пыслысь вежсьёмсё, небзьёмсё, тапнитис сы пельпомё сёкыд кинас:

— А тэ, Микол, мужик нин, йёз нянь вылад ёдйё вежсьё мортыд. Юала, дерт, он кё скёрмы, рёбитан али служитан?.. Пёганёй рёбёта... Яренкса чекистъяс со кыскалоны жё кодсюрёос, косёдёны водзёс, ёткымынёс пё казнитёмаёсь жё. Первой белёйяс, сёсся краснёйяс... а страдайтё мужик, кытчё воштысьнысё сылы? Со мельник-нымёс некымынысё корлйсны Яренскё, ёни тай коксё кыскалё на-а, ог тёд, мый лоё водзё, водан, а чеччан-ё ловйён...

— Террор, бать, террор,— сёлгаситчис пыис.— Россия пасьта сйдзи, мёд ногыс оз позь: кадетъяс, контрикъяс заводитисны, а миянлы быть вочавидз. Ольгаёс спаситёмсьыд белякъяс, тёдлйсны кё, шуам, сувтёдисны стен бердё, эз видзёдны, кётъ тэ эн радейт комбедтё.

— Табакыс дубалис эськё,— скёрмыштитис батыс.— Ружьёис менам централка, кык ствола, а лыйсьыныд велёдлйсны японецъяс*, иг на вунёд кёсёй синмаястё... А пёганёй уджтё энвотёмьыс ошка, пйёй.

— Лолёй оз лэпты, бать, абу менам рёбётаыс,— поплы моз висьтасис пыис.— Он кё вётлёй, шойччышта, тэныд отсасьышта, гажёй ёна бырис нин...

— Арнас, оз кё бритны юртё, муан велёдчыны водзё,— нимкодя кыв кёрталйс батыс.— Шойччы, кар мый лолыдлы колё, ёти питё верма на верднытё. А он кё некытчё мун, гётрала, выль керка зымёбтам, таыс на бурджыкёс. А ёни вай ещё ётчид корбёсясьыштам, сёлём мыйкё из на бурмыс.

И ая-пия кутчысьёмён моз воськовтйсны джуджыд порог вомён лаймалыштны удитём жар пывсянё.

Тайё сёрниис мыськис зонлысь сёлёмсё, кёни оз коль нинём сэтшёмьыс, мый эськё эз лэдз тыр морёсён лолавны, видзёдны кыпыд вольнёй свет вылас пузчужём кага синъясён, виччысьны водзысь долыдлун, ставсё сйёс, мый вылё кутё лача шваркйысь-пуысь том сёлём, дугдывтёг ворсысь вир...

Микулай водза тулысьясё моз жё овмёдчис вёв гид да мёс картавьётся турун видзан сарайё, танй коккниа лолавсё, некодлы он мешайт, тэныд оз ни. А номъясуд Микулайлы — тшаква, зэвтйс вон — ёни оз суйны нырсё. Вайис кёлуйсё, кор колё, кытчё колё, сэтчё и мун, некодлы некушём мог. А узьсё танй ок чёскыда, палялас асывнас, кор Ольга мёсьясёс лысьтё, кылас, кызди пёдёнчаас первойсё гора звёнон, а сёсся жболькйёмён нёйтчё мёс нёньясысь вына чуньясён пычиктём йёлыс, кызди орчча гидын радейтана вёлыскёд тёлкуйтё-варовитё батыс, и мойд кодъ тайё байёдланторсьыс окота лоё бара унмовсьны. Кызд нё сёсся он окёст, он казьтышт том олёмтё, том гажтё, кодй лэбзьё сэтшём жё ёдйё, кызди войвылё воём гожея луньясыс...

Микулай быттё торыт на петйс пароход вылысь, а кватитчис да, вежон нин кольёма, видз вылё петан кад матыстчё. Некодлы быттё лишнёйсё эз больгы, а сиктын помьыс помё нин тёдйсны: воёма пё Платон Микол — Усть-Сысольксса чекист, а мыйла — код тёдас. Но лун-мёд мысти лоис тёдса и кутшём могён локтёма. А ставыс заводитчис Марьялён кальёг вомсянь. Дерт, первойсё сйё гаравлйс сёмын кодлысюрё Микулайлён воём йылысь, а сёсся лоис содтыштны и мыйла локтёма, стёчасё, дерт, эз урчитлы, но сылысь мёвпсё водзё нудйисны кузь бёжа мукёд катшаяс, ыджыд сиктад Марья кодъ бабайд абу ёти. Воис сйё вёйпёмыс и Микулай пельёдз. Вичкодорын рытнас гажёдчигён Васька годок, кодкёд ётилаын заводитйсны рекрутавны, друг юалйс:

* Платон воуйтлёма японецъяскёд 1904 воын.

— Микол, аскурсё он ёмёй ю?

— А тэнад эм? Давай...

— Аддзёмыд йёйёс, а сэсся менё решетка сайё Красной Армия пыдди? Чекисталан пё да, воёмыд Усть-Сысольскяень аскур вийёдысь-ясёс гёняйтёдны да...

— Бурджык лоис, кутін кё баля яйён чёсмасьсысьясёс,— содтіс мёд годок.

— Коді сөрё тайёс?— юалис Микулай.— Важён муні чекасьыс, рекрутала со тьян моз жё, висьталасны коз пу йылысь туриёс, а ті и веритад.

Коліс тупкыны Марьялысь вомсё, а Микулай ворсанінсянь пыр жё муніс сы ордё. Улыс грездын ылысянь на усис син улас Любавалён ыджыд мича керкаыс — Туркинъяс керка дорысь абу омольджык. Сьёлёмыс некымынысь ёкнитіс садъя йёр дорёдыс мунігён. Оти ёшинь восьса, но некод эз тыдав, сёмын дёлаліс-паруситіс тюль занавесыс. Зонлы усины дум вылас Любавалён пёсь вольпасьын колльбодём вой-ясыс, мутивёйыс сідзи и мёдіс тойлыны ордлыас, кежав пё, кежав, вердасны и юктёдасны, шылёдасны и мольёдасны, доймёминтё пёля-ласны, сывъяласны и окаласны, водтёдасны и узьтёдасны, мый нё нёшта моргыдлы колё таысь вывті? Зонмёс одва эз кеждёны дудышт-лём кокъясыс тёдса, унаысь восьтывлём дзирьяё, но эз сетчы, кётъ эськё и омольыс кыскис сира гезйён моз, тэрыба муніс Марья ордё, кёсийс звиркнитны-чеччыштны ёшинювса йёрас, но невёляысь кутіс нимкодясьны кыз сюръяяса, неважён на вольём потшъяса заворён, сир кёрён ёвтысь пёвъяса дзирьяён. Митиперлён киподтуйыс тёдчё нин, кётъ и сёмын на овмёдчис Марья ордё, оз весь шуны, мый радейтан уджсьыд он музд.

Митипер да Марья эз дзёбны нимкодьлунсё, зонмёс пуксьёдісны ен ув пельёсё, кёзяйка корсис пызан, кётъ и неважён на ужнайтёмаёсь, лашъяліс-ветлөдліс то кывтё, то посводзё, то гёбөчө, а вомыс изіс и изіс.

— Игё нин виччысьёй, Платоновичёй, ми кодъ омоль йёз дінад, мися, из и кежав, да оз и кежав. Митиперушколён дёбельки бырис гажыс, ётарё дольё, гаралё, водам вонйё — бара кутас мыйкёкарны, а Платонович абу и абу, быттьё иг и аддзылөй сійёс пристаньысь гортас кайигас, быттьё иг и варовитёй борйын. Миянёс эськё мед нин, таков-скёйяс, да ёд и Любаватё энөвтін, мый сылтён оз тырмы, Микулаюшко, ог гөгөрво йёй баба юрнад, Любава кодьтё округа кодъсыс он аддзы, кётъ понйён корсь. Татшём бабаыдлы любөй кавалер сюрё, а сирасьо-ма тэ дінё, косьмё-шупалё, кутшөмкө еретнича, гашкё, мыйкёкарёма.

— Баба, кывйыд гаддялас, сет мортыслы лолыштны,— зіліс тупкыштны ёддзём вомсё гётырыслысь Митипер, коді гёбөчсьыс петкөдіс ыджыд сулея, восьтіс рузум пробкасё, кисьталіс чашкаясё нырад чапкысь самёкур. Марья шлапкысис-лэччысис юрлөс кодъ заднас норника дзуртыштысь джек вылө, первой кутчысис аслас чашка вугйё.

— Мед Ен сетас миялы вина да сур, мед некор из быравлыны пызан вылысь,— сэсся кватитчис, шуис зонлы:— Чекистьясыд пё аскур пуысьястё тюрёмаё пуксьёдөны...

— Пөдлалан он пач пөдантё, баба?— дөзмис верёсыс.— Лэдз морт ногён, спутю пукуыштны однополчанинкөд.

— Марья тьёт, эг ёмёй висьтавлы сэки, боръяд пукалігад, ме ог нин служит чрезвычайкаас: петі, муні сэтысь,— гөгөрвоөдіс Микулай.— А тэ йёзыслы...

— Ин баит та йылысь, ин, Платонович,— дорйысис Марья.— Ме иг жё некодлы кыв шулы, ин весьшөрё каттысь, со Енмыс, сійё кылө и аддзё, оз лэдз пөръясьнысё...

Самёкурыс чорыд, спирт кодъ, тыдалё, вийёдөмаёсь кык пөв. Одва и шедіс лолыс Микулайлы, эз виччысь да, сэсся и курыдторсё важён эз видлы. Пыр и гажмис, юанторйыс визлаліс сөнъястыс, лэччис кокъяс-өдыс, шонтіс морёссё, разис вомсё.

Митипер дөвөля кывзис однополчанинлысь бура көзяйстувйтөмысь ошкөмсө, тшапа видзөдлывліс Марьялань, со пө ми кутшөмөсь, а тэ пө он гөгөрво тайөс.

— Митиперушкокод көсьям выль керка лэптыны,— ошйысис Микулайлы гажмөм көзяйка.— Арнас керсө лэдзам, төвнас срубсө сыркнитам сэтшөмөс, мед йөзыс завидьтөны. Выль му көсий Митиперушко вөчны и...

— Видз ковмас жө паськөдны,— отсаліс гөтырыслы көзяин.— Вөрыс заводитөма кыскыны, а көрымтөгид скөттө он содты. Абу кө картаад живөтинайд, Николай, и куйөдыд оз ло, а сытөг нө кутшөм нянь. Вот тадзи, олөм чөжыс бергалө мужикыд овмөсас. Сөмын өні абу спутю, абу выгөднө тайө.

— Уджавныс абу выгөднө?— чуймис зон.

— Да, Николай,— Митипер кыпөдіс куритчөмсьыс вижөдөм кыз гыжъя водз чуньсө.— Öти-кө, продразвөрстка, кымын унджык нянь амбарад, сымын уна грабитасны, колясны толькө нур вылад. Кодлы тайө выгөднө, Николай, ог төд, толькө не меным, крестьянинлы. Мөд-кө, өні крестьянинлөн абу на прамөйджык гөр, плуг, ни литовка, ни гөрбуш, ог нин казътыв машина йылысь. Кар меным немтор оз сет, а менсьым босьтө ставсө. Ыджыд-ө таысь выгөдаыс крестьянинлы, Николай? Со и ме шуа — колө лөсөдны налог, шуам, сета государствовлы урожайысь кутшөмкө пай — и ставыс, остальнөйнас пөльзуйтча ачым. Вот сэки мужикыд и вөчас выль видз-мутө. Гөгөрвоин? Сэки ставыс лоас спутю.

Ог төдөй, гөгөрвоис эз тайөс гажмөм Туркин, а мый көзяйкаыс важөн нин оз дзурт джек вылас, путьмис казавны. Выль чашка гумыльтіс да нөшта гажмис Микулай, мөдіс знойны, сөрны мый вом улас веськалө, а Митипер долис асьыс, тшөкыда кыпөдлывліс кыз водз чуньсө, быттьө таркөдіс Туркин нырө:

— Мужиклы сет вөля, Николай, мед сійө овмөсас көзяитіс ачыс, эз кутшөмкө дядьө либө пролетарий, гөгөрвоан, Николай? Сэки ставыс лөб спутю.

Туркин помнитыштө, нөшта быттьөкө орччөн лонс Любава, коді кутліс, некодысь яндысьтөг, окаліс, зон төкөттьө эз пөд, аскинас кө сылысь юалісны, дерт, эз вермы висставны, вөтөн али вемөсөн вөлі тайө.

Шуөны — өтигорйыс пө олөмад кыкысь оз овлы, но Микулай талы оз эскы: паляліс пөсь пач кодь бабакөд орччөн, но эз төд кодкөд, поліс вөрзөдчыны, колөкө тэлань бергөдчас ачыс мутивөйыс, бурджык нин мед тадзи, мышкөн узяс. А горнича пытшкөсыс сьөлөм доймытөдзыс төдса. пөтөлөксьыс став ув туйясыс быттьө нюмъялісны, эн пө көйы да бара веськаліс. Паськыд небыд тайө крөватяс медводдзаясь узис садьтөм кодөн жө, куйөд петкөдісны, сөсся чомөрасисны. Сөмын сэки садьмис пемыдын, көть синмад чунь суй, лонс кималасасыны, а өні со лун югыд, сөстөма мыськөм горнича стөнын ворсөдчөны шонділөн пуяслөн вежөд пыр писькөдчөм көсөй югөръясыс. Личмуні сьөлөм: Любава ордын.

— Кыдзи веськалі татчө?— юаліс зон.

Көзяйкалөн, вөлөмкө, дөрөм мыгыс сөмын узьө, пыр и вочавидзис:

— Митипер мездорас вайис.

Микулайлы лонс яндзим, төрытъяыс усис дум вылас да.

— Колө жө татшөмөдз юны.— шензис сійө.— Нинөм ог помнит, висьсталан кө мортөс вни, верита. Мый мышнад куйлан?

— Төрыт төкөттьө эн чаквы да, кратайтчин, кампужитчин да...

Микулай кутіс, бергөдіс асланьыс Любаваөс, коді сетчис окоталпырысь. Көть мый эн шу, а Микулайөс век жө кыскис тайө мича бабаныс дінө, ылын муясын ветлігөн тшөкыда казътывліс сылысь пөсь телөсө, коді чурскывліс-нөнявліс адззысьлігъясас зонлысь став вын-эбөссө. Зон неуна весиг польштис бабалөн страшнөя, пөся радейтөмсьыс, но Любаватөг эз нин вермы овны. Марьясө төрыт локтіс өнджыкасө эз видчөм ради, көть эськө и көсийс вөчны тайөс, а Любава вөсна: төдіс, Марья гөзийдас найөс.

Кор вынтөммөм мусукасысыяс чечисны крөватъысы, шондъис су-
лаліс вылынкодъ нин, Микулай коскөдзис мыссис кодзыд ваон. Люба-
ва кысталіс таз вєсьтас копыртчөм мусасылы ыргөн көшысы, синъяс-
нас пөттөдзис сєйис сылысы вир-яйсө.

— Петушоксыд прамөй петукө пөрөмыд брөдягаалгад.

— Ас кодънад чайтан,— скөрмис Микулай.— Ме воуйті, юрөс ни
вирөс эг жалит, а тэ колөкө тані Ольга моз белөй офицеръяскөд кыс-
касин! Брөдягаалі...

— Тэ, Платон Микол...— тадзи нимтыліс Любава скөралігас том
Туркинөс,— эн вывтисө лэбав, честнөй дөва ме, абу шлюха, ог кырсав
первой понкөд, Енмыс аддзө, дай тэ, Микол, ачыд төдан, вєшьөрө
зыртласян!

Микулайлы збылысы нинөм лоис вочавидзнысө, сөмын скөрысы
чышкасис, косөдчис чорыд пыш дөра кузъчышъянөн, пырис кухнясы
ыджыд горничаө, кутіс видлавны шкапысы книгаяс.

— Юр усян туяс ачыд мунін, некод эз тойлав гортсыд,— водзө
юксис аслас мөвпъясөн Любава.— Йөз мозыс кө олін, өні эськө быд-
тысим тэа-меа, эськө көзяинөн вөлін. Мый тэныд оз тырмы? Пөрысыт-
нытө водз на менө, неунаөн и ыджыджык тэысы. Оз кө глянитчы тані,
вузала ставсө, овмөдчам кутшөмкө карө, кытчө окота. Ог пропадитөй,
грамотнөйөс, любөйлаө бөсьтасны, сьөд рөбөтасыс ог пов ни.

Со, вөлөмкө, мый йылысы мөвпалө Любава, Микулай эз куж и
чайтлынысө. Абу шыбитантор, эм мый йылысы песышты юр вежөртө.
Зон пукис паськыд диван вылө, нимкодясис татшөм мича, авъя ань-
өн — он, небось, өткодяв мукөд нывъяскөд, весиг Усть-Сыольскєа
Шуракөд! Любава серти найө ставөн дубджыкөсы, ыркыдджыкөсы, оз
шонтыны, төлысы югөр моз жө.

— Арнас служба вылө меным,— дорйысыштіс нисьө жаляддза
шуис зон.— Ковмас на көкуйтны тэныд.

— Войнаыд помасьө, оз быдөнөс вины, виччысыла. Он кө верит,
венчайтчам, батыд син улын ола. Төрам.

Микулай эз вочавидз, дөрбөмасис, шыльөдчис ыджыд рөмпөштан
водзын, өткажитчис пөкмелитчөмысы, юалис:

— Коді, интереснө, вина фабрикантыс? Али ачыд? Марья, гашкө?

— Эн пычки, пока оз позъ висьтавынсьө тэныд, бокөвөй на,— серам
сорөн өвтыштчис Любава.— Лэччыла мөс лысьтыны да лудө лэдзны,
а тэ велөдчы көзяйкаавны: самөвар сувтөд, петав көзөд вылө ырөшла,
вєськөд юртө.

— Лишнөйсө төрыт эг сөр? Бара Марьяыд керкаысы керкаө катша
моз китшкас,— төждысис зон.

— Оз, стрөга вомалі, менсым кыв оз вудж. Ёнасө эн шастит.
Кутшөмкө Шураөс казытылін, Домнаөс, грөзитчин кутшөмкө палачъ
яслы. Менө вежөгтан, а ачыд война вылад абу манакалөмыд.

— Ладнө, ладнө, Любушка, Бөрынджык ставсө висьтала,— ку-
тыштліс көзяйкаөс Микулай.

Мусукъяслөн вужынь-вежыньмунлөмыд төвзьө енэжө сөйсыылөм
кунөр моз жө, шєнзынысы нинөмла, өтлаад пө и кык гырнич транмун-
лөны.

Тадзи и оліс Микулай, то сарайын, гортас, то Любава ордын.
И страда дырйи. То пуктысис өти овмөсас, то мөдас, быттьө кык поп-
лөн казак. Жар шонді улын зон сиктєа войтыр моз жө быттьө шупа-
ліс, сьөдөдіс, чиган кодъ лоис. Мугов йөзылды тай гождыд өдіө сиб-
дө. А вот Любавалы шондөлін югөрйасыс эз мөрчыны, дерт, виччысыс
жө наысы-а, чышъян увсьєсы тыдаліс сөмын кульсьөм розөват нырыс,
да еджыд платтьө подол увсьєсы мича кокъясыс. Зорөд вуджөрын паж-
найтігөн Любава өтчид гарыштіс:

— Баля шышъясыд, тыдалө, пышйисны, повзисны тэысы да.

— Марьялөн изысы вомысы найөс вөтліс, а эг ме.

— Гашкө. Кодкө тай полошуйтөма-а... Төнлун волі тіян ордө, гө-
ститөдісны свежөй чериөн. Сьөлөмөй весиг инасис местаө, Ольга кы-

йома. Абу Евтысы, сэні өд колө тывъявны, страда дырйиыд некор. Вугралөма Полит мельнича прудйысы, чериыс пө сук, гыбалө веськыда. Жаль, ог куж вуграсыны ни подольникасыны да.

Колө шуны, Любава бурасис Ольгакөд, дугдис вежөгтыны сы динө Микулайсө да, важ мозыс тшөкыда овльвліс Туркинъяс ордын, видзьясис налөн пөшти орччөнөсь, корсюрө и пажнайтлисны өтилаын.

Микулайы окота жө свежөй черинад чөсмасыны, өти урочищөсыс видз пунктөм бөрын локтис войколөн мельнича дорө, кыйны Петыр лун кежлө көть черинянь вылө. Прудйө усьысыс неыджыд ю кодь шор вом дорын вуграсисны челядь. Медым не мешайтчыны налы, корсис, кытысянь эськө лөсьыдджык чөвтасынысө. Син улас усис кыркөтшдорса джуджыдинө вөчөм коляс, пуксянін лөсьөдөма и. Неылын, пуяс костас, бипур места, пызан, лабич. Тасянь тыдалө ставнас прудйыс, берегъясыс, ызгысы помөдыс, мельничалөн өти стен бокус. Шойччыштны, юртө пальөдыштны, ловтө кыпөдыштны таысы шаниныс оз и ков. Молодеч Митрей Политыс, рай кодь местаө мельничасө кылөдлөма! Да, ставыс тайө вөлі өтнаслөн, а өні пөльзуйтчө сы добраөн мирыс, аслас көзяин чиныс усис, лоис казакөн. Өдвакө Овчинниковлөн овльвлө сьөлөм вылас долыд Микулайлөн моз, көть и мужикыс абу сьөкыд руа. А мөд пөлөсөн өмөй вермисны лоны, шуам, Туркинъяс, вөліны кө найө Овчинников местаын? Дерт, эз, быд ногыс эськө зілисны бергөдны водзөс. Видлы мыйкө мырддыны Микулайлысы, бурөн оз сет, коркө и казытыштлас та йылысы, а Митрей Политлысы, кызд шуасны, экспроприуйтисны эз сөмын мельничасө, но и кузнечасө, сир вөчан, дьөгөдль вийөдан заводсө. Он көсий да мөдас петны лөгыд, кутан лун и вой мөвпавны водзөс косөдөм йылысы.

Чериыс тані и збылысыс эм, торйөн өна сөйө шонді лөччигас, рытъя кыа өзйигас, сөмын удит лөптавны коляссыс мича черисө. Тырмас черинянь пөжавны и йөлөн пражитны праздник асылө.

— Менам колясысыс гусясян?— Ольгалөн гөлөсыс весиг повзөдөдө мөвпьясас вөйөм Туркинөс, кодлөн сьөлөмыс гусөбник виччысис тайөс, төдөс, мый тадзи лөб.— Ин дивуйтчы, ме батькөд ичөтсянь вуграсылі, велөдөс пиыс пыдди. Асыя кыанас өнджыка сөйө,— заводитөс сөрнисө Ольга.— Бур, тэ локтін да, гажаджык. Убөлитөма жө лөдзны гөтырыд...

— Бабаыс менам зыбкаын на, зон юрөс, вөляөс, тэ моз кокныда ог вузав,— водзөсөб бытшкис Микулай.

Кадыс тырмис, водзджык кө олісны чөв, медым эз полошуйтчыны чериас, то өні позис варовитны, вензыны пөттөдз, найө өд некор на эз пукавлыны тадзи, син на син, гажаа трачкөдчысыс бипур өтар-мөдар бокун, эз нимкодясылыны пөртйын шваркйысыс-пуысы өтувъя кыйдөсөн.

— А ме тэныд, Оля, өщө фронт вылын на гижөм кывбуръяс силі, лыддыліс ачыс Гөрд Варыш... Он верит?

— Ин ывсөдчы,— эскытөг артмис Ольгалөн.— Белалөмыд, пөръячка.

Микулай эз вензы, төкөтөбө олыштис чөв, сөсся Ольгалы веськыда синмас видзөдласнас сатшкысыөмөн лыддис кывбурсө. Мөдыс кывзіс сюся, төдчис, мый поэтлөн кывъясыс вочасөн пьсыкөдчөны и пьсыкөдчөны сы пытшкө, заводитөны лөсьыдөник гы вылын моз майшөдлыны ловсө, торйөн нин вөрзөдөдөсны бөръя кывъясыс:

Мед лоас сідз, вензыны ог көсий,
Пөсь кабырын мед лоас тэнад ки;
Тэ, радейтчөмбөй, шонді моз жө бзйы —
Тадз олбмыслыс туйсө вуджам ми.

Руд бархат войся өнөжө трачкакылысыс бипурысыс качөны киньяс, кусөны-вошөны пөшти на весьтө шевкмуном пу лапъяс костө, булькакылысыс пөртйысыс вачкө нырад свежөй юквалөн дультө пычкысыс көр, чужөмад сатшкылөны нырнысө зыныгысыс номъяс, но тайөс оз казавны

мөвпъясас вöйöм Микулай да Ольга, найöс майшöдлö пытшкöсса кылöмыс, сьöлöм вöрзöдчöмыс...

Первой шыасис Ольга, татшöм кывъяссö сылысь Туркин эз виччысь, но найöс лоис шуöма, сэтшöм нин вöли сьлөн этшыс, эз радейтлы кытшлöдлыны. И нимтис зонмöс бара жö эз Микулайöн, а ас ногыс:

— Николай, татшöм кывъяссö меным некод на эз шулы, некод...— Лов шызöмысла Ольгалöн гөлöсыс ори, лоис нөрöвityштлыны, сöмын синъясыс нудисны сёрнисö.

— Верит кöть эн,— эз вермы водзö кутчысьны и зон,— а ме тэ йылысь думöн и олі, виччыси, кор нин аддзысьлам, сійöн и локті бөр...

— Водздзык коліс, Николай,— жугыля ышловзис Ольга.— Помнитан, тэ ин татшöм вöв, ин тадзи байтлы, а толькö лапайтчин, пемыдінан зилин жмитлыны, ещö видчин да... Помнитан, кызди код журнад лезитін ме дінö ворсанінад, Викентийлы лоис суйсыны. Ме, гашкö, иг жö öтчыд думыштлы, тэ кö эськö öнія кодь вöлін, колöкö и...

— Ог мыжав тэнö, Оля. Йöйялі, мый сэсся каран. Олöмöй артмис сідз... Да-й челядь руа на ме сэки вöлі!

Ольгалы юрас кучкис буретш сійö тешкодь мөвпыс, мый йылысь казтыштлім нин; вöлөмкö, олөмас вöвлөмторйыс овлö некымынысь, сійö жö бипур, сійö жö юква, сійö жö прудлөн крут берегса яг, сöмын öні абу лун, а вой да Викентий пыдди.— Николай. И вонйыс абу. Кор тайö мөвпыс воис вежөрöдзыс, Ольга муртса эз весьöпөр, чепöльтліс асьсö, вöт али вемöс. И кымын дыр мөвпаліс, сымын эскис, мый тадзи, тыдалö, окотитö ачыс Енмыс, сідзкö, оз ло некутшöм грек. Но Ольга, кöть и заводитліс пузыны пöсь вирыс, кöртвомаліс асьсö, медым лаймаліс чеччысь сьöлöмыс, сёрнисö кежöдіс мөд вожö.

— Тэ, Николай, любитлін Домнатö, кодöс тай белöйясыд виöмаöсь, тешитчöмаöсь да?

— Домнаöс, партизан Ваняöс, отрядын любитісны ставöн, но сійö некодöс эз сибöдлы, Вишератин другöй вежөгтыліс Гөрд Варышкөд весиг.

— А колöкö, из весь вежөггтыв, колöкö, и збылысь любитіс, нывъясыдлысь сьöлөмтö Маегов коддьöмъясыд и косьтöны, ме эськö Гөрд Варыштö, Николай, любиті жö, вывті нин шань сійö.

Микулай бара шензъыштіс, зэв ас нога Ольгаыс, öнөдз эз казъявлы, а кор и казъявныс, öнөдз эз сёрнитлыны морт ногыс да.

— Жаль Домнаыс, жаль и тэ, Николай, ин вермы сы вöсна косöдны водзöстö да... А ме вот кöсья вöчны тайöс, ог прöстит батлысь лов босьтысьяссö! Мыйла бара ме, Николай, абу зон? Кутшöм эськö кокныд вöлі вöчны тайöс!

Кымын водзö, сымын гөгөрвотöмөн лоис зонлы Ольга, оз весьшөрö шуны: вöльной светад олігад быд дивöсö аддзылан.

— Баля сёйысь морт виысьясыд, Николай, пышйисны тэнад чекистскöй паськөмсыд, саймовтчисны пемыд вöйсöдз. Төдöны, ас мортсыд другөн он пышйы, арнас, ме чайта, рöштшöнтайтчасны тэкöд, и ещö кодсюрөкөд. Ин чайт, мый лөсьöдла, яренскса чекистъяс синтöм кутюяс, а ме мыйсюрö аддза нин, воас кад, и каття варнакъяслысь пеж ловнысö. Вот аддзылан!

Микулайöс йирис сөвестыс: водзöссö кö мөдасны косöдны мадонна кодь нывъяс да аньяс, зонъяслы да мужикъяслы быть ковмас юбка пасьтавны. А Ольга вермас вöчны мый висьталіс, этшыс сэтшöм, тупельöс моз он чужйы. Коді чайтліс, мый Пома Евислөн нылыс казнитас мусук радиыс Педөр Педотöс? Микулай заводитліс гөгөрвоöдны, мый тайö абу бабийöй делö, мый татшöмторъясас бурджык не лякөссыны. Но мöдыс эз сетчы, дзакмуні-öзйис гөрд лыс моз:

— Зывöктыны кутан? Коді любитö, татшöмторыд сылы веськодь. Тэнад Домнаыд юр вундысь жö вöлөма! А ме öд бать вöсна, Николай, кöсья, бать вöсна! И вöча тайöс, бурджык ин суйсыс аслад сөветъянад, аслам юр вуйым. Сöмын ин брöльгы та йылысь, торйөн нин гажа журнад, воас кö Любава пельöдз, вермас и вузавны...

Онӧдз найӧ эз казътывны матыссаяссӧ, зӱлисны кытшовтны найӧс, медым не дойдны ӧта-мӧдсӧ. Ольгалӧн прӧступитчӧмыс эз ло сьӧлӧм сертиыс Микулайлы.

— Ӑти-кӧ, Домнаыс абу менам, весьшӧрӧ эн вежӧгты, мӧд-кӧ, тэ, Оля, меным абу зывӧк, ни он ло некор зывӧк, кӧть мый он вӧч, гӧгӧрво: любита тэно, кӧть и он сет чуньӧн вӧрзӧдны некытӱ. Коймӧд-кӧ, кодлы вузалас мянӧс Любаваыс?

Ольга кыпӧдчис кок йылас, пыкис кулакъяссӧ бокъясас, Микулай синъясыс видзӧдлассӧ вештывтӧг вочавидзис:

— Ӑти-кӧ, воас кад дай шуа: Николай, вӧч мекӧд мый лолыд лэптӧ, гайӧс ачыд нин гӧгӧрвоан, ме думысь; мӧд-кӧ, тэнад Любаваыдлы ёнасӧ веритны оз позь, та йылысь бӧрынджык висьтала жӧ, ин шогсы; коймӧд-кӧ, колӧ корсьлыны юр сюянин, а то асья кыаӧдз татчӧ сӧмын лыясым кольӧны.

Ольга нуӧдис Микулайӧс мельничаӧ, восьтис гуся иган, кодӧс эсь-кӧ Туркинлы некор не казавлыны, кӧзьяйскӧя восьтис ӧдзӧссӧ, пырисны да, бӧр игналис.

— Ин маитчы, ме быд розь тӧда, сулавлы, гӧгӧрта, мед иг йӧза-сьӧй, быдторйыс вермас лоны...

Вель дыр мысти воис Ольга, паськӧмыс пызь бусӧсьсӧма, пыркӧдчис, босьтис Микулайӧс сойбордйӧдыс.

— Тэа-меаысь кындзи некод. Полит воас, чайта, водз асывнас. Мыйла? Локтас, локтас, вот видзӧдлам. Сыӧдз колӧ узьыштны.

Ольга вайӧдис вылыс судтаса мянлы тӧдса нин неыджыд вежӧсӧ, кӧнӱ олӱс ачыс Политыс. Топыда пӧдлалӧм ӧшина, ӧдзӧса, жырйын эз вӧв ни ӧти ном. Тувьясӧ ӧшлисны нопъяснысӧ, вылыс паськӧмнысӧ, кокниа лолыштисны.

— Крӧватъыс вот ӧти, он кӧ лезит, водам орччӧн. Любовыд, Николай, оз пышйы, терпитыштам нин неуна,— варовитис вольпась лӧсьӧдигмоз Ольга.— Ӑкurateнӧй мужикыс, гӧгӧр дзим-дзурк, вольпасыс сӧстӧм и. Веськыд зӧлӧта Политыс, сы борд улын, майбыр, гӧтырыслы, толькӧ вот пӧдругасӧ унаӧс видзӧ. Тэ кодъ жӧ, Николай, тэ кодъ, став гач новлысьыс, тыдалӧ, ӧткодъӧсь.

— И батыд?— шпыньмунис Туркин да юалис:— Позьӧ, Оля, пуксыны орччӧн, сета кыв — ог лезит.

— Бать из ветлывлы потшӧс косттыд некод йӧрӧ, святӧй, мамысь ӧтдор из любитлы некодӧс. А тэнад батыд? Кымын во нин честнӧй дӧвеч, сы вылӧ эськӧ бабаясыд вежалӧны да. Николай, чайтан, терпитны кута Любавакӧд кырсалӧмтӧ?.. Эновт барышничатӧ, ме вӧча жӧ мый колӧ, ачыд тӧдан мый... Сэки и верман карны мекӧд мый кужан, мый лолыдлы колӧ.

Ольга игналис ӧдзӧссӧ, водис крӧватъӧ, кутыштитис коскӧдыс орччӧн пукалыс зонмӧс, кыскыштитис ас дӱнас.

— Йӧюк, ин вежӧгты покони́к дӱнас, Викентийкӧд любитчим, но гӧтрасьӧмӧдз эськӧ игӧ вӧй, абу меным пӧв.

Ольга друг серӧктис, топӧдыштитис зонмӧс.

— Шулӱ нин, ӧкота лоны зонмӧн, но и сэк, Николай, эськӧ иг юктав чибӧӧс тэ моз некымын юкмӧсыс.

Коркӧ мудзыс венис жӧ, лӧнисны, кутчысьӧмӧн и водисны чоя-вока моз. Ун йывсыс нин Ольга бара дольыштитис асьыс:

— Только, Николай, ин лезит, честнӧя ворсам, честнӧя...

Асья кыаыд, дерт, налӧн узьыс. Садьмӧм бӧрас Микулайлӧн часӱ петкӧдлӱс квайт час. Видзчысьӧмӧн вӧрзӧдчыштитис, но Ольга пыр и восьтис синсӧ, быттӧ виччысьӧма. Микулайлӧн быри терпенньӧыс, видзӧдны вомад вӧзйысьыс кисьмӧм ӧмидз вылӧ да не видлыны сылыс кӧрсӧ, тадзи ӧмӧй позьӧ?

Туркин шамыртис вына сойяснас Ольгаӧс, топӧдчис небзыны удитӧм на зумыд йӧнгыль кодъ морӧс дӱнас, кыйыс паръяснас сылысь вомдорсӧ, но мӧдыс эз сетчы, мыджыс княснас зон морӧсӧ, зӱлис пескыльтчыны, мынтӧдчыны.

— Лэдз бурён, Микол!— тóдтóm, пóдóm гóлосóн ымóстómóн моз шуис Ольга, кодлón óдйó жó пузыльís вирыс, но óнi сйó збыльысь эз кóсйи, медым артмис на кóстын тайó. Бур, мый Микулай гóгóрвоис, сайксялís, лэдзис ас увсьыс ышкысь-пошкысь мусуксó. Ольга чеччис, пыркнитчис, лóсьóдыштiс юрсисó, мича кыз кóсасó, скóрысь кóритыш-тiс:

— Ме морт, абу кын вир-яйóй ни, гашкó, меным ёнджыка на колó, да терпита. Мый эськó шуим, суис кó Полит, сйó вот-вот воас. Вунó-дiн кó, ещó óтчид шуа, Николай: либó óти, да менам, либó ньóти!

Зон олiс чóв, сóмын став сьóлómнас кылiс, мый тайó мортыс, кодi тэрыба лóсьóдiс крóватсьó, медым мельник немтор эз казьяв, óтарó лóо коланаджыкóн, донаджыкóн, матыссаджыкóн.

Óдва воисны вуграсьяниас, пуксисны лабичó, шойччигмоз нимкó-дясисны вылóкодь кыпóдчóm шондi улын уна сикас рómьяснас ворсóд-чысь вóр-ваóн, видзóдiсны каляяслón чери кыйóm бóрся.

— Прудас гычыс ок уна рóдмóма, аддзан, кызди ворсóдчóны,— индiс Ольга ва веркóсó чери чеччыштлóm либó бóжнас тельснитóмысь артмóm кытшьяс вылó.— Толькó найó вугырад шоча шедóны, нуйтас тырмó сёяныс. Вай мóдóдчам, талун óд видз вылó на колó ветлыны.

Вуджисны помóд вомóн, мельник удитóма нин гортас рóдтыны, веськóдчисны ордымóд.

— Жальóн кольó мусóm мельничайóй,— жугыля ышловзис Мику-лай да содтiс:— Танi вермис воссьыны, гашкó, медбóрья дзоридз, кодi овлó мусаджыкóн водзаяс дорсьыд...

— Ин маитчы, Николай,— регыд дзоридзыд воссяс, терпитыштам, заводитiм кó, помалам нин. Толькó менсьым кыв ин вóдж, талунсянь барышнича ордад мед из вóвлы весиг кок пóлыд.

Мóдыс вочавидзис кывбурён:

— Кисьмóm нин дзоридзён усин ме киó,
Шызьывлóm сьóлómс сotyштiн биён.
Кóть кодкó-й вóйпас — веськóдь нач мем:
Водзын, мадонна, миян кузь нэм...

Сиктó воигóн нин, кор тыдовтчис вóр дорас сулалысь Пома Евис-лón керкаыс, Ольга кутiс сойбордйóдыс зонмóс, кеждiс гортас, кóнi Ганов эня-ныла абу вóвлóмаóсь кольóm восьянь нин, Туркиньясó кóлуй-нас вуджómсянь.

Óдзóссó тасалóмаóсь, томан ни иган, Гановьяслысь нинóm и гусяв-нысó, кóть и шышкыд кежавлас. Керкаас ставыс ас местаас, некод ни-нóm абу вóрзьóдлóма, кыв кóрталiс кóзьякаыс овмóссó гóгóртóm бóрын:

— Гашкó, татчó овмóдчам, кóть и омóлик, но век нин ас вевт улын,— пóлатювса паськыд пу крóвать вылó пуксис да шуис ныв.— И узылыныд места эм.

Микулай лэччысис орччён, Ольгалón руасьяштысны синьясыс, ян-дысиг, мыйкó виччысиг пышьялiсны óтарó-мóдарё зонлón видзóдлас-ысь.

— Олюк, овмóдчам Усть-Сыольскó, тóдсаяс отсаласны тэныд пырны удж вылад,— зон кутiс мусасó, топóдiс óтарó óддзóдчысь сьó-лóm бердас, нывбаба кывзысис, сетчис кожньыда, тайó водзó ышóдiс Микулайóс, сёрнитiгмоз личкис жаймунóm Ольгаóс крóватё, кодi гора дзуртыштыс.

— А ме, Олюк, чрезвычайкаó ли, милицияó ли... И салдатó оз ков мунны... Гóгóрвоан?

— А мамóс кытчó?

— Сьóрысь нуóдам, сьóрысь, гóгóрвоан?— а ачыс пыр ёнджыка и ёнджыка топóдчис нывлón воча ыпмунóm вир-яй бердó. Ольгалón бóрья кывьясыс петiсны морóссьыс долыда ымóстóm моз:

— А óнi всё равно нин. Сьóлóm поттóдз нин терпитi...

Важ пу крóвать став эбóссьыс заводитiс гораа дзуртны-славитны порок моз ыпнитóm выль любовсó.

Та бõрын Микулай турун сарайысь бокõ войсõ коллявны эз нин ветльв. Сёрнитчисны сідзи: Микулай первой õтнас мунас Усть-Сысольскõ, ладмõдас ставсõ, сэсся корас Ганов эня-нылаõс.

Ольгаõс Микулайкõд та бõрын тшõкыда позис аддзывны том йõзлõн гуляйтаниысь. А луннас страдуйтисны, отсасисны Платонлы, кодї эз и вольвлы гортас, узьліс чомйын либõ вонйын видз вылас, тэрмасис Илля лунõдз помавны пуктысьõмсõ. Тани оліс Ольгалõн мамыс, пусис, вердїс-юкталїс страдуйтисьясõс, а луннас босьтліс киас куран. Фекла эз нин нёрпав, шылясис-молясис, гõгрõсмьштіс весиг Платонлõн няньсов вылад.

— Мамук, тэнõ кõtь верõс сайõ сет,— шмонитыштіс нылыс пажнайтігõн.

— Грекõ вõйтись,— нимкодя дõзмис Фекла да лыйыштіс Ольгалõн кодь сьõд синнас Платонлань.— Шуан да шуõма лоõ, а он шу, терпитнытõ он вермы, код нõ ми кодьбõмсõ босьтас, кодлы колам, гõгр кизь кодь нывьяс сьавьялõны да...

— Талун-аски топõдам, мича поводдяõ пуктысим,— Платонлõн арап кодьбõдз сьõдõдõм чужõм вылас чеччисны сõмын син еджыдьясыс, лõсталысь жемчуг пиньясыс.— Тэ, Микулай, мыйкõ энõвтін Любаватõ, усьõ оз на виддзыс? Гашкõ, меным отсыштни, век жõ воча воклõн гõтыр, а то дышõдчан.

Мõдыс синмасьштіс Ольгакõд, тэрмасьтõг вочавидзис:

— Мõска-вõлайдлы пуктім нин. Абу турун — зарни. Сылы õд сэсся суседьясыс, Марья гõзья отсасьõны.

— Ен ськõдõн таво ставыслõн туруныс веж,— содтыштіс и Фекла.— Кокниа скõтыд тõвьяс.

Гановаõс торкис Микулай:

— Некор отсасьнысõ Любавайдлы, бать, каа бõр Усть-Сысольскõ.— И юксис аслас мõвпьясõн, дерт, Ганов эня-нылалõн сэтчõ локтõм йылысь чõв оліс-а.

— Вõльнõйлы вõля, гажтõм гортад, абу окота куйõдад луасыны,— жаладдза шуыштіс батьыс.— Мунысьлысь туйтõ он катты. Кор мõдõдчан, позьõ кõ, дерт, юавнысõ?

— Кõtь аски,— турун вылõ нюжõдчигмоз веськодя вочавидзис пиыс.

Õтчид, рытнас гортас скõтõс идралõм мысти, Ольга кыпõдчис Микулайлõн чардакõ. Зон шыбитіс кисьыс пызан вылас Дюмалысь роман, чеччис крõвать вывсьыс, пуксьõдїс сэтчõ Ольгаõс, кодї кайліс татчõ сõмын ёна нин топалїгõн. Пõдругаыслõн чужõм сертиыс гõгрвоис: мыйкõ лоõма. Юõртõмсьыс быдсõн шай-паймунлі: вõлõмкõ, кузя коставлõм мысти, бара вошõма кодлõнкõ ыджыд баля.

— Шышьясыд олõмаõсь миян керкаын,— водзõ висьталїс Ольга,— пыралї мыйсюрõ лõсьõдыштни. Джоджсõ няйтчõдõмаõсь, пач горсьяс чигарка помьяс. Бандитьяслы ладаин, пышйыны кõ, вõрыс карта саяс и эм. Войясыс Илля лун бõрад пемыдõсь нин, помнитан, мый ме шулі, сідзи и лоис.

— Колõ пырысьтõм-пыр явитны, Оля.

— Первой ачым видзõдла, явитан да колõкõ лõж лоõ. Сэсся водзõссõ косõда ачым, вот этїйõн,— Ольга петкõдліс ичõтик чорыд кулаксõ, кучкис пидзõсас.— Батьõс виысьяс оз мынны ме кырымысь, гректõмыслысь ловсõ босьтõмысь.

Микулай немтор эз вермы вочавидзны.

* * *

Митрей Полит арнас кокныд лолõн дасьтіс мельничасõ изїгкежлõ, корис вõчны тайõс волисполкомса виль юралысь, эз чиршõдлы, эз нимтысь ни вõйпсы, тõлкуйтис прамõй морт моз, пуктіс Овчинниковõс кõзьян туйõ. Ковмас кõ лõсьõдыштни помõд ли нõшта кыткõ, сетам пõ отсасьны йõзõс. Со и долыд Политлõн сьолõм вылас, ноксис ва кõлеса

дорас. Луннас кыйыштіс прудсыы помчасо, заводитіс керны черисо, медым пуыштны юква. Прудйо ю усянінын гожомбыд вуграсьоны челядь, а талун — некод, сомын каля гозья кыйсигмозыс кливзоны-горзоны.

Ошодіс портсо мотыро, сэки и нюдзвез раскысь петісны кыкөн. Ичотик тушаасо пыр и тодіс — Ипат Опонасей. Модыс — ыджыд, ён, паськыд пельпомьяса, том мужик. Пасьтасьомаоьс вөралысьяс моз, брөдνιαоьс, лазьяоьс, мышканыс нопторьяс. И пыр жо сыоькыд лоис мельниклы лов вылас, весиг августовской содз шондіа луныс сыододіс, чайтіс, мыні греко вөйтысь Каракчиевысь, а со бара тані, выль товарышоьс кыскөма. Пропадитан этайо бандитьяс вөснаыс, тодмышкавы эськө, вөтлыны, да найо кыкөнөсь, оружиеаоьс, дерт и. Политлысь сыод мөвпяьссө торкис Опонасей:

— Недыр кежло воим, ин майшась, эштодам отитор и паськыд муясө, тані вермансы сылдізирнымос тэнсьыд моз жо бергодны. Мый букхасян? Терптышт, кытчө сэсья ми вокыслы воштысьнысө, өти гезйөн өд мянөс шыртыштома, сылөн помыс кө сюрас чекистьяс кий, ачыд тодан мый лоо.

— Меным, шуам, чекистьясыд, Опонасей, оз грөзитчыны, гашкө, тэнө дзеблалөмысь мыждасны-а. Сюран кө тэ, загреки, на кабыро, дерт, буртө эн виччысь. Мый шуома святой писаниеад, сідзи и лоо.

— Шабаш, тырмас,— дөзмис Каракчиев, ниртыштіс чужырьясон гөрөм ки пыдөс пасьта чужомсыыс жебиник ус-тошсо, паськыда очыштіс, тыдовтчылісны вижөдөм чорпа пиньясыс. Став сертыс тодчис мудзөмыс; бергодчис том товарышысланы, тодмөдіс:— Илля лунсө празничайтім Егор ордын, Удораын, а покмелитчыны локтім тэ ордө, Ипполит Митреевич. Төдам, аскурыд тэнад тырмө, но и закускаыс асланым, пражитам баля яй, ин шогсыы, тэнад кошта вылын ог пукалоьй, а самөкуртө өд вийөдан, Ипполит Митреевич, дарөвөй няньысь.

— Ас гөрбөн најөвитөмысь, ас гөрбөн, Опонасей,— вензис Овчинников.— Менам шышкалөмторйыд из вөвлы дай оз ло, аддзө Енмыс.

Сэк коста Каракчиевлөн удораса ёртыс кыкис нопсыыс балялысь бөрладорсө, пузувтис бипурсө, гуалис ва ветьөкө гартыштом яйсө поьс пөйм пиас, вылас бөр пестысис. Вөчис ставсө тэрыба, ладөн, тодчис ыджыд сям. Но сөрний эз суйсьыв, сомын корсюрө сюся кодзлыштіс синьяснас Овчинниковланы.

— Воддза товарыштө кытчө воштін?— эз вермы терпитны мельник.— Отнас партизанитө-шышкалө?

— Кузьма Платонлөн пиыс Усть-Сысольсксьыд воис да луннас истан моз куимысь мөдіс кувлыны (ачыд тодан, польсь морттө и көч вьсьөпөртас), лоис янсөдчыны, утөвтис кытчөкө роч муө, мун дай корсь.

— Овьсыны эськө, Опонасей, баля яйсьыд колө, мужикьяс скөрмасны, босьтасны ловтө, наысь, милициясьыд моз, он дзебсьы некытчө, кыйөдасны.

— Ладнө, шабашитам,— сөгласитчис Каракчиев.— Тэнад чериыс дзонь пруд. А тайо балянас,— индіс бипур улын пражитчысь яй вылө Опонасей,— чөсмасям медбөрьяысь.

Яй жаритчөм бөрын Полит нуөдіс ковтом, кортом гөстьяссө асла самөкур заводьскөд неылө вөчөм гуся землянкаө, көні Каракчиев частө дзебласьліс водзджык нин.

— А то йөзасянын, не дай господи,— кыв көрталіс Овчинников.— Сэні шойччанной туй бөрад.

— Оз мешайт, Ипполит Митреевич, оз ло лишнөй, көть эськө неуна ныровмунлім нин Пома Евис пөлатын.

— Сиктас кежалід, колөкө, йөзасинной нин?

— Водз тэ ин вөв көч сылөма, Ипполит Митреевич. Сомын войсө коллялім сэні, зэв нин местаыс лөсьыд, вөрыскөд орччөн, а сиктас иг мыччысьлоьй, абу йөйөсь.

Өні Митрей Полит быд лун воывліс мельничаө, лөсьөдіс овмөссө

ар кежлө, кыис чери, шышъясөс өд колө вердны. Тавой Опонасей, ты далө, лөсөдчис ветлыны сиктө, но эз висьтав мыйла. Овчинников и сідз гөргөрвоис бандитлысь мөвпьяссө, бара шызьөдас-дзугас войтырыслысь олөмсө, бара налысь сьөлөмьяссө топдас зывөк полөм, кутшөмкө весьөпөртысь лөктор виччысьөм. Кыдзи мездыны йөзсө таысь? Овчинников юрысь тайө мөвпыс эз петав весиг өти здук кежлө.

Шондыс лоис рытъя веськыд, кор Полит шыбитіс струментсө, мөдіс шавкйыны веськыд ордымөд сиктлань, чукөстны мужикьясөс отсөг вылө, медым пуктыны майшасьөмыслы, мучитчөмыслы пом, а сэсся мый лоанаыс, мед лоө. И пөшти мельнича дорас на, ордым чукуллын ныр на ныр зурасис Платон Микулайкөд да Евис Ольгакөд. Виччысьтөмысла кежис бөкө, сетіс туй, том йөз чишнитісны сы бөкті, весиг видзөдлассө эз убөлитны чөвтлыны. Пельпомьяс вылас вугыр шатиньяс, Микулай сак босьтөма и. Сідзкө, вуграсьны лөсөдчөмабсь. Медъя, медъя. Овчинниковлөн прудьяс чериыд сикт кодьяслы тырмас.

Мельник дульва петмөныс нимкодьясис Ольгалөн статьян, мичлунөн: сьөд сэтөр тусь кодь, сөкыс сідзи и резыштны дась. Уси дум вылас аслас Викентийыс, Евис нывкөд сьлөн мусукасьөмыс; шуам веськыда, Полит эз өна да кузя вийсьы-шогсы пиыс вөсна, өдйө бурдіс дойыс, өд сійөс мельник важөн нин лыддьывліс торъялөм шөрөмөн. Оні нылазонма мышкө видзөдігөн Полит ачыс вежаліс Платон Миколлы сыысь, мый сідзи и эз сюрлын олөм чөжыс восьлавны көть недыр Евис Ольга кодь нывкөд орччөн — Енмыс сөмын төдө, кутшөм өна вежөгтіс Овчинников Платон пиөс. Сьөлөм кылөмыс сувтөдіс сылысь сиктлань тэрмасысь кокьяссө, а сэсся бергөдіс бөр мельничалань нырөн. Кор сійө кыйкнитліс пельөс сайсянь, ныла-зонма пукалісны нин пруд мөдар берегса коляс дорын, вуграсисны. Недыр. А сэсся вошисны ягө. Овчинниковлөн быттьө кынмыліс сьөлөмыс, вошліс лолыс, мөдіс доймымөн нөнявны морөспань увсө.

— Төдөны шышъясыдлысь позсө, тыдалө,— гора мөвпаліс шөйөвошөм мельник.— Прамөйджык кыйдөсла воөмабсь, господьөй, мый бара лөб-а, мыйысь накажитін менө, мезды, кевмыся тэныд, ыджыд милөстялы, мед ог веськав этійө ва да кос изкияс костас, о Господьөй...

Овчинников котөрөн сорөн вуджис помөд, мөдіс ныла-зонма вуграсянінлань. Сөмын кыпөдчис кыркөтш вылө, вөчис воськов-мөд, ягын, ёль сөнладорсянь, көні шышъяслөн гуся позйыс, кыліс револьверьясысь шлочкөм кодь лыйсьөм, кодьясөс вевтис ружьеысь шковгөм шы, өтчыд, мөдысь, коймөдысь...

Мельник лэччысис кыз пожөм бердө, эз кутны лигышмунөм кокьясыс, а вомыс өтарө долис:

— Свят, свят, свят, спасит да помилуйт, Пресвятая мати богородица, милосердствуй, абу менам мыжыс; дерт, пректорийыд, гашкө и, выйим, ог вермы прөйдитны соблазнительница бабаяс бөкті, но таысь өд оз накажитлыны, прөститлөны, святөй писаниеад гижөма, Господи всемилостивый, прости и помилуй мя грешного, раба божьего твоего Ипполита...

А сэк кості лыйсьөмыс лөнис. Полит нөжйөник воис ас садяс, пуксис яла вылө. «Найө төдөны, тыдалө, и аскур вөчанінөс, а Господьөй...» Мөвпсө орөдіс кос увьяслөн кодкө кок улын тратшкакылөм, сэсся сы дінті, упкиг да киргигтыр, йөра моз уйыштіс синьяссө быльөдөм Ипат Опонасей, шыбитіс прудйө, тыдалө, ковтөм нин револьверсө, ачыс сы бөрся бугзысис ваас. Сутш-мөд мысти быттьө бордьяс вылын воис Евис Ольга, төдса ружьеа, кодөс Полит ачыс нөбліс Витеньыслы челядь дырйиыс на.

Нывлөн гөлөсыс лэчыда юковтіс вөр-васө:

— Бергөдчы, морт виысь!

Но Каракчиев важ мозыс сывьясис мөдар береглань.

— Сволочы! Бергөдчы!

Ипат Опонасей быттьө эз кыв. Косыштіс лыйөм.


— На тэныд, душегуб!

Во куим коли тайё лыйсьёмсяньыс. Мича гожся лунё сиктса шойнаса оти гу дорын пукаліс карса ног пасьтасьём, нейджыд тушаа мичаник нывбаба. Сыкөд орччөн — пиыс. Мамыс кодь жё лөз саридз синьяса, но абу розвөй, а мугов чужома, съөд, неуна гөглясьём юрсиа.

Ыджыд ён крестын гижөд: «Тані узьё миян муса пи, дона вок, вунөдлытөм друг Николай Платонович Туркин. 1902—1920».

— Мам, мыйла локтём татчө?

— Видлыны батыё, Колюк. Крест улас — тэнад батыд, удал, збой воин, талантливөй поэт.



РЕДАКЦИЯСЯНЬ: лыддысьысьяс уна во нин корёны йөзөдны коми сыланкывьяс, на лыдын тшөтш и сэтшөмьясөс, кодьясөс сьывлөмаөсь 20-өд — 30-өд воясө на, но ёні вунөдөмаөсь нин кывьясө.

Журнал судзөдысьяслысь, коми сыланкывьяс радейтосьяслысь корёмсө мөгмөдөм мोगысь редакционнөй коллегия шуис «Войвыв кодзувлөн» **КОЙМӨД ДА НЁЛЬӨД ÖТУВТӨМ НОМЕРЫН** сетны «Коми сыланкывьяс да частушкаяс».

Ой, төлісь, төлісь,
Этö весь тэ керан:
Менам сьöлөмшөрö —
Му вылын олісь.

Ой, төлісь, төлісь,—
Көдзыт мича-рöма,
Мортлөн радейтöмыс —
Биа зарниись!

Ой, төлісь, төлісь,
Колибкайыс кылөн
Ме эд шогсö сыла
Ягöдтусьöлісь.

Вашкөтчöм


Зэрыс кисьтö,
Тöлыс висйö.
Усьöм листыс
Незьдö, сисьмö.

Чуннез вылам
Öмру ушка,
Арыс шыөн
Вашка-шушка:

Пожум ружтö,
Пипу вашкö.
Гажтöм кутö,
Арся гажтöм.

Сьöлөмшөр,
Сьöлөмдон,
Тэ кытөн?
Локтан он?

□



Л. А. Старцева чужліс Кудымкарса районысь Палева сиктын 1959 воын. Шöр школа бöрас по-мавліс лесотехнической техникум, а сэсся, удж-сьыс орьöдчывтöг — университет.

Любовь Афанасьевна гижнысö босьтчис шко-лаас велöдчигөн на. Кольöм во «Пермская книга» издательствоын петіс сылөн «Отка усялөм звез-даэз» медводдза книга.

Л. А. Старцева Пермскöй книжнöй издатель-ствоын уджалö редакторөн.

Любовь СТАРЦЕВА

Көр колям горт

Ме тэнö кольтөн, горт,
Ыбöс дорын сувтчышта.
Бергöтны важсö сёр —
И сөдз синва чышкышта.

Чушыктö быд стена
Эшö мян оланөн,
Öшыныс горзö нач
Миян кодь жö синваён,

Пантала ог төд мый
Ме горт порогө сайын,
А нёштөм сер оз кый
Мечтаб, кёда саймие.

И тә эн осудит,
Көр гуйё вылын джөмда:
Көть ме и не сёр тип,
Но эг на сувт бытшөмик.

И мельница-олан
Изнавны вермас, гортый.
А пёртча кё бур мортө —
Тә ло сэк меён гордой.

* * *

Мыдзтөм киэз гажтөмтчөны му понда,
Син оз аддзы ни виддзез, не сю.
Менам төдвылын вөррез и кушиннэз,
Ягөд роззез, өшөтчөмось сюг.

Мекөт шондiа тулысса асыввез,
Кай дзульзёб, көклөн нор сыланкыв...
Разь ме верма вунөтчыны ачымөс, —
Овны Парматөг, Пармалөн ныв?

Локтi гортө

Басөк чужөма желёс,
Учөтсянь тэни любита!
Сет чоужык оддзамоз китө,
Тэтөг гажтөмтчи быдөс!

Аддза, и тә меным рад,
Важын ни эгө пантасьлө.
Вөр шушкө — кутчө висьтасьны,
Метөг чулөтис кыз кад.

Ключезат дзольгө сөдз ва, —
Радувьят бытьтө тә горзан.
Шогдi-юрсиэтө гожум
Жарсянь окалө өдва.

Пөльтө өмлөстөм төвчик,
Сывтырьяс менө бы жмитө...
Шондiэс небоас вита
Меным шиньялөны дзик.

* * *

Быдми важ ме керкуокын,
Кыз сьөдкай — пемыт жырокын.
Сё видзчиси ассим тулыс,
Сё кывзиси, кин кыз сьылис.

Локтис тулыс! Лэбзи ылө,
Но... умөльтчис сыланкылө.
Локта недыр кежө позам —
Голос бурмө, сьывны позьө.

□ □ □

Содзмӧс ты дорын

Содзмӧс ты — зэв ыджыд. Чериа ты Вӧрыква бокин. Вӧрыква — Емвалӧн вож.

ӦТИ СИКТЫН тунсны-быдмисны кык зонка, суседъяс — Иван да Митрӧпан. Налӧн керкаясны сулалісны орчӧн Кырулын, гӧра бокин. Емва юыс визувтіс зэв маті керка дорті, а ытва дырйи кайлӧ ваыс кильчӧ дорӧдз. Быдмисны зонкаяс, ӧтлаын ворсісны, вӧрӧ тшакла котралісны, вуграсисны. Быдмисны-сӧвмисны, верстыӧ зонъясӧн лонсны, и Митрӧпан гусьӧн вежгыны кутіс Иванлы — мыжанас лои Анна, зэв стань да статя ныв, тожӧ Кырулысь. Иван томсянь вӧраліс да ураліс, ошкӧс нин удитіс чергӧдны, а Митрӧпан отсасис батыслы мельница вылын. Артелькӧд ветлывліс жӧ чери кыйны тулысын да арын, но вӧравны сійӧс ӧнасӧ эз кыскы.

Иван ыджыд тушаа, мича том морт. Йӧзыс тай шуӧны — багатыр кодь пӧ морт лӧб. Митрӧпан латшкӧс, паськыд пельпомъяса, пач гырнич ыджда шабыр-кулакъяса, кузьмӧс юра, ӧнджыка кӧ видзӧдан, казялан, мый кокъясыс сылӧн дженьыдкодъӧсь. Нӧшта казялан: некор Митрӧпан сӧрнитігӧн оз веськыда видзӧд тэныд ичӧт сьӧд синъяснас. Митрӧпан ӧтка мельник пи. Иван гӧлиник мамыслӧн ӧтка пи жӧ: батыс том дырйиыс на ош чашкӧдлӧма.

Анна, кӧнешнӧ, гусьӧн радейтіс Иванӧс, а сӧсся смелмӧдчис да гоз-мӧдысь сӧрнитлывліс зонкӧд, и Иван ыстіс корасьысьясӧс. Ладмӧдчисны Анналӧн да Иванлӧн мамыяс да вежань-вежайяс. Кикутісны, пызан сайӧ пуксялісны, кыдзи друг выль корасьысьяс локтісны — «кӧсӧдны». Тайӧ вӧліны Митрӧпанлӧн рӧдвуж. Эз кос Анна.

Сӧсся венеч улын сулалісны Иван да Анна, гажа пир вӧлі. Митрӧпан ӧна скӧраліс ас кежас, но сӧсся тшӧтш лои гӧтрасьны. Гӧтрасьтӧдзыс Митрӧпанӧс югыд жырйӧ корис сӧрнитны дедыс, зэв пӧрысь морт, гашкӧ, сӧ арӧса нин, гашкӧ, унджык. Уна дас во нин сійӧ век пӧрысь, томнас некод тай оз помнитны-а. Вот мый шуис дедыс Митрӧпанлы: «Ме регыд кула, но некодлы эг вермы сетны ассыым таланӧс. Ме верми йӧзлы лӧк и бур вӧчны, верми лоны зверӧн. Та йылысь некод оз тӧд. Батыд небыд сьӧлӧма, а вот тэ менӧ верман вежны. Сӧмын тӧд: зверӧ пӧртчӧмӧн лӧк вӧчны йӧзлы верман сӧмын некымынысь. Лыдсӧ ог висывав. Сета косытӧм кузьбӧж. Метальниксян юр вывтыд, сьӧлыштан веськыд пельпомӧдыд да шуан: «Кузьбӧжӧ, отсав меным». Ичӧт нопйыш век сійӧс новлӧдлы яй бердад. Мӧдарӧ метальниксян — бӧр морт лоан».

Босьтіс Митрӧпан кузьбӧжсӧ да ӧшӧдіс сылыас. Дед кулі. Митрӧпан гӧтрасис сирӧта Дарья вылӧ, тусь кодь ныв вылӧ, мича гӧлӧса вылӧ. Пир вылад тай ӧна и юктасисны, вичкоад венеч дырйи ыджыд мериносӧвӧй шалльӧн вевтис жӧник невестасӧ, мед пӧ Анна видзӧдлас да завидьтас. Олігас бер нӧйтӧм аддзыліс Дарья, бер лӧз новлӧдліс. Рӧдитіс Дарья зонкабс — Педӧр Митрӧпанӧвичӧс — Митрӧпан Педьӧс.

Анна да Иван зэв сӧгласӧн олӧны, но налӧн некод на абу. Куим арӧса нин Педӧр, кыз да дженьджебак кодь быдмӧ, ӧдва ваткылясьӧветлӧдлӧ. Нарошнӧ Митрӧпан локтӧ питорнас быд рыт Анна да Иван ордӧ, вежнысӧ петкӧдлӧ.

Куим во мысти вӧлисти Анна вайис нывкаӧс. Пыртісны да сетісны ним — Марья, Марья-тусь. Марья-тусьӧн и шуисны рӧд-свӧйыс. Арӧс куим нин Марья-тусьлы. Атӧ кутшӧм пельк да муса дитя быдмӧ, да вед ласкӧв быдӧнкӧд.

Иван век пӧшти вӧрын тӧвнад, кӧнкӧ Вӧрыква бокин да Емва йы-

лын; гожомын турун пуктоны, тулысын гөрöны-көдзöны, арын — идра-сьöны. Тадзи кольö лун да вой. Тöвся рытьясö Анна ордын частö рыт-пукöны, сьылöны да печкöны. Тайö и став гажыс сиктад тöвся рытьясö.

Марья-тусьлы нин вит арöс, а вок абу и абу. Ставсö кужö нин нывкайд: аканьон ворсö, суседад могла петалö, мамлы отсасьö пöжа-сигъясö. Иван частö шуö Анналы, мый зон кө оз ло, велöдас Марьяöс зон делöясö — пуртö да черö, капканö да пищальö, вöравны да чери кыйны. Медводз велöдис ньöвъя-вужыйсь лыйсьыны да пурт шыблавны, вöв вылын гөнитны. Тулыснас Иван вит арöса нывкаöс пуксьöдис вöв вылö агсасьны, ачыс орччөн муно вöлыскöд. Медбөръя гөгöртассö Марья-тусь öтнас агсалис.

Марьялы нин öкмыс арöс. Вöрын велöдлö вотöсла да тшакла, мöс лысьтö. Став лэбачыслысь оланногсö тöдö, нимьяснысь и. Сюсь ныв быдмö. Страduitны нин кык во кайлис Пожöгö. Марья-тусьлы марья-моллысь сикöтш вöчисны да вужсö лэчкөдисны гортаныс. Ыджыд батыс вужсö пуктис öшинь улö, и кык во мысти зэв ыджыд куст быд-мис. Тулыс-арын сиктын мык кыйöны и Марья сьöмалö мыктö сэтшöм öдийö, быттö чериыс ачыс локтö. Батыс көсийсис таво тулыснас Марьякөд катлыны Содзмöс ты бокö чери кыйны, сирла да гырысь ёкышла. Удача кө лоö, черисö позьö вузальштны да чукöртны сьöмтор том вöв вылö.

Ытва мян сиктын волö кильчö дорöдз, пыжъяс сэки домöны киль-чö сюръясö. И вот таво ытва дырйиыс сиктад вöли дивöысь-дивö. Öти войö көин косявлис куим вöралысь понйöс. Иванлөн Лыско эз сюр — сийö көзяинкөд войнас утка кыйöдис гортяньыс ылынкодь. Том йöз кыйöдчисны куим вой, но некодöс эз аддзывны. Сюсь көин. Скötöс лэдзисны вöля вылö, ытва усьны нин кутис. Иван висьталис семьялы, мый лун-мöд мысти мөдöдчасны Емва кузя вывлань. Марьялы любö-ыд! Аддзылас Вöрыква и Содзмöс ты.

Тайö лунъясö öти войö лои нöшта öти чудö. Эм сиктын, олö Кы-рульын, Матвей дед. Любитö чери кыйны, вуграсьыштны. Тайö войсö дед пукалöма бötалöе дорын и водз асывводз вöлöm локтö гортас. Сийö аддзас, кызди көин петö Митрöпан керка дорысь да уськөдчö Лыс-ко вылö. Лыско сылы паныд. Көин да пон заводитисны косясьны-пур-сьыны. Дедлы зэв жаль лоö Лыско да көсийс нин горöдны, но понйыд кавшасис көинлы мыш вылас, шашаритчис крепыда да прамö шошаас кутчысис кузь пиньяснас. Көин нинöм оз вермы вöчны, голясьыс нин шорөн вир кутис петны. Сэсся лөк гөлöс кутис кывны, мортлөн гөлöс, и көин кызкö торйöдчис понйысь и котöртис Матвей дед дортi, эз казяв сийöс. Матвей дед шойöвоши: сы динтi котöртис морт чужöма зверь — Митрöпанлөн чужöмыс. Сувтис да öбмөрöкö уси пöрысь мортыд. Эз на удит мыйсюрö думыштны, а гортланьыс локтö Митрöпан, ставыс вир, паськöмыс и чужöмыс, кинас кутö голясö. Митрöпан асьсö дорйис дед водзын, быттö сы вылö уськөдчöма көин да öдва абу джагөдöма, сэс-ся пышйöма Кырувтыс катыд. Митрöпан пырис гортас, а Матвей дед думайтис да воис мөвпö: «Кольöма тай Митрöпанлы дедыс «талансö», вот мыйла, вöлöm, Лыско век эргö мельникöс. Лоö повны сысь, а то войнас джагөдас». Паськалис сикт кузя юр: «Митрöпан вылö уськөд-чылöма көин, чуть абу виöма, Матвей дед аддзылöма». Зверь йылысь да Лыско йылысь ёна и сёрнитисны сиктын. Видзöдтö, Лыскоыд вермис вöтлыны көинöс. Дивъя татшöм поннад Иванлы вöравны да уравны, эз весьшөрö сийöс ичöтнас велöдны видз вылын зверь вылö. Вот тайö пон. Понъяс вылын пон! Жалитисны Митрöпанöс. Матвей волювлис Иван ордö, но некодлы нинöм эз лысьт висьтавны. Висьталас Иванлы, самöй бур мортыслы, асьыс гусяторсö Матвей кулигас.

Воис чери дорö чепöсьян лун. Рытнас пывсисны, көлуй-мöлуй пы-жын нин. Асывнас Анна пöжалис шаньгаяс туй вылö. Сёйисны, пуксьы-лисны лабичьяс вылö здук кежлö, сувтлисны ен водзö пернапас чöвтны и петисны гортысь. Марья-тусь зэв тэрыба босьтис зиб да сувтис пыж нырö, мед мамыс оз кутлы ешöбысь, да оков, мед синвасö оз чышкав. Сэсся и батыс сувтис пыж бöжö. Бласлö Кростосөн тойыштчисны бе-

рег дорысь да чепёйсны Емва кузя катыд. Тэрмасьны колё — воёдчыны узыны Веслянаё, а сэтчодз верст комын. Анна дыр на сулаліс берег дорын, видзёдіс пыжа бёрся, креститіс мужиксё да нывсё, шуаліс: «Бёраныд и водзаныд Кростос!» Пыжа ю чукыляс воши, и Анна локтис гортас. Нинём киё оз пыр, но колё сяммыны виччысьны туйысь. Скёт да град выв пуктас мичмёдісны нывбабалысь олёмсё. Колё нин и вурны-вочны локтігкежланы. Уджыд сюрё сиктса олысьяслы.

Марья да Иван нбжйёнікөн курасьёны Емва кузя катыд. Колины нин Турья сикт, Пожгё, Кони. Здук жежлё сувтласны берег дорё ловкёр вежны да бара водзё. Батыс казяліс нылыслысь мудзёмсё да тшөктіс өпаснёйён сынны. Рытнас матыстчисны Весляна берегё, пыжнысё домисны кёрт пома зібйён да кайисны узыны тёдсаяс ордё.

Асывнас водзкодь на чеччисны: талун зэв сёкыд лун, колё катны сизим кось, а пыж нырад өкмыс арёса нывка. Матыстчисны порогьяс дінё — ылісяны кылё налён шумыс-бузгёмыс.

Медводдза кось. Кытшыль кось, ва туйыс сёлён ыджыд изьяс костті. Страшнёйёсь косяс — Роч кось, Ошмёс, Кёин кось. Мукёд косысь ичөтджыкёсь да абу сэтшөм скөрёс. Ошмёс косьлөн берег дорыс ляпкыд (корвыв шусьё), сійён Иван Марьяёс пуксьёдіс пыж бёжас, тшөктіс бёжсё век тойыштны шөрлань, а ачыс подён кор вывті гез йылысь кыскис пыжсё. Сьёкыда чуктөдліс емваса морт аслыс кёрымтё. Кёин кось прёйдитісны, и вёлисти Иванлөн сьёлём лон местаны. Бура шойччисны, сёйисны и водзё мөдөдчисны. Гадзи зіб йылысь батя-ныла катісны Вёрыква вомөдз сизим лун, зіб йылысь комын верст гөгөр быд лун. Ыджыд-ө нывсянныс отсөг? Марья өти кинас сынё, а ачыс водзё видзөдө, кутшөм чомкост воас. Узьмөдчасны да батыс нылыслы висьтавлё уна мойд, уна висть вөралысьяс йылысь. Чомкостьяс костын сизим гөгөр верст, быдөнлөн аслас ним. Марья помнитё чомкостьяс йылысь: Бёжьюдор, Кёинвом, Кёмысь, Олөмдор, Чисва, Одак, Вальді, Ньюлач, Выйгадья, Койвомын. Выйгадьяын куим сутки олісны: лым уси пидзөсөдз. Чукөртчисны татчө и чери кыйысьяс да төвся вөралысьяс. Быдсяма мойдсё мойдісны, быдсяма страк йывсьыс висьтавлісны, өтвыв сёйисны-юисны, а өд татчө чукөртчисны дасысь унджык пыжа. Батыс Марьялөн вөлөма зэв бур мойдысь. Висьталіс батыс и особёй кёин йылысь, коді волявлё Турья сиктё.

Койвомын кыскысьё веськыда вит верст кузя и сэтысь батя-ныла адззылісны пьяна ошкёс, коді вуджис Емва юсё дзык на дорті, а кык писё вуджөдіс мышку вылас.

Сизимөд луннас вёлисти пыжа вонс Вёрыква вомё. Вёрыква кузя колё катны дас кык верст, сэтчө усьё Содзмёс ты. Но ты вылас вис кузя колё нёшта на кызь верст катны.

Вот и Вёрыква ю: югыд, визув, джуджыд. Ем кө усьё — аддзан. Став черисё синнад аддзан — тані комьяс олёны да лёляс (сёмга), лёль арнас косяс вылын кульмё. Вискыд Содзмёслөн визувтё нбжйё-нбжйё, пемыд, нюйта, сёй рёма. Шондіыс нин пуксьё вөлі, кор батя-ныла адззисны кык вөралан керка да йёзёс, кодьяс сулалісны гёра рөч йылын ружьёён. Матыстчис пыж берег дорё — кыліс лыйём шы: тайё вочаалёны төвся вөралысьяс виль мортёс, виль юёрьяс. Кодкө горөдіс:

— Иван, дыш тай ныралысь мортыд — пуксаён зібьясьё.

— Абу эськө дыш, но тушанас ичөт. Оз пукав, сулалё.

Пыж дорё лэчис котөрөн ар дас нёля детинка, домис пыжсё, босьтіс нянтіс куд да кайис. Кыдз овлө адззысигьсён, киасисны, рытбыд сёрнитісны-баитісны. Войыс вөлі дженыд сёрни-басилы. Детинаыс — Рёман, Гучөртысь сирёта, дядьыс быдтё, вөранны велөдө. Сюсь детина. Асывнас Марьяёс батыс водз-водз садьмөдіс, колё мунны вылыс тыё, сэні налён эм вөралан керка ягас, а ты дорас шор бердын чом.

Гучөртсаяс тайё луньясё мөдөдчёны кывтны пурйён. Найё и нуасны бур юөр Анналы, мый верёс да нылыс воисны бура места вылө.

Батя-ныла пуксисны пыжө. Рёман бара отсасис налы и Марьялы сетіс нна сир сямөд көрөбын. Петіс пыжа Содзмёс ты вылө. Пом ни

дор. Ыджыд тыыс сизим верст кузя да верст пасьта. Асыввылын, кытчаньо колө шлывгыны, кыпөдчө вөр сайысь шондї, эновтөма узянїсө. Төв ни ру абу, тылөн веркөсыс небеса рөма рөмпөштан кодь. Берегъясыс гажайсь, кызд пуяс кышөдчөны.

Иван сувтїс пыжас, Марья дугдїс сынны, сөмын гөгөр видзөдө. Батысь шөрүштїс рудзөг нянь шөрөм, пуктїс сэтчө сов чепөль да сюмөд пөв вылын лэдзис ты вылө: «Бласлө Крїстос! Озеро-батюшко! Примит менсьым неыджыд козин — нянь да сов — сет меным черитө, эн жалит. Таво локтї зэв ичөт нывкөд, сэсся некодкөд, а меным окота том вөв таво лөсьөдны да керка вылө чукөртүштны сьөм. Эн өбөдит, озеро-батюшко!» Мөдөдчисны берег дортї вылыс тыө. Воисны местаөдз. Чом сулалө кодзыд шор бокрын. Иван босьтїс нянь куд, Марья — пөрт. Пока Марья мөдөдчис да гөгөр видзөдїс, кыліс, кызди батысь кодкөдкө сёрнитө: «Эн пов, немтор лөксө ог вөч, сөмын позтө мөдар помас пукта, танї лөб би да тшын».

— Кодкөд, батыө, сёрнитан?

— Чивканкөд.

Эз лэбзыь лэбач, бөр пуксис поэяс. Лоисны лэбачпїян и век олісны бадьясас, сьылісны да лэбалїсны, гажөдїсны Марьяөс.

Велөдїс Марьяөс батысь быд ловъя лолөс радейтны да дөзбөрїтны. Катїганыс на истан кольк өктїгөн батысь велөдїс кык кольк босьтны, а куимсө кольны. Марья узїгкостї батысь вайис юсь да гагара кольк — память вылө гортаныс лэччөдїсны. Таысь кындзи сэсся некор эз босытлыны. Бөталаө быд асыв пырөны уткапїян. Чуктөдас батысь найөс, мездас, лэдзас ва вылө и өлөдө, мед мөдысь оз пырны.

Рытъяснас Иван мойдлывлїс нылыслы мича мойдыас. Вежалуннас өтчыд пывсьылісны вөралан керкаас, а узылісны вонїын чом улын.

Марьялы зэв өна окота төдны, мый керсьө да кодкө олө оз мөдлапөлас на весытын, өз-ө позь батыськөд вуджавны сэтчө. Батысь висьталїс, мый өні сэні некод оз ов, а вот дедыс Иванлы висьтавлөма, мый мөдар берегас зэв важөн кодкө, вөлөм, горзывлө, сьывлө, би вөчлө сы ыджаөс, мый би сюръясыс небесаөдзис кайө.

Вөралысьяс нин чери кыйысьяс оз вуджавны, лөкысь родөны, гашкө, сэні ачыс вөрсаыс олө. Важысянь мөдар берегыс лыддысьсө лөк местаөн. Мерайтлөмаөсь гучөртсаыс тытө — кызь вит сажень кузя гез абу судзлөма.

Марья өтнас унаысь думайтлїс мөдлапөв йылысь: вот эськө кутшөмкө вөралыськөд вольны сэтчө. Тадзи коли Содзмөс ты бокрын кад, колө нин гортө лэччыны. Уна чери кыйисны — куим ыджыд бөчка сир, өти бөчка гырысь ёкыш да нөшта бөчкаын мык — сола вом вылө. Таво Марья велалїс пусыны, бөгайтчыны, куломасыны, октымасыны. Петыр лун кежлө колө вөдчыны гортө. Көнкө, мам выль платтө нин вурис Марьялы. Батысь чери вузалас ярмарка вылын да мича пөтшалок ньөбас — алөй дзоридзьяса сыръя шаль. Пөдругаяслы Марья чукөртїс ниа сир, ыджыдджык нывьяслы бөдыга чужөмнысө гөрдөдыштны. Марья сьөрсьыс вайлїс акань. Сылы батыкөд вөчисны сямөдысь потан, чом. Воис гортө чужыйсян лун.

Пыжын нин ставыс. Медбөръяысь батысь шыасис тылы: «Сө пасибө, озеро-батюшко. Жив-здоров лоа — мөд во бара на лоа, виччысь, видз чомйөс бушколысь».

Мөдөдчисны кывтны. Коли нин ыджыд ты, мунөмаөсь нин гучөртсаыс. Петїсны Вөрыква вылө, сэсся Емва-матушка вылө. Кылө нин бузгөмыс косьяслөн. Страк, думыштан кө, кызди ветлөдлїсны емвасаыс косьяс кузя. Батысь тай Марьялы тшөктө өнджык сыныштны да не повны, ставыс пө бур лөб. Ачыс Иван сувтөмөн косьястө кывтө. Вальясыс-гыясыс пыжад и кавшасөбны. Роч кось медся лөк кывтїгөн. Шөрөдыс оз позь, колө пырны берегас. Батысь чеччыштїс ваас да пыжсө кылөдїс берег пөлөныс кинас кутөмөн. Косьяс колисны бөрө, берегө сувтлїсны да шойччисны, сөйисны. Батысь и шуө:

— Марьюк, вод пыж нырад, узь, он төдлы — Турья мычысяс.

Берег дорын виччысисны нин пыжатө,

Колө висътавны: батыскөд Марья кайліс көкъямысыс черитө кыйны — арын и тулысын. Чисва тыө волісны арын. Батыслөн сэн бара эм вөралан керка, бара вылыс тыын. Чисва дорыс нывка сола васө видліс. Катөдліс батыс сійөс и Вөрыква кузя зэв вылөдз ва пырөм сайөдз. Ваис пырө стенас, кос поводдяө ю пыдөсөдыс көть ветлы подөн, а зэра дырйи зіб оз судз. Сяммө өні Марья пишальыс лыйсыны, пурт да шы шыблавны. Кось юръясыс уна лёль кыбисны, кияс кутліс и мича лёнкаясөс. Чери дорсыд локтасны да батыс зэв уна чери сетө пöрысыяслы да сирөтаяслы. Бур сёлөма Иван да вежавидзыс.

Оти рытө Иванөс корисны Матвей дед дорө. Матвей дед кувны мөдөдчөма и корө Иванөс прөщайтчыны. Гөтырсө дед ыстис гортсыс.

— Иванө-пиө, бур мортө, ме тэнө кори кулігам, водзсө эг лысьт висътавны: виөмысь поли. Менам эм өти страшнөй тайна, ог ну аскөд. Берегитчы Митрөпанысь...

Дед ставсө висъталіс. Прөщайтчисны Иван да Матвей, а войнас дед кузь нэм кольөма.

Иван ордын лои тайна. Думайтө, кызд эськө видзны бур йөзөс и семьясө Митрөпанысь. Тайө воясө көин-зверь, морт нога синъяснас, эз волы сиктө. Правда, ыжъяс вошлісны, мөсыс ныдасьлісны и вөвъяс кувлісны сиктын, но өд көні скөт, сэні и ускөттө.

Арнас Иван кайис вөравны өтнас, эз артельөн, аслас угодыөө. Моя видз нима угодыөыс. Ю сувтігас вуджө вөлі Иван юсө да вөйліс. Зэв дыр эз вермы петны көдзыд ваись, понйыс эз кө лок да кыскы, вөйи эськө. Чабуөн Иван кыскасис керка дорас и воштіс садьсө. Кык лун садьтөм вөлі. Сэсся понйыс лэччис гортас. Гөгөрвоисны, да кайлісны вөлөн Иванла. Быд ногыс эськө бурдөдісны да эз бурд Иван. Кулігас корис дінас гөтырсө да нывсө.

— Марья-тусьбөй, быдман да эн мун Митрөпан Педьө сайө, көть сійө и озыр. Мун Рөман сайө. Дядьскөд ми сёрнитлім нин. Педьө сайө Митрөпан семьяө ог бласлөвит.

Прөщайтчисны да мыйкө көйис висътавны Анналы, но гөлөсыс эз нин вөв. Анна пуктіс пельсө вом дорас и кыліс: «Эн веритө некод Митр...» Сэсся и кулі. Эз гөгөрвоны эня-ныла да некодлы нинөм эз висътавны. Гашкө, Митрөпан, гашкө, бөбыль Митрей. Митрөпан тай Иванөс дзевигөн ыджыд синваөн бөрдіс другыс вөсна. Сэсся и сылөн гөтырыс куліс. Сёрнитісны тай, быттө пө Митрөпан өна нөйтөма Дарьяөс.

Колисны Анна да Марья кыкөн. Көзяин эз коль. Пес да пу, турун да ва, гөрөм да көдзөм, вундөм да вартөм — ставыс водіс Анна пельпом вылө. Том вөвнысө да мөд мөссө лои вузавны, выль керка пока эз на вермыны лэптыны ни. Лыскоыд көзяин гу дорсыд эз и вермы локны гортас: чыкыльтчөмөн куйліс-куйліс гу дорас да сэтчө и кулі. Лыско помысь быдмө Буско, но бара мыйлакө оз радейт Митрөпанөс, век эргө сы вылө.

Марьялы нин регыд дас нөль арөс. Зэв бур ныв быдмө, авья да мелі, карыс-олись. Мөдөд во локтө Иван куломсянь. Бара тулыс, бара гөра-көдза кад, страда кад. Бара лөө медавны кодөскө, медбөръя вөвтө лөө вузавны. Корасьоны Аннаөс кыкөн — Митрөпан да бөбыль Митрей. Митрейыд том Аннаысь ар куим-нөльөн, дай дышөн шуөны. Гашкө, инө, Иванө сы йылысь и шуис?.. Митрөпан тай быд лун локтө и. Решитіс Анна мунны Митрөпан сайө, чужөмсыс өд ва оз козюны. Кыс эсся Иван кодь мужиксө корсян? Тадзи мөвпаліс Анна и сетіс ки суседлы. Венеч улын и весь сулалісны. Пызан сайө пуксылісны, но мыйлакө некодлөн серам эз петыштлы ни шутка.

Тулыс коли, гожөм коли, ар воис. Выль гид лэптис выль көзяин. Митрөпан олө Аннакөд гортас, Марья ыджыл мамыскөд. Ыжъяссө өтыв видзөны. Гожөмнас турун пуктісны уна. Анна дінө нывбабаяс да нывъяс оз пыравлыны, а Марья дінө бабыскөд частө волевлөны рыт пукны.

Нөшта өти төв коли, Гажа тулыс воис. Пекнича-праздник воис.

Марьялы дас квайт ар. Сөвмис да мичмис, он лысьт видзөдлынытө. Мойдын моз жө: ку пырыс лыыс тыдалө, лы пырыс вемыс тыдалө. Да өд статья, ва дор бадь кодь веськыд, вылын вира чужома, небеса кодь лөз синьяса, кык кузь коса косьыс улынөсь. Вежаньыс волас да век креститө, пельпомөдыс сьöлыштө, мед оз вомдзавны Марья-тусьöс. Пекнича дырйи локтис вежаньыс да порогсянь и шуис:

— Бласлө Крестос, Марья-тусьöй, кутшөмкө мисьтөмджык платтө пасьтав, ветлы, сьыв да йөкты, Крестос бөрад и водзад.

А Марья вылын вöли небеса рөма сатин сарапан да батыслөн ньöбөм алöй дзоридзяса сыръя шаль. Кайисны вичко дорө пöдругаыскөд, а сэнi сы мында том йөз, ставыс тöдтөмөсь, быдмөмаөсь мөймусяньыс да он и тöд некодөс. Устя-пöдругаыс бокас тувкнитис да шуис:

— Видзөдлы водзвыв, сэн сэтшөм ыджыд да мича зон тэ вылө видзөдө.

Марья синьяснас корсис и аддзис Рөманөс, пыр и төдис, көть зэв уна во коли Содзмөс ты дорад тöдмасьöмсянь.

Дыр том йөз сьылисны да ворсисны. Рытнас кутисны разöдчыны. Марья да Устя кыкөн нин көсийоны вöли лэччыны ыджыд нэзь кузя, кор найөс вөтөдис Рөман.

— Видза олан, Марья, эн мөй төд?

— Төди.

— Ниа сирьд важөн нин, көнкө, бырис?

— Куш көрөбыс эм на.

— Таво ми бара дядькөд Содзмөс ты дорын лоам. Уна ниа сир чукөрта да вая, босьтан кө. Ми чери кыйны катлам водз тулыснас.

— Босьта. Ми, гашкө, таво дядькөд тшөтш сэтчаньö кайлам. Сылы тай зэв окота видзөдлыны батыльысь местаяссö.

— Тэ сідзи быдмөмыд да вежсьöмыд, мый он лысьт видзөдлыны тэ вылө. Вичко дорад эг лысьт видзаасьнытө, мися, он сет китö меным, юрьд усяс.

— Тэ тай тшөтш быдмөмыд и вежсьöмыд. Ме нин думайтi, мися, Рөманьд эз и төд ичөт Марья-тусьтө.

— Ме зськө пыр и төди.

Тайö и вöли став сёрниыс, а кутшөма мөрччис нывлы да зонлы мөвпаньыс. Тайö лунсяньыс кыкнанныс лун и вой думайтисны ёрта-ёрт йывсьыс.

Пекнича-праздник бөрти Митрөпан кутис дасьтысьны Содзмөс ты дорө чери кыйны. Мужикъяскөд сёрниö воас да пыр и шуө, мый Иванлөн семья сы кыин и колö Иванлысь став угоддьöсö ас киö босьтны. Воис катан лун. Сідз жö, кызди батыс дырйи, мөдöдчисны, катисны, воисны ты йылө. Сэнi бара таво вöлины гучөртсаея, сідз жö лыйисны, Рөман отсалис пыж домны да көлуй катны. Сөмын тай Митрөпан дядьыс лёк бугыльөн видзөдліс зон вылө. Асывводзнас Рөман отсалис лэччыны, сетис Марьялы ыджыккодь сямөд көрөб ниа сирөн да киас суюыштис ичөт ёкмыль:

— Сьöлөм вылад воас кө, видз, он кө — шыбит Содзмөс тыыслы.

Ыджыд тыö петигөн Митрөпан эз и думышт гөснечтө сетны Содзмөс тылы. Марья зськө шулис, но дядьыс сөмын пинь пырыс сьöлыштис. Чом дораныс воисны, аддзисны чом вылысь лэбач поз. Дядьыс босьтис да познас шыбитис ылö тыас, первой чабырас шамьртис. Кутшөм гажтөм да шог лон Марьялы. Лэбач-мамыс кык-куим лун бергаліс да бөрдис, а сэсяя кытчөкө пышйис лёк местасьыд, а гашкө, и кулі, поті мам сьöлөмыс. Пуктисны рытнас кулөмьяс. Асывнас кутисны черияс шедөдлыны, а тшөтш уткапаян сюрөмаөсь. Эмөсь на и ловьяяс. Митрөпан чуктөдас найөс, юрнысö бергөдас да ваас лёкысь шыбитас. Гырысь сирьяс сэн жö и ньылöны.

Марья Содзмөс тыыдлы век жö гусьөн сетис гөснеч.

Вөр керкаын узьлө дядь, а Марья — вонйын чом улын, дінас видзө пищаль батыслысь, коскас век пуртөсын пурт.

Медводдза рытнас, кор дядьыс кайис узьны, Марья восьтис Рөманлысь ичөтик ёкмыльсö. Сунисыс разьсис и воесис мича алöй шөвк лен-

точка. Окаліе ныв лентасо, синвасо чышкыштіс да бөр дзедис лентасо, суйие морос бердас и рытпом думайтіс Рёман йылысь, казгытыліс пекнича праздникдырся сёрнисо.

Мод асывнас Митрёпан шуис нывсерыслы:

— Ёна тай Рёманыс мыйкө тэ вылө видзөдіс. Мед оз думайт ни нөм, куш кияснас. Вот воам гортө, и ме тэнө пырысь-пыр гөтрала Педөркөд. Всө. Мое слово — закон!

Марьялөн уси сёлөмыс, бледөдіс, нинөм эз вермы воча шуны. «Ог мун Педьө сайө, көть виасны»,— тадзи ас улас думайтіс ныв. Ньөжйөнникөн колисны лунъяс да войяс. Кыйисны өти бөчка сир да кык бөчка кельчи-ёкыш. Шуоны тай мянын, мый кельчи чери не чери, но век жө чери. Кульмигас ёна сюрө кельчиыд.

Регыд нин гортө мөдөдчыны, лун-мөд мысти. Öти асывводз дядь бара паніс сёрни Педьөкөд гөтрасьом йылысь. Марьялөн петіс кыв — ог мун. Татчө и пузис Митрёпан: скөрмис, туша-рожаыс вежсис, особө синмыс. Марья вөлі рок пуө и друг чом сайсьыс аддзис, кызди Митрёпан метальниксис юр вывтійыс да лои кутшөмкө зверөн: не то көин, не то сана, но морт синъяса да синкыма. Марья эз повззы, а кватитіс зарада пищальсө. Зверь повзис и чеччыштіс котөртны. Пищаль лыйис. Зверь чотігтыр пышійыс вөрлань. Марья өдйөджык кутіс выльысь зарадитны пищальсө. Недыр мысти воис дядь, вайө кырсь и шуалө:

— Видзөдлы, кызди ме дойми кырсьсө кулигөн. Чернам сетышті кокам.

Кокыс көрталөма. Марья төдө нин, коді сылөн дядьыс, коді понъясөс виалис, коді косясис Лыскокөд. Митрёпан кайис керкаө дойсө бурджыка көртавы да сөйөм бөрти мөдөдчыны гортлань.

Марьялы сэтшөм шог лои, синваыс сідзи и тюрис синъяссьыс. Пуксис Содзмөс ты дорас да гусьөнникөн шуалөмөн кутіс бөрдны: «Вердысьөй дай батыөй! Тэ мунін, кодлы нө колин ассьыд өтка Марья-тусьтө да мамөс? Та вылө өмөй быдтін да велөдін овны? Кутшөм киө нө ми сюрим мамөкөд? Кутшөм зверлы? Босьт менө, батыө, ас дінад. Ог көйси ме лоны Педьө сайын. Виас менө Митрёпаныд.

Земля-матушка! Неужели тэ верман терпитны татшөм лөк йөзсө? Найө сөмын лөк вөчөны йөзлы, тэ вывті ветлөдлөны кокъяснаныс, чужъялөны тэнө, земля-матушка, сёлалөны тэнад небыд морөсад.

Озеро-батушка! Кымынысь ми батыөкөд волім тэнад мича берегысад, чери кыйлім. Век тэ мянөс примитін ыджыд гөстыясөн да тырөн-бурөн гөститөдін, некор эн ыстыв гортө куш киөн. Тэнад гажа берег йылысь ме аддзи Рёманөс уна во сайын. Радейтам ми ёрта-ёртнымөс. Неужели, озеро-батушка, ми торъялам, менө сетасны Педьө сайө? Лэптысь, озеро-батушка, бушколөн, мезды менө лөк мортысь. Төвнырөн ну менө мамө дінө да көть ещө өтчыд аддзыла милөй другөс...»


Кылө, воис Митрёпан, а сэсся Буско, коді вөрын век ветлөдлө да аслыс кынөмпөт корсьө, өд дядьыс весиг өти кос няньтор некор оз сетлы. Буско оз радейт Митрёпанөс, век ылөджык пуксьө, эргө.

Чөлөн-лөньөн панясыштісны, пуксисны пыжө и тойыштчисны берег дорысь шөрлань да мөдөдчисны сынны. Шондіа гажа лун, төвру оз пөлышт. Друг кысянөкө локтіс збой төвру, кутіс пыжсө шөрлань тойлавыны. Төлыд лои друг бушколөн, ваыс и енежыс өтлаасисны, пемдіс, гымалө и чардалө-вирдалө. сэсся кыськө быттьө биа-борда вевттис пыжсө... Пыж путкыльтчис. Митрёпанлы сюрис ки улас пыж бөжыс. Кылө, Буско омлялө берегын, вурзалө. Сэтчань и кутіс Митрёпан пыжсө тойлавыны. Друг чөв-лөнь лои, бара петіс шонді, быттьө нинөм абу вөвлөма. Пыжыс да Митрёпан неылын берегсяныыс и вөлөмаөсь. Петіс Митрёпан берөгө да первойысь олөмас крест чөвтис. Куш пыжө пуксис да мөдөдчис гортас. А Буско кытчөкө воши. Марья вөйи, чери бөчкаяс вошисны. Көлуйыс и. Мый висьталан гортын? Кельчи бөчка неылын плавайтө, жугалөма. Нянь абу, сөян абу.

Гучөртсаяс керка-весьтын юрас воис мөвп, мый вөралан керкаяс-ын век эм неыджыд запас — нянь да сов, пес. Сувтліс да босьтіс көла

Искусствояс велөдан Коми Республикаса гимназия восис 1990 вося январын. Тайö мян медводза учебной заведение коми челядьлы, көні эськө позис велөдны не сөмын чужан кыв да литература, но и музыка, и изобразительной искусство, и хореография, и унатор на Öнi гимназияын велөдчöны 260 челядь, джынйыс сиктъясысь. Дерт, налы сьöкыджык на пырöдчыны музыкаö да хореографияö, но ныв-зон велөдчöны окотапырысь.

Гимназия помалöм бöрын лоö поэянлун мунны искусство велөдан училищеö, первой да мөд номера педучилищесö, а 11 класс бöрын вермасны пырны университетлөн филологической факультетса финн-угор отделениеö.



Сыктывкар. Искусствояс велөдан гимназия.




Дас класса велөдчысыяс коми литература урок вылын. Уроксö нуöдö Раиса Ивановна Вагнер.



Көкъямысод классын этика урок. Велодысыыс Татьяна Константиновна Губкина.



Музыка кузя воспитатель Валентина Николаевна Лапко велодө Никита Плехановос ворсны скрипкаон.



Классическөй йөктөм урок. Хореографыс Светлана Анатольевна Фролова.



Хореографическóй отделениеса велóдчысяс народнóй йóктóм урок вылын. Велóдó Коми Республикаса заслуженнóй артистка Халида Гелиховна Мойсеевич.



Труд урокяс вылын челядьлы ёна кажитчó вóчавны сюмóдысь доз-мукяс. Сюмóдóн вóдитчынысó велóдó Сергей Николаевич Волошин.



Витóд класса челядь живопись урок вылын. Велóдó Вера Николаевна Езовских.



Челядь кёсийоны унджык тōдны коми йōзлōн олōм йылысь. Экспедициясысь вайōны важ дозмукъяс, кōм-пасъкōм да мукōдтор. Дасōд да дасōтикōд класса велōдчысыяс кысян стан дорын.



Медым бура велōдчыны, колō и бура шойчыны. Дасōтикōд класса велōдчысыяс Андрей Засухин, Николай Кузнецов, Михаил Липин, Иван Нефедов, Алексей Полугрудов общежитие жырйын.

Снимокъяссы Ю. Хорунжийлōн.

дозысь, йирк бердысь, кос нянь и водзё кывтіс. Емва вылын кыккуим вѳралан керкаѳ кайліс на. Коми йѳзлѳн ѳбычай отсаліс Митрѳпанлы бедаын, кѳтъ ачыс нѳмнас ни ѳти кос нянь кусѳк эз кольлы узылан керкаясѳ. Тѳдіс кѳ эськѳ, мый вѳрас сук козьяс пѳвстын сулалѳ лѳбѳс кок йылын, а сѳні дзонь мешѳк кос нянь, сов, шыдѳсьяс!

Воис Митрѳпан гортѳ да висьталіс, кызди воштіс Марьяѳс, кызди Марья вѳйи тѳѳ. Анна сѳтчѳдз бѳрдіс да горзіс, нелямын луньяѳ казътылісны, сѳсся висьмис и водіс. Воліс Рѳман, ставсѳ стѳча юасис, малыштіс Бускоѳс, мыйкѳ сылы шѳпкѳдіс, а понйыд быттѳ морт, водіс Рѳман кок дорѳ да пондіс никсыны-бѳрдны. Некымын лун мысти пон воши туне, сѳвсем...

Син саяс Митрѳпанѳс эз ошкыны. Ен пѳ накажитіс сійѳс, а Марьятѳ ѳна жалитісны. Татшѳм сѳрниясыс скѳрмѳдѳны Митрѳпанѳс, и сиктѳ бара кутіс вольвлыны морт синьяса зверь, но матѳ оз сибѳд, ылысянь и пышйѳ, прѳстѳ, навернѳ, повзѳдлѳ йѳзсѳ, нинѳм лѳк оз вѳч. Ныв-зон да челядь оз лысытны сѳрѳн ветлѳдлыны, поньясѳс кутісны узьтѳдлыны керкаын.

ѳти асывводзѳ шонді петтѳдзыс Анна пуксис ѳшинь дорас да видзѳдіс вѳльнѳй свет вылас. Анна аддзис керка дорсыс морт рожаа звертѳ — дзик Митрѳпанлѳн синьясыс. Повзис да видзѳдѳ ѳдзѳсѳ — ѳдзѳс вѳссис и пырис Митрѳпан. Тадзи Анна тѳдмаліс звертѳ и думыштіс, код йылысь мужикыс кулігас шуис: «Митр...» Вот кутшѳм тайна вылѳ корлѳма Матвей дед Иванѳс, вот, вѳлѳм, кодысь Иван найѳс Марьякѳд видзѳ. Сѳсся водіс Анна да эз нин и чеччыв. Анна кулѳм бѳрын Митрѳпан став кѳлуйсѳ петкѳдіс гортас, став скѳтсѳ. «Сгѳдитчас Педьѳ гозьялы», — думайтѳ Митрѳпан, да и ачыс на кѳсйис гѳтрасыны.

Марьяд эз вѳй. Паляліс, садьсѳ воштѳм бѳрын: куйлѳ кос лыа берегын, сѳмын тай платтьѳсѳ быттѳ резѳмаѳсь ваѳн. Пуксис, гѳгѳр видзѳдліс да кутіс думайтны. Сувтіс Марья, пернапасасис, мый ловья, паськѳма и кос берегын. Помнитѳ, кызди бушков кыпѳдчис, гым, чард... И нѳшта казътыштіс, кызди быттѳ биа шар лѳччис пыж вылас, пыжсѳ пуктыльтіс, а Марьяѳс кватитісны и лѳбѳдісны ты вѳмѳныс. Сѳсся нинѳм оз помнит. Бара гѳгѳр видзѳдліс и аддзис сир чери бѳчканысѳ неылысь берег дорсыс, ветліс сы дорѳ, пуксис да дыр пукаліс. Шыч нч рач, лѳбачьяс тай дзользѳѳны бадьясын сы дінын — нѳѳти оз повны. Берегсыс кайис гѳра рѳч вылас, кѳні сулаліс зѳв ыджыд коз. Вѳйысис козлы сы улын шѳйчыштны да бара думайтчыштны. Шондіыс нин пуксѳѳ, кѳнкѳ колѳ узьны. Чикыльтчис пу улас да пуксаѳн и унмовсис. Узѳ ѳ нисьѳ олѳ. Батьсѳ вѳтѳн аддзыліс, тшѳкѳтѳ чери сѳйны. Шондікѳд тшѳтш Марья чеччис да лѳччыліс бѳчка дорѳ. Мыйѳнкѳ колѳ жугѳдны. Сылѳн жѳ век пуртѳсын лѳчыд пурт ѳшалѳ. Вот тайѳ удача! Сѳйис сола сир чери, юис шорсыс ва. Эз и думыштлы, мый тані тшѳтш шор дзольгѳ. Кѳсйѳ на вѳлі кайны коз дорас да неылѳ ветлыны, тѳдмасыны вѳр-ваыскѳд, кызд аддзис коз лапьяс вывсыс кутшѳмкѳ кѳлуй. Бура видзѳдіс да казяліс: налѳн эшкын ѳшалѳ, вежсян паськѳм, чыштьяныс. Крест чѳвтіс да кавшасис коз вылѳ, ставсѳ шыблаліс му вылѳ и бѳр лѳччис. Вѳлѳмкѳ, став кокнитѳрыс бушковнас татчѳдз вѳѳма. Гажмис Марья. Позьѳ тані овны лун дас, ѳз-ѳ кодкѳ корсыны кут. Вѳрсыс ваяліс пу лѳпьяс да вѳчис шалаш. Турун ниетіс да лѳсьѳдіс вольпась. Сѳйѳ Марья чери, а коймѳд луннас аддзис некымын кос нянь тор, ѳстальнѳйыс татчѳдз абу вѳѳма. Казътыштіс Бускоѳс, кѳні нин сійѳ? А Митрѳпан, кѳнкѳ, вѳйи. Бидсяма мѳвпыс воліс юрас, бурьыс и лѳкыс.

Колѳ овны, ловья кѳ коли. Сюмѳд кулис, дзуппель вѳчис да шор дорѳ ѳшѳдіс ва юны. Казяліс, мый сійѳ мѳдлапѳлын, весиг чомныс тѳкѳт ѳ тыдалѳ. Ёна татчѳ кѳсйис воыны ичѳт Марья-тусь, вот и воис.

Куим лун нин коли — пасьяс вѳчалѳ ныв пуясѳ. Узьнытѳ оз жѳ лысыт чѳмьяд, кавшасѳ пуас, полѳ ош-кѳинысь. Луннас шѳйчѳ чѳмйын. Нѳльѳд луннас муніс неуна шонділань да аддзис зѳв ыджыд марьямоль куст. Вот тай кѳні вѳлѳма мѳнам Марья-тусьыд. Марья ку-

тіс чегъявны дзоридзьяссё да нюжодчис шёрас — и друг уси пыдö, вылысас му киссис. Ёна и повзис, чайтіс ош гу. Розьсё паськөдіс да бөр кавшасис вылö. Видзөдö Марья, кутшөм гу тані. Лөпсö да вужьяссö весалис кык лун. Коймөд луннас воссис гөп, а пельöсас из тэчöма — пач места. Гашкө, тані оліс вёрсаыс, коді коркө зэв важөн горзылöма да сьывлöма. Мөд пельöсысь аддзис лы торьяс да юр чашка торьяс. Эз повзья, сэтчö жö пельöсас гуалис да молитва лыддис. А мөд пельöсысь сюри ичөтик сямөд доз, кутшөмөс Рөман сетліс ниа сирөн. Дозыс сісьмöма, киас босьтіс да паськаліс, а сәні мича-мича сикөтш, енэж кодь рөма, исерга и нөшта на унатор. Абу и сісьмөмабсь. Босьтіс да петіс. Ещö öти лун колис. Луннас вөлі шойччö коз пу улын, кодкө Марьялысь кисö да чужөмсö нюлыштис. Повзис да садьмис — Буско! Ёна и шыграсисны да радуйтчисны. Тадзи коли дас лун. Бускокөд абу гажтөм. Ещö на пырالیсны гөптад. Марьялыс нинөм эз сюр, а Буско петкөдіс биа из да тывкөрт няр мешөкын. Öнi лөб би. Кыськө Буско вайис көчпиөс, пөжалісны би вылын. А сәсся мөдөдчисны Содзмөс ты гөгөр увлань. Ты вомөдзыс лөб верст дас нель, сәні мөдар берегас гучөртсаяслөн керкаяс, сөмын вуджны виссö.

Марья сё пасибö висьталіс козлы бура видзөмысь, а сәсся Бускокөд сёрнитыштис:

— Вот, Буско, олөмад мортыдлөн быдсямаыс овлө, и миян тэкөд тшөтш быдсямаыс лөи. Содзмөс ты бокин. Коді тайö мортыс вөлөма? Мыйла өтнас?

Буско сөмын никсö да бөжнас легөдö. Муөдз копыртчыліс Марья да мөдөдчис шудлун корсьны. Ёна зэв омөльтчис, өдва кокыс новлөдлө, а колө мунны верст дас нель, вуджны виссö — сән спасенньö, Рөманьяс керкаын. Сэтчö арнас төвйыны воас Рөман, тулыснас кылөдас Марьяөс пурйөн. Сәні, дерт, нянь эм, пөртьяс, регыд вотөс да тшак воасны, чөд нин лөз дай тшакьяс сюравлөны. Марья зьскө налы тшак да вотөс чукөртас, отсаяс кыз вермас. Гортö оз во Емва берег кузьяд, кулас. Тані, Рөманьяс керкаын, сылөн спасенньö.

Мөдөдчисны мунны. Верст сизим мунісны, сәсся Марья оз вермы. Лои шойччыштны бара коз улын, пуксаөн узыштны. Мөд луннас, рытнас, воисны керкаяс весьтö. Буско пыр и вуджис вистö, увтö мөдар берегас, корö Марьяөс. А сійö пукалö мыр вылын да бөрдö. Уйөмөн он во, колө вөчны пур, ичөтикөс, кык кос пуыс и позьö, кызди коркө велөдліс батыс. Кык неыджыд кос пу көрталіс вөсни льөм-баддьөн, пуксис пуртор вылө да кутшөмкө увья-баддя бөдьторйөн сынис. Öдйö и воис берегас. Вот и спасенньö! Пидзөс вылас сувтөмөн пасьясис асыывылö, пуксис өшан дорö скамья вылө дай бөрддзис — сьөлөмсö бурмөдіс. Öзтіс бипур, аддзис керкаысь көла доз, но кушөс. Гөгөрвоис, коді куштис. Пукалыштис бипур дорын, пырис керкаө и унмовсис. Адзыліс вөтөн бать-мамсö.

Тані оліс Марья сёр арөдз. Лобөсысь аддзис кос нянь мешөк, но сөйис öти кусөкөн лун. Тшак солаліс, вотөс косьтіс да пув өктис төв кежлö. Вөрын лөчьяс вөдитис. Пищаль, дрбб-порок эз видз, виччысис вөралысьяссө, но зарада пищаль кутіс лөк зверьясысь, особö ошкысь. Быдтіс Марья көчпиянөс, урпиөс, накөд гажаджык. А сөйөдыд вөлі. Яйтö лөчкөн, а черитö вугырөн да октымөн куталіс. Налөн тані ичөт пыж и быдөн эм.

Öти арся рытö Буско ёна радуйтчис, и Марья кыліс пыжалысь катөм шы. Коркө тай Марья-тусьбөс виччысисны лыйсьөмөн, öнi Марья тожö сувтіс берег вылас да лыйис, кор пыжа матыстчис берег дорö. Пыжысь петісны Рөман да сылөн вежай дядьыс.

Кызди видазасисны, ми ог төдö, но кык мужичөйлөн синваныс петіс, а Марья уськөдчис Миш дядь морөсö да ырөбөн бөрдис, сәсся кок вылас юрбитис. Сёрнитисны-баитисны рытывбыд. Висьталісны лөк юөр — Марьялөн мамыс шогысла кулөма, Митрөпан став овмөссö гортас петкөдөма.

Рөман висьталіс асьыс мөвлпьяссö: кор сійö аддзысьліс понкөд и

понйыс вошис, гөгөрвоис, мый Марьякөд ставыс бур, эм надея: сійөн найё дядьыскөд водзджык воисны, мед лэдзны кер тулысын кывтём вылө.

Рёмантьяс понтөг локтисны. Буско налы кутіс отсасыны. Пиняліс Миш дядь Марьяёс, мыйла няньсө этша сёйёма, мыйла дрөб-порок абу видзёма. Олыштис дай содтис: «Лэччам тулыснас да мунан кө Рёман сайё, гөтрасянныйд, а кылөдөм пурьяссыс керка лэнтам тиянлы». Марья да Рёман видзөдлісны ёрта-ёрт вылас, яндысисны, но Миш дядьлы өтвет сетісны. Сэсся Марья петкөдліс гуысь сюрөмторьяссө, висьталіс гуалөм морт йылысь.

Тадзи олісны куимөн төвбыд, шум ни зык, ёрта-ёртөс пыдди пуктёмөн. Дядя-пия вөралісны, Марья налы сёян дасьтө, паськөмнысө лөс-өдө, мукөддырйи Рёманкөд ветлывлө лэч кыйны, шицальён вөдитчыны. Уна прөмыс куимнад лөсьөдісны, уна дона ку сетіс вөр-ваыс налы, уна вөр пөтка заптисны гортө лэччөдны. Висьталіс Марья и лөк зверь йылысь, морт синьяса көин йылысь — Митрөпан йылысь. Ёна шензисны дядя-пия.

Тулыснас кывтисны пурьясөн гортө. Кытысь төдмалісны сиктсаяс налысь локтөмсө? Эз на сувтөдны пурьяссө берөгө, а вадор нырдыс тырөма нин вөлі йөзөн: коді бөрдө, коді окалө да шыгралө Марьяёс. Марья пырис гортас, ветліс бать-мам гуяс вылө, кайліс поп дорө да пыраліс вичкөб. Мөд луннас локтисны Гучөртысь корасысьяс. Вөлі зэв гажа свадьба, венеч улын сулалісны Марья да Рёман — ыджыд тушааёсь, мичаёсь, гождьялөм чужөмаёсь. Овмөдчисны том гозья Марьяяслөн важ керкаё, но ю вылын, горуланыс, выль керка вылө пур сулалө.

Некымын лун мысти том көзяин вадорын кыскаліс да кырссис керьяс. Сы дорө матыстчис кутшөмкө зверь нисьө морт — кык кок вылын, морт рожаа, а зверь кодь — уськөдчис Рёман вылө. Но кызд тай кыськө зырөдіс Буско, шашаритчис зверлы голяас дай джагөдіс. Чукөртчисны йөз, дивуйтчөны. Вөчисны ыджыд бипур да сотісны, пөимсө төлөдісны кывтыд. Тайё лунсяныс некор эз волы сиктө зверь, но кытчөкө вошис Митрөпан, вөйи ли, ылаліс ли вөрө. Рёман, Марья да Миш дядь некодлы эз висьтавлыны Митрөпан йылысь, жалитисны Педөрөс, зэв нин рам морт вөлі да мельничаад, кор сійө изө, этша бөсөтө гөлясылысь да пөрысысылысь, некодбө оз өбөдит.

Нөшта вот мый висьталёны: кор кутісны сотны звертө, сы дорысь пышйөма вадорлань зэв мисьтөм кузьбөж.

А Рёман да Марья олёны зэв бура, уджалёны, вөралёны, быдтысьёны, олёны выль керкаын няньён-солөн...



Товарыш Косьта

ВИСЪТ

Олѡм вежан кадѡ Комиѡ воис снитки выль кыв — «товарыш». Сьѡкыда ли, кокниа ли, но тайѡ выльторйислы вѡлі шуѡма поздысьны йѡз вежѡрѡ. Медводз тайѡ кывнас шыѡдчылісны районса да сиктса начальство дорѡ. Ѡдвакѡ, кызвыннас зумыш чужѡмбана тайѡ войтырыс кодлыкѡ вѡліны збыльысь ѡртъясѡн. Кѡть сьѡлѡм вылад кутшѡм деливѡ, но ыдждѡдлы дона ѡртѡн, мѡдарникѡ, скѡрмас властьлысь чорыд вѡжжисѡ кутысьыд. Выль кывйис, кѡть веркѡссяныс и шыльыд, вежѡртсис кызкѡ казеннѡйѡн, сьѡлѡмтѡ оз шонты ни ѡта-мѡд дорѡ оз сибѡд. Шуасны кѡ, кѡть абу любѡ, скѡрмыны он жѡ лысьт, быттѡ вѡрсалѡн вын-ѡбѡсѡн вердѡма сйѡс.

Кѡч Кѡсьта — мукѡддырйи «кѡч» кывсѡ вежлісны «кѡсѡйѡн» — эз мукѡд моз вежавидз, муса пѡдругаѡс моз сибѡдѡс ас дорас тайѡ выль кывсѡ. Шуам, воас сиктѡ лектор, международнѡй положение йылысь сѡки вѡлі моднѡ тѡлкуйтны, мырдѡн тувъялісны ѡти мѡвп: став сьѡкылуныс сыысь, мый зыртчѡны миян вылѡ пѡж капиталистъяс. Кѡч Кѡсьта медводдза радас пуксьѡ, пѡлыньтѡ юрсѡ, чабыртѡ киас орѡм пеля шапкасѡ и вомсѡ паськѡдѡмѡн кывзѡ сѡрнитысьсѡ. Дерт и сорсьылѡ кывзѡмсьыс, сѡки артасѡ, кызди бѡрнас сюсьджыка мыйкѡ сѡтшѡмтор юавны быдтор тѡдысьлысь, мед кѡть здук кежлѡ жаявлас. Юавлѡ Кѡч Кѡсьта пыр ѡтитор: кутшѡм капстранаын медся мѡритѡны уджалысь войтырсѡ. Та дырйи куймысь помся ыдждѡдлѡ лекторѡс «товарышѡн».

— Да, товарыш Косьта, быдлаын виньгыртѡны йѡзыс, капиталистыд сйѡ кѡинысь лѡкджык, — лывкйѡдлѡ лектор.

— Понъяс найѡ! — ызьѡ Кѡсьта, — ме тѡда найѡс, пон рѡдѡс, со кулак Миронлысь овмѡссѡ мырддигѡн понмыс снитки выль гач косявліс менсьым и шапка пельѡс — ѡти сорысь. А сйѡс ѡд колхоз правление меным козьналіс коллективизация нуѡдигѡн отсасьѡмысь. Кѡнечнѡ, Миронлысь понсѡ, кызди несознательнѡй элементѡс, места вылас пезьгѡдны ковмис. Тайѡс сідзи шуи, ѡбидаысь, но талун мѡдтор йылысь сѡрныис. Ме кывлі пель пѡвнам, медся ѡна пѡ тшыгъялѡны йѡзыс Америкаын.

— Не сѡмын Америкаын, — веськѡдѡ сйѡс лектор, — но и мукѡд капстранаын.

Кѡч Кѡсьта та бѡрын чышкыштѡ плеш вывсьыс ньылѡмсѡ да дѡвѡльнѡя лѡдзчысьѡ лабич вылѡ, ѡти син пѡвнас лабичъяс увтѡ кыйкнитлѡ бѡрлань, эз-ѡ кодкѡ госаджык каллян пом шыбит джоджас.

Коллективизация важѡн нин помасис, грабитны лѡи некодѡс, капиталистъясыд ылынѡсь... Кѡч Кѡсьта бара кутіс овны дзескыда: керка тыр челядь, портпель, кызди мукѡд активистлы, эз вичмыв. Индылісны эськѡ кладовщикѡн, но сылѡн эз вѡв некутшѡм грамота, и тѡварсѡ лѡдзалис вестѡг да кабала вылѡ пасьявтѡг. Кодыр колхознѡй складыс кушмис, Кѡч Кѡсьтаѡс бѡр сйѡсалисны куйѡд кыскавны. Весиг вѡв эз сетны, а тшѡктісны доддявны Дурилѡ нима ѡшкѡс, сідзи пѡ сылы тѡвнас уджыс абу.

Дерт, уна пѡсь тѡварыш Кѡсьта эз кысьт. Ѡтчыд и удитѡ луннас куйѡдѡ карта дорысь петкѡдны. Дурилѡ воськовтас и мѡвпалѡ, вѡчны-ѡ мѡдсѡ.

— Төварыш Дурило, тэ тай нө он тэрмась коммунизмас, — шенасис Косьта лы пома югыд плетьөн.

Но эз век вөв съод рёма оломыс Коч Косьталон, бара жö төварыш кывйис отсалис. Оти асылö потшөс сайсянь чукөстис суседсö:

— Төварыш Васька, тэ талун мый кутан карны?

— Мый нө тэ мекöд кимөститчан, век тай на Петыр Васьöөн шу-
лисны, быд сөс кывйис пеж вомад водз асывсянь бергалö.

Кыкнанныс сэсса тшöкмунисны, тыдалö, суседыс гөгөрвоис, мыйкө не сідзи шусис. Коч Косьта шай-паймунис жö: тадз сылы некод на эз вочавидзлы.

«Төварышыс» пеж кыв!» — кыв-ворсö воштіс быдсөн. Кыкнанныс тэрмасьомөн гортаныс пырисны, быттö виччысытөг чардыштіс енежас.

Колисны лунъяс, вежонъяс...

Отчыд сельсоветө районыс воис уполномоченной. Коч Косьта сә-
ні жö куритчис. Дерт, эз табак вöсна Коч Косьта власть киняулас сюртчы, медводз окота вöлі выльторъяссö кывны. Уполномоченнойыд вöлөма зэв варов, быдторсö юасис Коч Косьталыс. А сийö немтор эз дзеб, ставсö висьталіс, мый төдіс, весиг юөртіс, кызди шөтъясылісны суседыскöд «төварышон» шуöмысь. Тані районсалон чужöмыс вежсис, стоп пö, висьтав стөчджыка, кызди мый вöлі. Коч Косьта кутшөмакө вежөртіс: мыйкө омөльтор керö, но косан туйыс эз нин вөв. Кыв-
йыд тай, петас кө, бордтөг лэбзяс. Районса варов мортыд и сельсоветса юралысылыс юасис Петыр Васька йылысь. Он пö гөгөрво мыйса морт, зэв скрытнөй. Миян пö мог эрдöдны сэтшөм «тёмной элементъяссö», велөдіс съод портпеля морт. Бөрыннас кабалатор кырымавы суйисны ныр улас. Сийö здукас Коч Косьта тырвийö гөгөрвоис: вөчö мыйкө зэв омөльтор, весиг көдзыд ньылөж мышкуас чепөсийс, весиг синсö куньліс, кык «к»-сö орччөдіс. Мый керан, кутшөм пыжö сөлөмыд, сийөн и кывт, визув вылад он чечышт.

— Тэныд, төварыш Косьта, колö йөз дінынджык бергавны, кызд шуласны, вежөртан нин, мый позыштö, а мый оз, — быттö өдзөс сайысь кыліс районсалысь байкөдан шыяссö.

Регыд Коч Косьтаөс индісны конюкөн. Петыр Васькаөс повесткаөн корисны райцентрö. Муніс мортыс и дзумйö моз суніс, эз сэсса некөн и кывсыыв. Юөм вылö шатовтчыліс Коч Косьта, но абутөмлуныс бөр кок йылас сувтөдіс, сөмын азымджыка мөдіс куритчыны. Гөгөрвоис Коч Косьта, «төварыш» кывйыд, вөлөм, ок вына, быд лэчкысь мездас, шуан кө ас кадö. Та вöсна ли, полөм пондаыс ли, весиг гөтырсö и челядсö сийөн пернапасаліс. «Төварыш Анна, пызантö лөсьөд». «Төварыш дзоля пи, ныр увтö чышкы...»

Коч Косьта медводз сиктын лөсьөдіс көзаяс: төварыш Розаөн да төварыш Павелөн нимтіс. Унаөн мөскö на кутчысисны, көть йөв да яй налог кулисны и турунсö пуктыны эз лэдзны, дзебсясьөмөн коліс дасы-
тыштны, шуам, водз асылын либö вой шөрын, бадь костö водзвыв чукөртөм нөбтор лөскөдзыд упкөдан. Косьта та вылö эз ышты, өти-кө, войса унаа мортыс, мөд-кө, поліс яналöмысь. Көзаяд көть мөс серти-
ыд өна этшаджык сөйö, век жö нуръясытөг оз ов. Коч Косьта дыр гыжъяліс баябөжсö да вежөртіс, мый колö вурны кузь да паськыд зепъяс. Конюшняысь локтігөн зепъяссö тыртліс зөбня кодь лудвыв веж турунөн. Роза да Павел панывавлісны сийөс кильчö вылын да пыр жö самасылісны зепъясас. Здукөн и вильөдасны польдчөм дядьötö, и пырö гортас Коч Косьта жель кодь вөсньыдикөн.

Бур поводдя дырйи Коч Косьта радейтіс пукавыны кильчö вылын да апавыны куйөд көра сиктса сынөдсö. Сибөдчылісны сы дорö өтарсянныс төварыш Роза, мөдарсянныс — профессорлөн кодь еджыд тошка төварыш Павел, найö пыр жö заводитлісны летны көзаяинлысь зепъяссö. Коч Косьта сәки заводитліс нүөдны политзанятие.

— Вот тэ, төварыш Роза, сөйны дзайган, а йөвсö лысьтан сөмын пөдөнча пыдөсас. Көні тэнад пролетарской сознаниеыд?

«Ме-е-е», — бакөстліс Роза, нетшкис тыртөм зепсö, корис турун.

— Абу ме, а тө-ө-ва-ры-ыш. Тэ коть пролетарской кывъяс дінас велав, йовсө кō лысьтыны сямьд оз тырмы. Тōварыш Сталин тайōс гōгōрво и налогыс тәнō, дурабс, мездіс. Павел вылō со вурун налог воис, но мед. Тōварыш Павел и няр пасьнас төвсō вуджас. Сідз өд?

«Па-а-а»,— сōглас сетіс сознательной Павел.

— Да, тōварышъяс, Роза да Павел, талун ставлы сьōкыд. Онō тө-дōй ті, кутшōм өні международной положениеыс? Тōдінныд кō, нэм чōжнад энō бакōстлōй. Гражданской война дырйи Ленин сōмын пуōм картофель сейлōма. Тōварыш Сталин сылыс жō визьсō нуōдō, сідзкō, тшыгъялō жō. Тшыгъялōны и Молотов, Каганович... Троцкий. Э-э, Троцкийыд враг народа вōлōма. Со кодī став пыддиыс жōритлōма.— Кōч Кōсьта тшōкмуніс, кодкō восьлаліс мир туй кузя, но эз кез сы керка дорō, буракō, эз кыв. «Мыйла сійō татчō казтыс Троцкийсō? Но, ен мед видзас сēsся тайō нимсьыс».— Уськōдіс вежōрас, кутшōм шы-льыд чужōмбанаōсь народлōн вождыасыс портретъяс вылын, өдвакō, найō омōля сейōны. Газетъясын та йылыс оз гижны и лекторлыс юавны он лысьт, медым кызкō мōдарō эз гōгōрво, бытьтō Кōч Кōсьта кутшōмкō кокнōд корō налыс.

Вылъ волю паныда вежонō, кор дзикōдз пикō вайōдіс налогōвой инспектор, Кōч Кōсьта нярōдз шырис тōварыш Павелōс, сōмын тошсō кольыштіс, медым пемьд посводзас лысьтигас гōтырыс эз сорав сійōс Розакōд. Тōварыш Павел помьа заводитіс сювтчыны-тірзыны, мый на тайō: мыктавны кутіс: «Па-а-вел» пыдди артмис «Кō-кō-ōсьта». Лемасіс межыд кōзяин дінō, воськовтны оз лэдз, век пон кодъ тшыг, герчкō пиньяснас. Вōтчис тōварыш Павел кōзяин бōрсяыс конюшня дорō и эз ворссы: чирйысōм туруныс тырыс вōлі. Пōльтчис кынōмыс тōварыш Павеллōн ыджыд начальниклōн моз. Чōскыд турунъясōн, дзоридзьясōн өвтис Павелсянь. Дугдіс баксыны да тіравны. Мōд луннас кыссис Павел бōрся и Роза.

Кōч Кōсьталōн овмōс вель ыджыд, но мышсō эз вазьōдлы: отсасисны сиктса челядь, мырддысысōмōн вōвъяссō нуōдōны юктōдны, весалōны кок увсō, вердчōны, сыналōны-чышкōны. Медьа сьōкыд вōлі Кōч Кōсьталы вōвъяслы корсыны нимъяс. Вōлыс уна, а конюклōн сērнитан словарыс ичōт. Да и нимъясыс медым эськō кадъыслы лōсялісны, шуам, Стахановец, Борец, Социализм, Трактор, Танк, Передовик, Спортсмен, Тяжелоатлет да с. в. Ужъяслы нимъясыс ликмисны кокниджыка, шуам, Пушка, Пуля, Пистолет, Граната... Кōбылаяслы нимъяс сюралісны зэв сьōкыда, весиг сиктсыс став нывбабасō ковмис «вайōдны» конюшняйō, вōліны колхозной кōбылаяс, кызди тōварыш Марья, Дарья, Рита, Сандра, Марпа, Галя...

Конюклы колō вōлі ещō тōдны, кор кутас чанясыны сійō либō мōд вōв, та вōсна вōчавліс кутшōмсюрō пасйōдыс торъя тетрадьō. Тайō вōлі медьа бестōлкōвой ноыс.

— Тōварыш школьник,— шыōдчыліс Кōч Кōсьта медьа сюсь детинка дорō,— талун тэ лоан писарōн.

Детинка босьтліс химической карандаш. Дульнас кōтōдōм бōрын чирōстліс:

— Тōварыш Кōсьта, мый колō гижны?

— Гиж ясыда,— велōдіс конюк.— Гиж со кызди, зонмō. Май 1 лунō кōбыла Марья, стōча кō, тōварыш кōбыла Марья, веськаліс Пуля улō. Мый артмис — ог вермы тōдны, ачыс енмыс тōдō.

— Енмыс абу, тōварыш Кōсьта,— вочавидзліс том писар.— Сōран! Сітала, ог гиж.

— Да. Енмыс абу. Попъяс водзті мянōс бура кōмōдлōмаōсь. Но эм тōварыш Сталин!— петкōдліс пролетарской сюсьлунсō Кōч Кōсьта.— Сійō ставсō тōдō. Но тайōс тэ эн гиж, быд кōбыла бōж улō абу мича вождылыс нимсō пысавны.

— Ог, ог,— чиктыліс детинка, но вильышлуныс гудыртліс кизьōриник вежōрсō и скобка пиын пасйōліс: «мый артмис, тōдō ачыс тōварыш Сталин».

Чанясян тетрадысь позис лыддыны татшом пасйодъяс: «Май 5-од лунё төварыш көбыла Рита веськаліс Пуля улө...» «Май 8 лунё төварыш Галяос лязодіс Танк...» «Май 10 лунё төварыш көбыла Сандралы косьобтіс Пушка...» «Дарья манласис Пистолеткод веж турун ныр йылас нин вад дорын...» «Турун чорзьом бёрын пуксис чөв-лөнъ, некутшом оружие эз уджав: ужъяс помодз быгзисны...»

Быд көбыла ним бёрын вөлі пасйод, мый йылысь конюк мөвпыштны эз сяммывлы: «мый артмис, төдө ачыс төварыш Сталин...»

Медскөр «пушкаыс» лыйис төвся туй пуксигон, Октябрьскөй празникъяслы паныда лунё. Съод төвныр моз воис районса уполномоченной. Тайё кывсө сэки сиктясыс быдөн лючки төдісны: не то ыджыд начальник, не то ревизор, стөчджыка кө, морт, коді быдтор вермө вөчны сиктса войтыркөд, шуам, йортны тюрмаө, штрапуйтны, мырддыны эмбурсө, сысы поліс сельсоветса пред и колхозон веськөдлысь, непөштө кушомкө конюк.

Көч Көсьталон, кор аддзис руд мыгөра мортөс, коді өвтчис служебной портпельон, весиг кынөмыс висьмис, көскыс заводитіс юкавны.

— Тө-ө-ва-а-рыш, кутшом көбыла тиянлы колө? Дарья вынйөра, Рита вердаса, Сандра винөв...— тані конюк тшөкмуніс.

Уполномоченной скөра вирдыштіс еджыд бугыльяснас, кытшовтіс конюшнясө, тапкөдіс вөвьяслы мышкас, гөгөрбок видзөдліс, шуис:

— Төварыш Көсьта, бура вөвьястө дөзбөритан,— көсийс нин петны ывлаө, но син улас веськаліс конюклөн «творчествоыс».— Тайё мый?

— Чанясян тетрадь, төварыш уполномоченной!

— Интереснө. Видзөдлам.

Первой здуксө районса шпынныліс, быттьө серөктыны көсийө, но мудзөмысла эз ышты, сөсся лөнис чужөмыс, сөсся зумышмис, быттьө төв ныр мөдіс летны пушмунөм бан боксыс кучкөсө.

— Тэ нө, вражина, кызди лысьтан мирөвөй пролетарскөй вождь вылас изгиляйтчыны?! Мый татчө гижөмыд?

— Сийө өд... мый сөсся керан, овлө көбылаясыдлөн... хи...— Көч Көсьта повзбөмысла стөча эз вежөрт, мый шуаліс.

— Овлө?!

— Мый нө...

— Разберитчам, көні пөлагайтчө.

Сунгис конюклысь чанясян тетрадысө служебной портпеляс да лыйыштіс сиктө. Здук мысти воисны куимон, уполномоченнойкод орчон восьлалісны сельсоветса да колхозса предьяс. Уполномоченной воддза серти мисьтөмджыка на увтчис. Көч Көсьталон зськө вошис падмылөмыс и вежөртіс, мыйын делөыс, шуис жө, тадзи пө челядь көнкө кимөститчисны, но этшсыс петөм морт эз нин кыв сылмысь дорйысьбөсө. Кык пред сулалісны чөла, сөмын чужөм сертияс позис гөгөрвоны, быттьө налөн здукон висьмис юр пиньныс.

Медбөрьяысь дөддяліс Көч Көсьта көбыла Ритаос, вильыд лым кузя уполномоченнойкод лэччисны райцентрө. Сөсся эз нин бергөдчыв, кызди и суседыс, чужан сиктас. Сыліс-вошис морт, пернатөг, ен пастөг пырис кыз му улө.

И кадыс отсаліс чусөдны мортлысь олөм-керөмсө, век гежөдджыка кывлан: то пө төварыш Көсьталон нылыс либө пиыс аслас мөгөн кытчөкө веськөдчөма. Сөсся и челядыс энөвтисны кодзалөм чужан познысө, кызди шойнаө пөрысь сиктясысь став томуловыс. Кувсис гөтырыс. Чорыд нөшкөн кучкөм өш моз бокыв пөлынтьчис керкаыс...

Единоличник Сидөр Паш

ВИСЬТ

Комын витөд воясө сиктса олысьяс бура төдісны «единоличник» кывлысь вежөртассө. Сэки коми сиктын муніс войтырсө колхозö öтувтөм, а коді пыксис партия ВКП(б)-лысь планъяссө оломö пөртөмлы, мөд ног кө, эз көйы лоны выль артельын «шленон», сэки сылы лякылісны зывөк прөзвище — «единоличник». Гулагъяскөд отлаын кывсө вайисны мянө. Вот татшөм войтырыслы властьяс сэки панлісны быдыяма нартитөм да дзескөдөм, а унджыкыс и тюрьмаö на веськавлісны.

Бергаліс сэки и «десятскөй» кыв. Тайö мортыс гөгөрвосьö: милициялысь либө колхоз правлениелысь юөр вайысь морт. Сидөр Пашөс, десятскөй пыр юөртөмөн, корлісны жө колхоз правлениеö. Председательыс Ардальон Григорьевич Туев, сиктса ног — Гришө Ардө, уна эз сёрнит, зургис Сидөр Паш ныр улö кабала лист, ручка, матыстіс чернила доз: гиж пө, эн чатрась да дыр эн думайт. Сидөр Паш гыжйыштіс пуксян небыдінсө: час пө, медводз петала асмогасыны. Петіс и бөрсө эз лок.

Гашкө, тасянь и пансис Гришө Ардө да Сидөр Паш костын лөгалөмыс.

Сидөр Паш локтіс гортас да Öкуль нима гөтырыслы висьталіс, кызди да мый, а сөся шуис аслысмоз: «Нинөмла тэрмасыны юрнымөс сиравны».

А сиктын муніс нин сёрни — Сидөр Пашөс пө колхозö пыртөмысь единоличникö гижөмны.

Шөгö усины Сидөр Паш гозъя, кор турун пуктан кад воис. Найö көйöны вөлі мунны ытшкыны важ кадөн юклөм видз вылас, а Гришө Ардө өлөдө: став му-виддзыс пө öні колхознөй... Сідзкө, скөтсө төвнас вердны лөб нинөмөн, а өд вөлі Сидөр Паш гозъялөн мөс, ялавич кукань да нель ыж.

Но выль властьюд нөшта на и мөд лектор вөчис: йөв-яй поставкаяс единоличниклы вайис кык пөв ыджыдөс колхозса шлен серти. Первой воас зиль киа Öкулыс турунсө чукөртіс на, шор доръясысь да бөрөздаясысь чарлабн вундіс, мый вермис зөбняөн кыскаліс. Куканьсө ковмис нуөдны яй поставка вылө, а кык ыжсө аслыныс сөйны начкисны. Төвнас нин.

Сөр арся рытө Сидөр Паш өзтіс стеклөтөм дзузгысь карасин лампа, пуксис Öкуль дінас орччөн, коді кутшөмкө ногөн вермис весиг пемыднас кудель печкыны.

— Чопө, кызди нө кутам водзө овны?— зэв нин жаляддза да небыда шыасис Паш.

— Юав енмыслысь,— ышловзис Öкуль.

— Ставсө мырддисны. Локтан во поставкаястө мынтыны огө кө вермөй, мөстө нуасны.

— Збыль ли мый?— повзис Öкуль.

— Кывсө, мукөд сиктас тадзисө вөчөны нин. Тыдалө, дзикөдз тальчасны горш вылө,— вомгорулас аслысмоз бормочитіс Сидөр Паш да ыджыда ышловзис.— Öти лача — вөр-ва вылө сөмын нин коли. Вөралөм помысь вердчыны...

— Ен мед видзас,— шуыштіс Öкуль да чөвтис пернапас.

Локтан асывнас Сидөр Паш пасьталіс лаз, чукөстіс Та нима вөралан понсө, вуджис Эжва мөдлапөлө — мөдөдчис Керөсө лэч туй видлавыны. Коми пармаыс быд ар на бура козынавліс вөралысь мортөс. Дас верстысь ылö кыссьө лэч туй ордымыс, көні Сидөр Пашлөн рөдыс кыйсис нэм чөжыс. Ордым отар-мөдар бокас — сиалөма чөсьяс, капканъяс, петляяс, налькъяс, лэчъяс. Мунө Сидөр Паш, оз тэрмась, кыв-

зысьё быд тодтём шыё. Коть пельнас омөля нин кыліс, но синма на вөлі да бура гөгөрвоис вөрлысь олас ногсё. Вөрті котралё, увталё Та понйыс. Быд зверлы, пёткалы, мортлы — сылөн аслысьяма, увтыштём. Со и өні заводитіс тьяксыны — тайё урөс тьяліс, а со съола вылө. Сидөр Паш пищальтө важөн нин оз кыскав. Оз грымөд-повзьөдчы зверь-пётка оланінын. Тани пувйыс и тшакыс быдмө, коть зырийөн курав, коз пу коллыд урлы да кальсылы гольвидзё быд пуын, быттьө исерга өш-лөмны. Гашкө, та вөсна вөралысь Сидөр Паш лэч туйысь тыртём ноп-йөн некор эз локыв.

Джын туйсө мунөм бөрын эм места, трөпа бокас пөрөма пу, көні шойччытөг Сидөр Паш водзё эз тэрмась. Пукалө, куритө, вөрысь петіс Та понйыс, кывсө нюжөдөмөн любөбьсла дзиглясис да пошиктіс көзяин водзас. Радейтіс Сидөр Паш пон рөдтө, өна нин вернойёсь да гөгөр-воанаөсь морт дінад. Та понлөн рөдыс Сидөр Паш чукөрын кыссьё зэв уна во. Кольөм воөдз Та понйыс өліс Ча мамыскөд. Сидөр Паш пыр-джык собалис-ветліс вөрад кык понйөн. И налы гажаджык. Коркө төв помас, кольөм во, Ча заводитіс кырсавны. Йөзыс аддзылөмны, кык пон сибдасны, буретш Гришө Ардө кильчө дорас. Рөкыд вылө кыскө вө-лөм локтө Ардөыд, кватитас зор да косьөбтас, веськалө Чалы сюрса лыас, чегө, тяззігтыр кыссяс гортөдз, өна мучитчас, а асывнас кувсяс.

Лөк морт вөлөма Ардөыд. Но пөрысь Сидөр Паш том морткөд зы-кө оз пыр, енмыс пө ставсө аддзө. Мед сійө и судитө.

Тайё лоөмторйыс дум вылас усьөм бөрын Сидөр Пашөс жугыль босьтіс, жаль вөлі Ча понйыс, вывті нин нырися да верной аслас көзя-инлы. Та кычыс коть вөлі Ча мамсяныс — слабджык, полө ошкысь, вөралан сезон кадө вөр керкаысь пышйивліс кырсавны сиктө, коть эсь-кө вежон бөрын локыліс, мыжа моз нюжөдчыліс көзяинлы кок улас, но век жө Таыс лои любө, коть и том да веласьтөм. Пон олөм овлө дас көкъямыс-кызь во. Көкъямыс арөса Та — пөрной пон. Но век жө вывті дженыд налөн олан нэм.

Сидөр Паш пуө котшкөдөмөн пыркөдіс каллянсө сотчөм табакысь, көсийліс мунны водзө. Виччысьтөг Та эрыштчис да лөкысь заводитіс увтны. Тадзи Та увтчыліс пырджык лөк зверь, сан либө көин вылө. Видзөдліс Сидөр Паш, аддзис — ордым кузя локтіс Гришө Ардө. Пель-пом вылас өшаліс кык ствола ружье, а мышкас ноп. Вид вылас лөг да бугжыль, тыдалө, эз виччысь вөрын паныдасьны Сидөр Пашкөд.

— Прөмысла мөдін?— юалис Гришө Ардө, кор дзик нин матыст-чис.

Та пыр на эргис, Сидөр Паш өлөдіс сійөс да вочавидзис:

— Сы могысь, дерт. Мыйкө өд сөйнытө колө.

— Вот, вот. Пыран кө колхозө, сөян и юан лоас.

— Ардө, менам гөтыркөд кыкнаннымлы матө квайтымын арөс. Отлаөдны кө — сө кызь. Ме сьөкыд пеля, висьөдча. Гөтырөй пөдөм ви-сьөмөн нёрпалө-майшасьө. Думыштлы, мый миянысь колхозас пөль-заыс лөб?

— Лоө оз ло, а колхозө пырны быть ковмас. А уджтө ми аддзам тэныд вылө. Ковмасны стөрөжъяс. Ті сійө уджсө кыкнанныд на вер-манныд.

— Пасибө вөзйөмсыд. А колхозад ті тшыглы вианныд войтырсө. Юра да төлка морт тадзи вөчны некор оз босьтчы. Ті вир юысьяс! Йөй артель дай сөмын. А колхозө пырысь ме ог ло. Сійө и пасыс.

— Т-тэ мый?!— лөзөдтөдзыс скөрмис да, отарө-мөдарө видзөдлөм бөрын, вөр тырнас равөстіс Гришө Ардө.— Тэ властьлы прөтив? Сик-тын саботаж пөльтан! Но, Павел Сидорович, тайё кывъяссыд тэныд ковмас видзны ч-чорыд өтвет.

— Д-а, менам олөм овсьөма,— көдзыда, сідз-тадз өвтыштіс кинас Сидөр Паш.— Коть өні и места вылө лый. Ружьеыд тай сьөрад. Мен ошлы моз «жакен» оз ков, дрөбнас чергыся. Ви! Пуксьөд тюрмаө.

— Ме абу морт высь, а сөмын колхозса председател. Коммунист. Ов, ме помысь коть сө во,— сөсся сёрнисө вежис Гришө Ардө.— Тайё вөр участоксө торйөдісны миянлы. Арнас жө локтам татчө пөрөдны

вөр. Колё стрöйтчыны заводитны, вöвъяслы конюшняяс, мöсьяслы кар-
таяс. Складъяс, амбаръяс стрöбитам. А тані вöрыс бур, регыд и локтам.

— Сідз, дерт. Заводитінныд да мыйкө төн кисьтанныд-кераланныд
нин. Тöрыт войнас тай часовнясы жыннянсö шыбитöмныд. Кодлыкө
мешайтöма.

— Указаннö вывсянь,— Гришö Ардö вешкыра серöктіс да чунь-
нас чуткис небесаö.— Ленинсянь. Тöдан-ö, коді сійö лоö?

— Ог тöд и тöдны ог көсйы. Көнкө тэ кодь жö було-бола комму-
нист,— шуис Сидөр Паш да сьöлыштіс бокö.— Сідзкө, вөр видзöдлөм
могыс тэ шöйтан менам ордым кузя? А ружьесö мыйла кыскалан?

— Но-но, тэ тöд, мый больган. Ме висьтала, кызди эм. А вöрті
ветліг ружьейд оз мешайт,— чорзöдіс сёрнисö Гришö Ардö.— Аски
Семен лун. Тайö кадö ошъяс кырсалöны. Вывті лөкөсь.

— Тöдан тай,— сөмын и шуис Сидөр Паш да лөсьöдчис мунны
водзö. Но друг аддзис Гришö Ардö мыш нопсыс сьöд дозмөрлыс бöж-
сö... «Лыйöма, а эз ошйыс»,— мөвпыштіс сэки да довзöдіс ордым
кузя.

И бара сьöкыд мөвпяяс муткылясисны сылөн юрын, чеплясисны
морөсас. Сідзкө, буретш таті босьтчасны пилитны вөр, парма местаö
колясны öти мыръяс да пипу расьяс. Дерт, тайö лоас оз öти либö вит
воён. Ена сёрнджык, но да сэки Сидөр Паш лоас нин мөдар югыдын.
Сідзкө, майшасьны нинöмла, а быдмысь пиян мед асьныс мөвпалас-
ны — керавны али кольны коми пармасö.

Тадзи мөвпаліг Сидөр Паш матыстчис аслас чөс дінö. Но мый жö
аддзö? Плакаяссö шыбитöма бокö, шедлöма кыйдөс, но сійөс кодкө
босьтöма. Усьöм гөнъяс сертияс казяліс сьöд дозмөрлыс местасö. Не-
ужели Гришö Ардö? Ош кө вöлі, пузлуйтіс став чөссö да сэні и варкө-
діс-сөйис, тані пö вöлі ме — вөрса главнöй көзяиныс. Сідзкө, кык кока
ош. Гришö Ардöлы эз терпитесь гусьявны...

— Но и коммунист! Шпана!.. Тыфу!— сьöлыштіс бокö, нöшта чорыд
матөн содтіс Сидөр Паш да босьтчис сиваны чөссö.

А пармайд и тайö волöмын козьналіс на Сидөр Пашöс, мукөд лэч-
кас и чөсас сюри пöтка, весиг öти көч. Сёр рытнас нин бергөдчис Эжва
дорö, путкыльтіс-лэдзис веткисö да локтіс ас берегö.

Гортас нин, пывсянö петалөм бöрын, Öкуль гөтырыс мыччис стöкан
самöкур, юыштігад кальöг вомнад шусис:

— А коммунист Гришö Ардöйд, вөлөмкө, вөр. Шпана...

— Мый сöран? Кызди лысьтан?— шемөсмис Öкуль.

— Ме висьтала збыльтор. Налөн рөдас некод прамöй мортыс эз
вөв. Дышөсь да мудерөсь. Шпана да зимгөр чукур. Ме сысыс ньöти
ог пов,— ыззис Сидөр Паш.— Чөскыс дозмөрөс перйöма. Паныдасим
да аслам синъясөн аддзылі мыш нопсыс.

Локтан асывнас жö юкмөс дорын Öкульылдөн висьтавсьöма не-
весткаыслы, а луннас нин став сиктыс сёрнитіс, мый пред колхоза Гри-
шö Ардö йöз чөскыс пышйöдöма дозмөр...

Рытгорув Сидөр Паш дінö павгысис Гриш Ардö. Кывсьöма тайö
юöрыд и сылы.

— Тэ мый больган ме вылö, Павел Сидорович?— скöрыс шыасис
Ардö.

— Кутшöм «больгöм»? Ог гөгөрво,— чуймис Сидөр Паш.

— Он гөгөрво? А мый сöран, бытьö ме тэнад чөссыд дозмөр гу-
сялі.

— Та йылыс ме некодкөд эг сёрнитлы,— шемөса вочавидзис Си-
дөр Паш да видзöдліс пач дорын сулалыс Öкуль вылас.

— Но, Павел Сидорович, тайö нин вывті. Менö терпеннöйыс пет-
көдін. Ставсыс ковмас тэныд видзны öтвет,— пинь пырыс сөдзöдіс
Гришö Ардö да öдзөссö крапнитөмөн усйысис ывлаö, ачыс мөвпыштіс:
«Видзöдлам, мый кутан горзыны, кор веськалан менам чөскö».

— Мен абу жаль дозмөрыс! Босьтін кө, колö вöлі сиваны чөссö, а
не жуглыны!— бөрвылас нин вöччөдіс Сидөр Паш.

— А сяммө-ö сійö сиасьнысö?— юаліс Öкуль гөтырыс да серөк-

тіс.— Менам мыжыс тайё сёрниас лои. Ме тьялсниті невесткалы, а сійё... ачыд тѳдан, сарапана радио, сьѳлѳм бурмытѳдзыс лунтыр кутас висьтавлыны, колѳ и оз ков.

— Мыйла и больгин? Эз ков. Ардѳ ѳні водзѳс вѳчас. Сійѳ мудер и лѳктѳ дыр помнитѳ,— жугыля тѳдчѳдіс ассьыс мѳвпсѳ Сидѳр Паш.

...Сидѳр Пашлы Ардѳѳс гусясьѳм эрдѳдѳмысь да власть вылѳ элясьѳмысь ковмис виччысьны быд лѳксѳ. Но вѳлі чѳв-лѳнь. ГПУ-ѳ эз на корлыны, весиг ачыс Гришѳ Ардѳ пыр небыда да вежавидзѳмѳн шыасьліс Сидѳр Паш дінѳ, пыр корис гижны кабала колхозѳ пырѳмѳ.

Сидѳр Паш дыр мѳвпаліс, кызди тайѳ лои, мыйла Ардѳ ланьтіс, быттѳ кѳин дзѳбсис пакѳсть вѳчѳм водзын. Воис нин тѳв, поставкаяс да налогьяс мынтытѳмысь судисполнителььяс Сидѳр Паш картасьяс нуисны Сюрук мѳссѳ. Окулъ гѳтырыс эз вермы шогсѳ венны да регыд и кувсис. Гидас колисны балая ыж да меж.

— Локтан во и тьянѳс мырддьясны,— льясниѳ сетіс налы турун да ачыс аскѳдыс ышлолалѳмѳн варовитіс Сидѳр Паш.

Тулыснас сійѳ муніс ылі Палькьямѳ чери кьян местаѳ, сѳні тупкис аис, вѳйталіс гымгаяс, оліс сѳні, гортас прамѳя эз и вольтв. Ыжьяссѳ меститіс невестка гидняас дѳзѳр улѳ. Сидѳр Паш пыр ѳнджыка кутіс кывны став вежѳрнас, сьѳлѳмнас, мый сылѳн олѳмын матысмѳ пом. Вернѳй Та понйыс дінсьыс эз вешйыв, дѳзѳритіс ассьыс кѳзяинсѳ, кызди сѳмын пон сямѳн вермис. Вис дорын, гѳрасѳ колѳ и кайыштны, вѳр пиас сулаліс пывсян модаа керка, дѳдыслѳн на вѳчѳм, пач пидиыс изья гор, ломтан да тшыныс пышкас петѳ. Гожѳмын сійѳн бур — тшыныс номьяссѳ кольмѳдѳ да ывлаѳ вѳтлѳ. И узьсьѳ сѳні гыжьясьтѳг да палявтѳдз.

Вискысь чери сюри бура. Сидѳр Паш солаліс пуысь вѳчѳм куим бѳчкаѳ. Вольтвліс невесткаыс пиыскѳд, нультвлісны вьльѳн шѳдѳм черисѳ. Сидѳр Паш тшыглы эз ов, но гѳтырсѳ дзѳбѳм бѳрас вывті нин гажтѳмѳн кажитчис тайѳ югыдінас олѳмыс.

Рытсѳр Сидѳр Паш ѳзтыліс тшынас, ачыс пуксьыліс ывлаас шпал вылѳ да вуграліс. Та понйыс видзис кѳзяинсѳ, сылы кок улас нюждѳдчыліс, лапанас нуѳдліс ныр вывсѳ, зліс мынтѳдчыны номьясысь.

...Колис номья гожѳм, воис ар. Сидѳр Паш пыр омѳльтчис и слабмис, но вѳрын, борд вылѳ пѳтка лѳптысьѳм бѳрын, век жѳ кыссис Керѳс вѳрѳ сиасьны. Колѳ жѳ, буретш Сидѳр Паш ордым ѳтар-мѳдар бѳкѳ вѳлі заводитѳмадь пѳрѳдны вѳр. Бунтьясын сярвидзисны кырсьсѳ вольѳм болоньтѳм керьяс.

— Но и бур, войтырлы кѳ олѳм вѳчны шогмѳ,— вѳр йылысь морѳс пиас муніс ас кост сѳрни Сидѳр Пашлѳн.

Тайѳ арнас вывті нин бура козьналіс пармаыс Сидѳр Пашѳс. Сиктсаяс унаѳн казьявлісны и тѳдісны «единоличниклысь» вермытѳдзыс зверь-пѳтка гортѳ кыскалѳм. Унаѳн завидьтісны. Сьѳкыда овсис колхозса «шленьяслы». Уджысь деньга эз мынтыны, а трудодень донсѳ кѳсьѳмны сетны во помас. Унаѳн тшыгьялісны. ОРС магазинѳ шыбитлісны сола треска да сыв кузя зубатка, но «шленьяслы» нѳбны вѳлі нинѳм вылѳ. Тайѳ помка вѳсна сиктысь уна мужичѳй мунліс сплав удж вылѳ, постояннѳй кадраѳ. Сѳтчѳ пыриг паспорт эз юавны.

Заводитіс нин кынмавны. Сидѳр Паш майшасис, колѳ вѳлі кайлыны Керѳс вѳрѳ уськѳдавны чѳсьяс, мынтѳдавны лѳчьяс да капканьяс. Сѳмын пыр эз кылав да и невесткаыс такѳдіс кольны лым улас.

Но Сидѳр Паш век жѳ решитчис ветлыны. Войколѳн. Тайѳ сылѳн лои медбѳрья ветлѳм — рѳдыслѳн угодыѳкѳд прѳшайтѳчѳм пыдди нин. Да. Кыліс сійѳ сьѳлѳмнас, быттѳ виччысьѳ сійѳс пѳздытѳм нальк, кодѳс кытшовтны ни шаговтны мынтѳдтѳг оз нин вермы. Морт, кызди и зверь, став тушанас кылѳ ассьыс нѳм помсѳ. Талун, гашкѳ, аски, но дзык нин таркѳдчѳ морт сьѳлѳмѳ.

Сидѳр Паш чукѳстіс понсѳ и муніс. И дивѳ! Пѳшти быд лѳчкын и чѳскын вѳлі сюрѳма пѳтка. Мѳд асывнас пѳттѳдзыс вердіс Та понсѳ, петіс ывлаѳ, чѳвтіс пернапас, мыйлакѳ дыр видзѳдіс сѳзь небесаѳ, а ыв-

лаыс кӧдздӧдӧма, пужъялӧма, войнас, кылӧ, лэбисны да горзисны юсыас.

— Тӧв локтӧ,— жугыля намгыштіс Сидӧр Паш, кывзисис парма чӧв-лӧнӧ. Кӧнкӧ сьыліс кальсы, дзуртыштіс матын сулалысь конда пу. И кажитчис Сидӧр Пашлы, мый тайӧс кыліс и аддзис дзик медвод-дзаысь, а збыль вылассӧ медбӧръяысь.

Кузь лунтыр кыссис Сидӧр Паш Эжва берегӧдз. Мудзис. Кыйдӧс тыра сьӧкыд нопсӧ кӧсийс нин шыбитны. Но лои жаль. Татшӧмторсӧ вӧчны парма вӧрын лыддис зэв ыджыд грекӧн. Бур вылӧ парма козь-налӧ, а тэ шыблалан. Тадзи оз позь! Некумын сьӧлаӧс перйис лэчсыыс да пунктис мыр вылӧ вӧрса зверьяслы. Мынтысьӧм пыдди.

Сидӧр Паш зэв нин унаысь пуксылыіс шойччыны, арся луныд дженъыд, заводитіс пемдыны, а пыж дорӧдз локны ылын кодь на вӧлі. Медбӧрын пуяс пыр аддзис ылі гӧра вылысь би чутъяс. Вӧлі ӧна кодь нин пемыд. Та котӧртис водзын да сувтышталіс, никсіс, быттӧ корис тэрмасыны.

Со и веткиыс. Но мый тайӧ? Ю вывті кывтісны йи палакъяс. Кыліс сәні йинас шаракылӧм шы.

«Дженъыд арпом войтыртӧ таляліс»,— мӧвпыштіс Сидӧр Паш да путкыльтіс веткисӧ лэдзны ваӧ. Та никӧстис да друг заводитіс нюжӧда-на омлявны.

— Ланьт! Он лысьт!— чирыштіс понсӧ Сидӧр Паш, пунктис нопсӧ веткиӧ. Та велалӧма чеччыштіс, пуксис пыжподлӧс нырас аслас местаӧ. Йи палак костъясті Сидӧр Паш заводитіс пискӧдчыны ас береглань. Пелыснас тойлаліс посни йи пластъяс, сьӧлӧмнас кыліс неминуча. Тӧ-рыт на ю вылын сӧнік кывтіс, войнас камӧбтіс кӧдзыд, и со, йизыны, сувтны кӧсийӧ. Қолӧма тӧрыт лэччыны. Друг Таыс кутіс зэв ӧна никсыны. Но мый тайӧ? Веткиыс заводитӧма тырны ваӧн. Кызди? Вӧлі жӧ дзонь, капля ва эз пыр. Сидӧр Паш эз тӧд — неважӧн Гришӧ Ардӧ гусьӧн воліс татчӧ, арталіс, медым веткиыс воис сӧмын ва шӧрӧдзыс, керыштіс пыдӧсас розь да бӧр вуджис ас берегӧ.

Сидӧр Паш пелыснас босытчыліс койны, но ваыс вӧлі зэв нин уна.

— Та! Айда гортӧ!— горӧдіс Сидӧр Паш, понйылыс вомас сетіс шапкасӧ, и сійӧ жӧ здукӧ веткиыс доровтчис, тыри ваӧн. Та чеччыштіс йи палак вылӧ, вуджис мӧдӧ, но йиыс поті и веськаліс ваӧ. Та уйис берегӧдз, пыркнитчис, заводитіс ӧна да омлялӧмӧн увтны. Но берегыс вӧлі тыртӧм. Сидӧр Паш кутчысис путкыльтчӧм веткиас да дыр на зіліс шыавны: «Спаситӧй!»— сяма кывйӧн корны отсӧг. Но берегын сӧмын пон увтіс, а веткиыс сӧнік пиас кылӧдіс и кылӧдіс вӧйысь мортӧс. Ӧтнас Та аддзис кӧзяиныслысь песьсьӧмсӧ, увтышталӧмӧн вӧччис берег пӧлӧн, кытчӧдз юсянь дугдіс кывны морт гӧлӧса шыалӧмъяс...

А тайӧ кадӧ бужӧд вылын пукаліс да кывзисис мортлысь вӧйӧмӧ Гришӧ Ардӧ. Сійӧ шешъяліс да пиньяснас герчкис: «Сідз тәныд и колӧ, проклятӧй «единоличник».

...Та понйис бӧрсӧ гортас эз лок. Лымъя берегті вӧчис трӧпа кодь, котраліс, пыр на виччысис кӧзяиныслысь воӧмсӧ. Некод эз тӧд, кызди сійӧ оліс, мый сӧйис. Некодлы эз шыӧдчыв, а шыбитӧм няньсыыд некор эз ӧтдортчыв. Корсюрӧ аддзывлісны сійӧс сиктысь. Весиг тулыснас на, ытва дырйи, кодкӧ аддзылӧма бужӧд бокысь зэв нин омӧльӧн. Қоркӧ гожӧмнас нин кодкӧ бара аддзылӧма Ӧсьник яг выв пу бокысь сісьмӧм нин пон сяма зверӧс, а юр. улас Сидӧр Пашлӧн тӧвся няйт шапкаыс...



Тавося апрель 21-öд лунö тырö 75 арöс Степан Семенович Раевскийлы. Ыджыд пайыс коми культура сөвмөдөмын тайö бур сьөлөма мортыслөн. Қымын учебник лөсьөдiс школаялы, кымын гижөд йөзөдiс коми литература йылысь, торъя гижысьяс йылысь. Да и ачыс

Степан Семенович, вөвлөм фронтовик, тэчö висьтъяс миян войвыв вөр-ва йылысь, кужö тöдчöдны сылысь мичлунсö да аслысплөслунсö. Висьтъясыс петавлісны и журналын, и торъя книгаясөн.

Сійö — Россияса гижысьяс союзысь член, Российской Федерацияса культураын заслуженной работник, Коми Республикаса Государственной премии лауреат. Дыр кад чөж Степан Семенович уджаліс Коми книжной издательствовын директорөн.

Дона Степан Семенович!

Коми Республикаса гижысьяслөн союз, «Войвыв кодзув» журналлөн редакция сьөлөмсянь чолөмалöны Тэнö чужан лунөн да сиöны бур дзоньвидзалун, виль вермөмъяс творчествовын!

Степан РАЕВСКИЙ

Танкистъяс

ВИСЬТ

Сиа Алексей Михайлович Раевскийлы, вөвлөм танкистлы.

ТОРЪЯ ГВАРДЕЙСКОЙ истребительской противотанковой артиллерийской дивизион пырö вöлі гвардейской танковой армияö. Тайö армияыслөн öти корпус, сы лыдын и миян дивизион, отсаліс пехоталы орöдны противниклысь чорыда крепитөм дорйысян рубеж да вуджны сэтi наступлениеö. Медводдза жö косяс дивизионса командирöс ранитіс, и дивизионөн командуйтны ковмис босьтчыны меным — штабса начальниклы, кытчöдз оз сетны виль командирöс. Дивизион наступайтiс танкъяс бөрся пехотакөд öтлаын, и ёнджыкасö орудиаяссö ковмис расчөтъяслы йөткыны-нуны киясөн. А ЗИС-3 — абу кокни орудие, сійöс он öткодяв «сорокапяткакөд», кодöс артиллеристъяс шуисны ас костаныс «Прöщай, Рöдина». Машинаяс волісны миян дорö сöмын сигнал серти.

Наступайтiм сьöкыда, лоисны гырысь воштöмъяс и пехоталөн, и танкистъяслөн, и фашистъяслөн. Мөд луннас миян наступайтан öдыс ёна чиніс, а прöтивник водзсасис пыр чорыдджыка: тыдалö, отсöг вилö воисны виль вынъяс. Наступайтысьяс зурасисны враглөн виль крепыд рубежö. Пехоталы быть лои сувтны. Сійö кутіс окопайтчыны. Команда серти сувтiсны да саймовтчисны дзедасьясö танкъяс, но öти танк вöлі нин противниклөн окопъяс дорас. Регыд пемдiс...

Фашистъяс кутісны оборонасö ыджыд сикт таладорын. Сикт гөгöрыс сулалісны артиллерийской да миномётной батарееяс, пулемётной ячейкаяс.

Кыдзи мездыны пикö воом танкистъясöс? Та йылысь думайтисны эз сöмын командиръяс, но и став боецяс — танкистъяс да артиллеристъяс.

Танкөвöй ротаса командир капитан Серов йитчылис рация пыр бригадаса командир полковник Тарасовкөд да корис сийöс лэдзны ветлыны аслас ротаса торъялөм танклөн экипаж дорö, но полковник эз лэдз: воштан пö танкъяссö...

...Т-34 танк биа кытшын вöли нин мөд лун. Сэтысянь эз лыйсыны ни пушкакысь, ни пулемётысь. Сидзкө, налөн быри боеприпасысь... Мый вöчны?

Капитан Серов думыштис ыстыны войнас автоматчикъясöс. Сийö котыртис танктöг нин кольöм танкистъясысь да пехотаысь взвод. Автоматчикъяс водз асывнас петисны бруствер сайö да мөдöдчисны танклань, но буретш сэки разведчикъяслөн окопö уси сержант Есев. Кор сийö воис ас садяс да сылы висьталисны, мый найöс мездыны ыстисны автоматчикъясöс, сийö чирöм гөлөсөн шöпкөдис:

— Сёр нин... Мед оз мунны...

Автоматчикъясöс бергөдисны бөр. Коді вöли КП-ын, ставөн сувтисны, ланьтисны, коді куритчис — шыбитис чигаркасö. Есев корис ва, юис. Юис уна, а сэсся корис ас дорас Серовöс да кутис висьтавыны, мый лонс сыкөд да сылөн ёртъяскөд.

...Экипажас вöлины нельöн: танкса командир лейтенант Сомов, роч; механик-водитель старшина Валитов, татарин; стрелок-радист сержант Есев, коми; заряжающöй Кисин, чуваш. Кыдз шуласны — интернациональнöй экипаж...

Наступайтны петисны пехоталөн сигнал серти, ставөн öтпырйö. Немецъяс пöшти öтпырйö жö стройысь петкөдисны кык танк: Валитов муртса бергөдис танкө места вылас, кежис бокö да танкыс колис жугөдтöм...

Кор прöйдитны позьтöм би улын, пехота водис да кутис кодйысыны муö, полковник Шаров сетис танкистъяслы сигнал: бöрынтычыны водзса позицияс вылö да сайöдчыны. А лейтенант Сомов, буракö, эз аддзав сигналсö да орудиеясысь школөдигтыр төвзис водзö. Со сийö локтис нин прöтивниклөн траншея дорөдз. Немецъяс кутисны котравны окопъясöдыс. Сомов зилис горөдны Валитовлы, медым сийö нуөдис танкө окопъяс пөлöныс, но шумысла Валитов нинöм эз кыв: шлемофонса телефонс кыкнанныслөн вöли торксьöма. Сэки и механик-водитель ачыс нин гөгөрвоис, мый колö вöчны.

Танк заводитис уютжитны окопъяссö. Немецъяс лёк ногөн горзигтыр зилисны петны окопъясысь, но Есевлөн пулемётысь пулясыс быдлаысь суөдисны найöс. А вылас, башняын, лейтенант Сомов гыпөдис пушкасысь, пазöдалис паныдасысь пулемёт ячейкаяс, дзотъяс. Кисин муртса удиталис зарадитавны пушкасö.

Танк вель дыр нин гөрис-тырталис көлесаяснас окопъяс, но öти дзот некыдзи эз ланьт, дугдывтöг сярчис пулемётысь. Валитов скöрысь содтис газсö, веськөдис танкө сылань, петис нин траншеяысь да ыджыд öдөн кавшасис дзот вылö. Танк улын мыйкө кажакылис; Валитов көсйис бергөдны танкө, но сийö эз кывзысь...

Пемдыны нин кутис. Сомов думыштис бөр бергөдчыны асланыс позициялань, но танк улын друг гымöбтис: ыджыд противотанкөвöй мина вылö веськалис либö снаряд кучкис? Танк дзöбрнитчылөмөн сувтис. Войыс переднöй край весьтын вöли югыд: прöтивник öшлис-луйлис югыд ракетаяс. Прожекторъяс кырлөдлисны сынөдсö, öрудие ствольясысь петавлисны кузь гөрд би кывъяс.

Прöтивниклөн да мян артиллерия и войнас косясисны. А Сомовлөн танк сулалис, сöмын ичөтик газ вылын ньöжйөнник пургис моторыс. Валитов чужöм вывесьис шлёмнас чышкис пöсьсö, сэсся негораа, быттьö аслыс, шуис:

— Но вот, другъяс, и воим...

Сылысь кывъяссö кывзисны, дерт, и ёртъясыс, но некод нинöм эз шу. Танкын вöлі чöv-лөнъ.

Вочавидзис Сомов, командир. Сійö гажаа эскöдис:

— Энö на юрнытö öшöдöй... Мыйкö думыштам...— сэсся лэптыштис люк вевтсö, кöсйис петавны да видзöдлыны, мый лоис танкыскöд, но люк вевтас да башняас сэк жö кутисны тотшöдчыны пуляяс: «туп-туп-туп». Сидзкö, сэтi петöм йылысь думайтны вöлі нинöм: танкöс немецъяс пöшти босътöмаöсь нин кытшö...

Кор передöвöйын лөнъыштис, (тыдалö, немецъяс водисны шойччыны) Сомов петалис улыс (аварийнöй) люкöдыс видзöдлыны, кытi жугалис танкыс. Лейтенант, дерт, пыр жö аддзис: орöма шуйга гусеницаыс. Танi, фашистъяс кытшын, танксö дзоньталöм йылысь и сёрниыс эз вермы лоны. Ковмас виччысьны отсöг. Но кор на сійö локтас? Да и локтас-ö? Лейтенант бөр пырис танк пытшкас, öзтис ичöтик лампочка, пуксис аслас местаö, пöрччис шлёмсö да шыасис ёртъясыс дорö:

— Миян батюшкойм (тадзи сійö шуис танксö) эз öтчыдысь миянöс мездыв ён моторнас... Öнi сійö ачыс шедис лэчкö... Орöма шуйга гусеницаыс. А кабинаын абу весиг гоз-мöд трак... Асьныд тöдан-ныд, фашистъяс кытшалисны миянöс, кутöны би улын. Чайта, гөгөрвоан-ныд, мый танi ми нинöм огö вермöй вöчны... Но ме, тi моз жö, надейтча: миянöс оз энöвтны. Мездасны! Гвардеецъяс, тöдöмысь, аддзöны, видзöдöны ми бöрся. А миян танк кö мыйкö дыра кежлö петис стройысь да оз на кö лок отсöг, мед öнiсянь сійö лоö босътны пöзтöм крепостьöн. Кутам водзö косясьны, бырöдавны фашистскöй гадъясöс... Ме думысь, гөгөрвоана ставыс?

Сомов неуна чöv олыштис, тыдалö, мыйкö думайтис, сэсся шмони-тöмön горöдис:

— Казакъяс, талун старшина миянлы öбöдтö, буракö, оз вай... Сидзкö, миян неуна эм прöст кад, вай босъталöй, перйöй «НЗ»-ястö, нуръясьыштамöй.

Ставөн перйисны сукар, тушёнка банкаяс. Сомовлөн аслас «НЗ»-ыс эз вöv и нюжöдлис паньсö то öти дорö, то мöд дорö. Сёйны сёйисны, но колö öд и юны, а ваыс кольöма этша, сбмын öти фляга. Сбмын и пожъалисны вомнысö... Танк вывсьыс ва баксö немецкöй бронейнöй снаряд улысöдыс сквöзь розьöдöма, и ваыс сэтысь кушöдз петöма.

Сёйигмозыс Сомов кöсйис мыйöнкö кыпöдны ловсö аслас ёртъясыслысь.

— Интереснö эськö тöдны, кутшöм талун Совинформбюролөн сводкаыс? Рация миян оз уджав, газетъяс оз вайны, сидзкö, ми сійöс ог и тöдöй... А мый вöчим танi ми? Вай видзöдлам... Колö шуны, мый талун эг лёка уджалöй... Валитов, кылан, тэ — водитель... А Есев, тэ — пушкарь? Öд ми öзтим танк, пазöдiм нель дзот да блиндаж, лямöдiм кык противотанкöвöй öрудие да некумын пулемёт... Сидз, ёртъяс?! Энö вунöдöй, гашкö, коркö ковмас доложитны начальстволы... А öнi, другъяс, со мый ме шуа тiянлы: танк миян öти кокнас кöмтöм, мунны оз вермы. Но ми ог энöвтöй сійöс: кодъям сы улö окоп-гу да сэтысянь кутам водзсасьны...

Аварийнöй люк пыр танкистъяс лэччисны танк улас да заводитисны кодйысьны. Уджалисны водсөн, танк улын öд сувтсөннад он тöр. Кодйисны сапёрнöй зыръясөн, пуртъясөн, черөн, мусö гусыс коялисны киясөн ортсö да тшöтш и танк пытшкас.

Кунмөн уджалисны улиас, öти дежуритис танк пытшкас. Кор фашистъяс казялисны, мый роч танкистъяс мыйкö вöчöны танк улас, найö ещö на ёнджыка заводитисны лыйсьыны да шыблавны минаяс. Но танк сулалис: сылысь бронясö пуляөн ни осколокөн он босёт.

Пушка дорын, кöнi кымынкö снаряд вöли на, орччөн — пулемёт, дежуритис командир Сомов. Сійö синсö эз вештыв окуляр дорысь. Кор казялас немецъяслысь ноксöм, сэтчö и веськöдас снаряд либö пулемётнöй öчередь. А лыйсис сійö бура.

Лейтенантöс вежис Кисин. Экипажын быдөн вермисны вежны öта-мöднысö...

Нем виччысьтөг танк пытшкын друг грымобтис, кыліс Кисинлөн гордём...

«Мый лои?»— чуймисны ставён.

Медводз уськөдчис танк пытшкө сержант Есев. Сійё эз на тёд, мый лоис тані, но пыр жё гөгөрвоис: неминуचाыс локтёма ортсысянь. Есев выныштчыліс да лэптыштис, ичотика восьтыштис люк вевтсё. Танк дорсянь котөртё вөлі ляпкыдик тушаа кызкодъ фашист. Есев сетіс автоматысь өчередь. Котөртысь быттё джөмдіс, суніс муас, эз кут вөрны. Медым прөверитны, оз-ө врагыс сюсяв, сетіс мөд, дженьыдик өчередь.

— Виин гадөс?— юалис Кисин.

— Вии, вии!— вочавидзис Есев.— Мед сэсяя өні номыръясөс вердө, завоеватель...

— Но и бур, но и бур,— ошкыштіс ёртсё Кисин.

Есев бөр лючки тупкис люксё да копыртчис Кисин дорё.

— А кызди татшөм неминуचाыс лоис, Федя?— юалис Есев.

— Казялі ме сійөс сёрөн. Гадыд бокысянь матыстчөма, гусьөн... Танк вылө кавшасьөма, көсйөма, буракө, люк вевтсё восьтны да граната шыбитны... Но люктө өд он на восьты... Ме буретш сэки перископөс лэдзи, а сійё, гадыд, перископ розьөдыс лэдзөма граната... И со мый лои... Ме ачым мыжа, муртса тиянөс эг подведит...— мык-талгыыр висьтасис Кисин.— Витя, друг, ме нинөм ог аддзы... Зэв нин чорыда резьөбтис... Көртав... Кыла, вирус тюрөбөн морөсөд визувтө...

Есев муртса и видзөдліс Кисинлөн чужөм вылас: ёртыслөн синъяс местаас тыдалісны гыр д гөпторъяс. Шуйга кыис өшаліс плеть моз.

— Кутчысь, Федя,— сьбөлөм сетіс Есев.— Ставным на ми ловья-ось... Регыд отсөг воас...

Есев улысь чукөстис Сомовөс, корис пыравны командирсё танк пытшкас. Найё, кыкөн, кольөм ванас мыськисны Кисинлысь чужөм вывсьеи вирсө, топыда бинтуйтисны синъяссө, лэччөдісны окоп-гуө да пузьбөдісны сэтчө.

— Ми тэнсьыд синъястө, Федя, топыда көрталім,— такөдіс Сомов.— Эн повзьи, мый он аддзы. Госпитальын бурдөдасны...

Кисин чөв оліс, буракө, воштіс садьсө. Дыр-ө ловья вөлі сійё, экипаж пивысь некод оз төд: куйманнныс сюся видзөдісны прөтивник бөрся. Кор час-мөд мысти Валитов видліс килутшөдыс ёртсө, Кисин вөлі нин кын.

Танкистъяс перйисны окоп-гу помас көдж сяма гу, гаровтісны кувсьөм танкистөс плащ-палаткаө да сэтчө сійөс и тыртисны-гуалисны. Пас вөлі пуктыны нинөмысь, но Валитов вайис кытыськө тыртөм ведра. Сэтчө Сомов пуртөн парсаліс «Кисин Федор, герой-танкист. Ми огө вунөдөй...» Сэсяя салют пыдди автоматсьыс мөдөдіс немецьяслань дженьыдик өчередь.

Луннас немецьяс дзикөдз вельмисны, тыдалө, юөмаөсь. Найё дугдывтөг клёнөдісны танк кузя да горзисны: «Рус Иван, сдавайсь!»

Но роч Иванъяс эз сетчыны...

Сомовөс тшөкыда вежлисны, но сылы окопын эз пукавсьы. Бара кайис өрудие дорё, а Валитовөс ыстіс уліө. Валитов лэччис окоп-гуө, пуксис муас, тэрмасьтөг гаровтіс чигарка, өзтіс да азыма кыскыштіс сідз, мый тшөкмунис, а сэсяя друг юалис:

— Кызьи, Витя... Ме важөн нин көсья төдмавны тэнсьыд да пыр некор... Тиян сәні, комаиад, ёна көдзыд?

— Кодлы өд кызди... Корсюрө овльвлө нелямын саяс градус,— вочавидзис Есев.— Но мян өд йөзыс винелөсь, көдзыдсьыс оз повны... Олөны... Вот войнаыс помасяс — көть куйманным мунам Коми муө. Ме тиянлы аддза мича-мича нывьясөс... Миян нывьясыд өд ок мича-өсь — еджыд кудель юрсиаөсь, кельыдлөз синьяса рочаканьяс... А мыйла тайөс юалин?

— Да сідз, прөста... Отитор дум вылө уси да... Менсьым дябөс коркө кулакавлісны да ссылкаө ыстісны семьянас тиянө, Комиад кыт-чөкө... Энлы, кыз нин шусьө районыс? Сольскөй район эм?

— Эм... Сöмын абу Сольскöй, а Сысольскöй... Ме кывлі жö, кöнкö пö, Сыктыв вожын эмöсь переселенецъяслөн посёлокъяс... Но сэні ме эг вöвлы.

— Да-да... Асьныс пö стрöйтöмаöсь кутшöмкö посёлок ли, деревня ли... Öнi на сэні олоны... Асланыс колхоз пö... Сöмын вот посёлок нимсö вунöдi... А воча чойясöй, пöди, гырысьöсь нин, невестаясöн лоисны... Пöди, комиöн сёрнитöны, а гашкö, коми сайö верöс сайö петисны нин...

— Гашкö и... Миян сиктын öти семья оло жö... Но найö абу татаринъяс, а кутшöмкö мöд нация... Ме ог тöд кутшöм... Ставныс чиганьяс кодъ сьöдöсь, челядьыс и... А менсьым дядьöс кытчöкö нуисны жö, семьяныс öнöдз на весиг оз тöд кöнi? Сиктын тай некутшöм суд ни нинöм эз вöв-а... Войнас пö локтисны шынеля кык морт — и ставыс. Весиг семьяыскöд прöщайтчыны абу лэдзöмаöсь...

— Мый нö вöчöма?

— Да нинöм!.. Народлөн враг пö, шуöмны... Колхозын бригадиралiс... Меным сэки дас вит на вöлi... Велöдчи школаын... Сы ради менö и комсомолö эз босьтны... Ён мужик вöлi. Тулыснас, муртса на сылыштас, а сiйö кöмтöгыс нин ветлöдлö...

— Сидз öд прöстö, буракö, эз жö нуны, мыйкö сидзкö вöчис нин?

— Да нинöм, мися. Мам висьтавлiс, мый вöлöма колхознöй собрание... Миян грездысь öти том нылöс Комиö, Верховнöй Сöветö кандидатöн индöмаöсь... Уджалö пö бура... Сiйö кыскасьöма вöрын... Плансö век вевтыртлöма... Нывкаыс кыскасьöма Чалкоён, колхозын медбур, медьён вöвнас... Тяжеловоз пöрöда... Да вот... А миян дядьыс и шуас: «Чалконад и кын мыр вермас кыскасьны да плантö вевтыртны...» Сысь и пуксьöдöмаöсь...

— Да-а! Быдторйыс овлö...— ышловзис Валитов да кутiс зарадитны автомат дискö.

Рыт кежлас экипажлөн боевöй счётыс ещö на содiс. Сомов пасьвартiс кык пулемётнöй да öти миномёт позьяс — расчётыскöд, Есев — противотанкöвöй öрудие, Валитов — прожекторнöй установка. Танкистьяс кутчысисны, водзсасисны немецьяслы, но майшасисны жö ёна: пуля-снаряд лыда нин, а отсöг абу.

Рытнас кутшöмкö ыджыд пушкаысь ли, танкысь ли бронебойнöй снаряд веськалiс танк башняяс. Башняыс потi, сибдiс, эз кут бергавны. Стройысь петiс и пушкаыс.

— Кытчöдз патронъяс оз бырны, кутам водзсасьны татысянь, окопсянь, — шуис Сомов. — Чайта, талун войнас локтасны миян, мездасны миянöс, а оз кö — асьным сэтчань писькöдчам пемыднас...

Эз артмы. Войыс коли, а мездысьяс бара на эз локны. Немецьяс век на виччысисны, мый роч танкистьяс петасны танк увсьыс да лэптасны киньсö. Кытшалiсны нин пöшти миянöс. Но танкö мыйлакö эз штурмуйтны? Мыйла? Код тöдас... Гашкö, полiсны, гашкö, кöсйисны экипажсö ловйөн босьтны...

Луныс бара коли, но ок, кутшöм нöжйö! Кутшöм сiйö вöлöм кузь! Танкистьяс сюся видзöдiсны гөгөр, мед неминуचाыс виччысьтöг эз вермы локны на дiнö. Но öтитор вöлi лёк: ва быри, весиг вомнысö кötöдны нинöмөн. И сэки, налы ки выв, рытъявылыс ызöбтiс зэр — кисьтiс ведраысь моз. Окоп-гуас ваыс визувтiс няйт, маслöбсь, бензин дука, но юисны и сiйöс, мыськисны кияенысö, чужöмнысö, чукöртiсны дозьясö... Муыс танк улас сёйöд, и ваыс чукöрмис окоп-гуас кок шегйöдзыс нин. Сомов пöрчис гимнастёркасö, улыс дөрöмсö да мыссис коскöдзыс зэр ванас.

— Но вот, другьяс, со ме и пывеи, — шмонитiс Сомов. — Ок эськö вöлi кö öнi наркомовскöй сё грамм? — сёся сiйö кутiс артавны, уна-ö коли налөн боеприпасыс, но артавнысö вöлi нинöм нин. Запасыс эз вöв. Мый магазинын-стволын — сiйö и ставыс... — Со мый, ёртьяс! Патронъяс миян эз кольны. Мый эм, сiйöс зарадитöма... Сидзкö, сiйöс колö видзны... Весьшöрö эн лэдзöй ни öти пуля. Врагöс колö сибöдны

матоджык, лыйны сточа, вины коть нощта некымын гадос. А войнас, кор немецяс лоньыштасны, видлам мунны татысь. Ми ассыным удж вочним, мый верним... Ми абу дезертиръяс, абу предателяс. Отсөг ко эз во, миянос виччысьоны. Асыным петам.

Фашистъяс асланыс думъясысь эз лэдзчысьны. Пемдигас нин Есев казяліс: немецкой салдат танк доро кыско канистра. «Со мый пеж ловъясыд думыштомабсь!» — мовпыштіс сержант да первой шлётитіс салдатё, а мод пулянас розьодіс-өзтіс канистрасо.

Танкистъяс косьяс чо́жыс пыр видзодлывлісны асланыс позиция-лань. Но сэні вөлі лонь. Гашко, дугдісны наступайтны? Али дасьтоны выль ыджыд наступление? Танклон экипажыс та йылысь нинөм эз тод. Но налысь сьолөмсө личкис кутшөмкө тодтөм дой... Ставон зумышось... Мый лоас?

— Эй, казакъяс! Мый юрнытө ошөдінныд? — друг горөдіс Сомов да заводитіс сывны:

**На позицию девушка
Провожала бойца...**

Валитов да Есев отсалісны сылы. Ссылөмыс вочасон пыр горамис. Помалісны өтиос, заводитісны модос. Сэсся Сомов аслас рөднөй кыв вылын сыліс радейтана сыланкывсө: «Ой, мороз, мороз...» Гөлөсыс сылон вөлі мича, сөстөм, гора. Валитов да Есев кывзісны, синсө эз вештывны командир вылысь. Сы бөрын сыліс Есев коми сыланкыв — «Югыд кодзув». Сомовлы кажитчис, коть кывъяссө эз гөгөрво, а мелодияыс сьолөмөдз йиджана. Валитов эз көйы сывны, но Сомов да Есев корисны, мед сійө тшөтш сыліс татарскойсьыс коть нин куплет...

Враг дугдісны лыйсьыны, найө эз лэдзавны и ракетаяс.

«Немецъяс мыйкө лектор думыштомабсь!» — воис юрас Сомовлы, но ассыс мөвпсө некодлы висьтавны эз удит...

Сынөдө жвучкисны-кыптисны еджыд ракетаяс, и бара лоис лунын кодь югыд.

Танкистъяс югыдас аддзисны пөшти дінас сулалысь «Тигрөс», но вөлі сёр нин да вөчны нинөм эз вермыны: автомат пуляон сійөс он пискөд. «Тигр» лэдзис танк кузя кык бронебойной снаряд, да пыр жө вешійс. Миян артиллеристъяс, кутісны гындыны сійө местасө, көні вөлі «Тигр», но сёр нин, сійө удитіс мунны. Сомовлөн танк өзійс, снаряд пискөдіс сійөс. Танк пытшкын мыйкө потласис. «Ок, өбиднө, кутшөм өбиднө, мый оз вермыны танкистъяс водзасьны!.. А өд кымын «Тигрөс» найө сотісны, петкөдісны стройсьыс. Сомовлөн өбидаысла синваыс, но эз петкөдлы ёртъясыслы, бергөдчис бокө да гусьонмоз чышкаліс синвасө...

Бисө кусөдісны муөн, кодөс окоп кодйгөн шыблавлісны танк пытшкас, но өні танк пытшкын вөчны вөлі нин нинөм. Лэччисны окопаныс. Сёрнитісны ас костаныс ичөт гөлөсөн, быттьө полісны, мый враг вермас кывны найөс. Но войыс коліс вель лөня, коть узьны некод эз узь, синъяссө войбыд эз куньлыны. Кутшөм нин узьом, сэтчөдзө тайө адас. «А фашистъяс кө өзтасны танксо». Сэки ми ставным тані сотчам», — ас кежас думайтіс быдөн.

Асывнас «Тигр» матігөгөрын эз тыдав, буракө, войнас бөр мунөма аслас позиция вылө либө дзебсис керкаяс сайө. Немецъяс сы местаө бара кыскөмабсь противотанкөвой пушка, но лыйнысө сійө сідзи эз и удит: танк увсянь автоматной очередь бырөдіс расчөтсө. Таысь танкистъяслөн бара кыптис настроениеыс...

...Есевлы мыйөнкө швачөбтіс юрас лун шөрнас. Ун йывсьыс моз нин кыліс, кызди танк дорын грымөдісны минаяс, трачкөдчисны автомат пуляяс. Регыд мысти ставыс лөнис: воштіс садьсө.

Кор Есев воис ас садыс, вөлі лонь, сөмын танк пытшкын мыйкө трачкөдчис-сотчис. Пытшяныыс кыліс чад дук. Мыйөн сійө восьтіс синсө, пыр жө аддзис Сомовөс да Валитовөс. Найө куйлісны окопын,

Валитов усьома Есевлөн кокъяс вылө, а Сомов куйліс сы бокрын орччөн, быттьо сывйыштөма сійөс.

Есев ружтігтыр перйис кокъяссө, бергөдчис бок вылас да мездысис Сомов киясысь. Сэсся нбжйөнник и чеччис. Дойысла вом дорсө йиригтыр, сійө видлаліс найөс: кыкнанныс вөлісны кодзалөмаөсь нин. Колө вөлі найөс водтөдны орччөн, гуавны. Но кызди? Валитов, покойник, вөлі кызінник морт, сьөкыд. Пессис-пессис Есев да коркө век жө кыскис сійөс гуө, а бөрас и командирсө. Сэсся гимнастөрка зепъяссыс босьтіс налысь документъяссө, кодлөн мый вөлі, асьнысө тупкис плащ-палаткаөн да лэдзис на вылө кыкнан боксыс мусө...

Есев кызмырдөн кавшасис му веркөс вылө. Сэні вөлі пемыд, лөнь. Немецъяс, буракө, матігөгөрын эз вөвны. Первойсө чуймис: мыйла? Сэсся ачыс жө гөгөрвоис: найө өні, колө лоны, вөліны дөвөленсь, мый бырөдісны роч танк да сылысь экипажсө, коді сы мында лөктор вөчис.

Дыр-ө кыссис Есев, сійө, дерт, оз төд, но кор воис асланым позицияөдз, заводитө нин вөлі югдыны. Разведчикъяс вайисны сійөс дивизионса КП-ө.

Кор локтіс танкөвөй ротаса командир капитан Серов, Есев вөлі ас садяс нин, сөмын шөпнитіс: «Капитан ёрт!..»

Серов копыртчис сы весьтө, кыпөдыштіс юрсө да оқыштіс сійөс, а кор неуна такалыштіс, кутіс юасьны экипаж йывсыс. Есевлөн вежөрыс вөлі ясыд, но сійө поліс, мый бөр воштас садьсө, вермас и кувсыны да оз вермы висьтаваны, мый накод лои наступайтан мөд луннас да мый найө вөчисны прөтивниклөн окопъяс дорын.

Ми ставным, кодъяс вөліны сэтөн, сьөлөмын ыджыд дойөн да сэк жө гордитчөмөн кывзім сылысь жугыль висьтсө.

Помас Есев корис капитанөс:

— Капитан ёрт! Висьталөй начальстволы Сомов йылысь да и мукөд йылысь... Найө — геройяс...

— Гижам и висьталам ставсө, кытчө колө и кодлы колө,— эскөдіс Серов.

Есевөс нунсны медсанбатө.

* * *

...Ассыс гвардейскөй танкөвөй армиясө Есев суөдіс төлысь мысти Польшаын нин. Армия писькөдіс туй Берлинө.

Висьтсө сетөма дженьдөдыштөмөн.

□ □ □

Кык сьӧкыд во

Миян республикаса безопасность министерствоын со некымын дас во нин куйлӧ коми поэт Иван Николаевич Симаковлӧн делӧ. Ме лыдди сылысь делӧсӧ да окота лои бурджыка тӧдмасьны гижысьлӧн олӧм-вылӧмӧн.

«Коми АССР-са писательяс» книгаын дженьыдика юӧртсӧ Иван Николаевич Симаков йылысь, кырымасьлӧма Сим Ваньӧн. Чужлӧма сійӧ Сыктывкарсянь неылын, ӧнія Сыктывдін районса Лӧзымын 1906 воын. Мам-батьыс овлӧмаӧсь гӧля. Сиктса начальнӧй школа помалӧм бӧрын кутшӧмкӧ кад отсасьӧма ас овмӧсас. Вӧлӧма писыкӧс да вежӧра зонмӧн. Та вӧсна и 1926 воын Лӧзым сиктса комсомольскӧй организация мӧдӧдас Иван Симаковӧс велӧдчыны Коми областьса совпартшколаӧ. Сійӧ жӧ кадас том морт пырӧдчӧ гижан уджӧ, чужӧны медводдза кывбурьяс. Поэтӧс да фельетон тэчысьӧс босытӧны пролетарскӧй писательяслӧн Коми ассоциация радъясӧ.

1929 воын И. Н. Симаков пырӧ коммунистическӧй партияӧ.

Совпартшкола помалӧм бӧрын Иван Николаевичӧс мӧдӧдӧны Ижма районса Сизябск сиктӧ. Уджалӧ сійӧ избачӧн. Тайӧ вӧлі 1929 воын. Сы бӧрын индӧны «Красная Печора» газетӧ ответственной секретарӧн.

1930 во заводитчигӧн Иван Симаковӧс вуджӧдӧны Сыктывкарӧ, «Вӧрлӧдзысь» республиканскӧй газет редакцияӧ.

1932—1935 воясӧ Иван Николаевич велӧдчӧ Москва карса рабфакын. 1934 воын сійӧс примитӧны СССР-ысь писательяслӧн Союзса членӧ кандидатӧн.

Рабфак помалӧм бӧрын Иван Симаков уджалӧ Коми АССР-са писательяслӧн Союзын, уна вын пунктӧ, медым сӧвмис коми литература, веськӧдлӧ литературнӧй кружокьясӧн, отсалӧ том гижысьяслы. Сы киӧн дасытӧм статьяяс тшӧкыда поэыӧ аддзыны республиканскӧй газетьясысь да литературно-художественнӧй журналысь.

1990 вося июльн сӧрнийӧ воим коми гижысь И. В. Изъюровкӧд. «Нӧм джын нин коли сійӧ кадсяныс, кор ме бӧръясысь аддзысьлі Сим Ванькӧд,— висьталіс меным Иван Васильевич.— Война водзас ме ордӧ пыралісны Лӧзымса ӧртыскӧд. Буретш Виль вося рыт вылӧ мӧдӧдчӧмаӧсь. А олӧмас Иван Симаков вӧлі аслыспӧлӧс гижысьӧн. Ачыс серамбана, бур морт, лӧсьӧдаліс кывбурьяс, сыліс куплетьяс, частушкаяс, гажӧдіс йӧзӧс сиктса клубьясын. Но йӧзӧдліс ассыс гижӧдъясӧ гежӧда. Дерт, сямыс Сим Ваньлӧн вӧлі. Сы ки улысь петіс уна сатиричскӧй кывбур, фельетон. Сэсся ӧна отсаліс том авторьяслы. Ме пыр казтыла Сим Ваньӧс бур бокеянь. Ассыс том олӧмсӧ сійӧ сетіс миян чужан му вӧсна, кувсис вӧрӧгкӧд тышын».

Иван Симаков йылысь вель тшӧкыда нин гижлісны. Но тайӧ гижӧдъясас некод эз казтыштлы сылӧн олӧмын кык сьӧкыд во йылысь, кодъяс пыр поэтлы лои мунны. Со и кӧсья тӧдмӧдны лыддысьсысьясӧс, мый жӧ вӧлі Сим Вань олӧмын тайӧ кадас.

...1936 вося август. Иван Николаевичӧс вӧтлӧны партия радъясысь, тшӧтш и удж вывсьыс. Мыйысь? Кыдзи гижӧма панӧм делӧас, быттыӧкӧ Королевлӧн, Завьяловлӧн, Қоданевлӧн да мукӧд йӧзлӧн контрреволюционнӧй троцкистско-зиновьевскӧй котыр дзевӧмысь, коді вӧвлӧма 1926—1928 воясӧ совпартшколаын велӧдчигӧн, партияӧс няйтӧсьтӧмысь-усыкӧдӧмысь. Видлы сійӧ воясӧ пыксыны. Юртӧ пыр и бергӧдасны. Но Сим Вань сьӧлӧмнас дзикӧдз эз усь, кӧть и лои кустпромын сапӧг вур-

ны. Сэсса коми гижысьяс пöвстысь унаöн И. Н. Симаков дор сувтисны. Шуам, И. В. Изъюров да П. А. Шеболкин петкöдлисны ассьыныс веськыдлун, повтöг дорйисны Сим Ваньöс. Чукöртöм делöсьыс тыдалö, мый ВКП(б)-лөн обкомса уджалысьяс тшöктыломäоысь налы гижны газетö И. Н. Симаков йылысь, «нöшавны» асланыс ёртныслысь гижöдъяссö. Но Изъюров да Шеболкин абу мунöмабсь та вылö. Иван Васильевич весиг тöдчöдöма, мый Сим Вань оз вермы лоны «народлөн врагөн». Вöлины и мукöд гижысьяс, кодъяс пыдди пуктисны Иван Николаевичöс.

1937-öд вося август 16 лунö Сим Ваньöс арестуйтисны. НКВД-са уджалысьяс, а недыр мысти шуисны, мый сийö быттьökö пырö Сыктыв-карын лöсьöдöм «контрреволюционнöй троцкистскöй организацияö», вольвлö контрреволюционеръяслөн чукöртчылöмъяс вылö, сэни яра сёрнитö, нуöдö йöз пöвстын троцкистскöй агитация, кодöс веськöдöма партиялы да сöветскöй властылы паныд.

Тайö кадсянныс и заводитчис кык вося тыш. Öтиладорас сулалисны И. Н. Симаков, Автогужтрестса секретарь В. С. Кустышев да Земуправление бердын кадръяс секторса методист П. А. Потапов. Ставнысö найöс мыждисны öти делö кузя. Мöдладорас вöлины НКВД-са органъяс, суд да прокуратура.

Мыжтöм йöзöс сийö воас топöдисны медся нин ёна. Сим Ваньлөн делöлы НКВД сетис ыджыд тöдчанлун. Тайöс пыр казялан допросъяс серти. Медводдза вылас волисны чина йöз — ачыс УНКВД-са начальник Ковалев, отделөн веськöдлысь Выжлецов. Бөръяыс допроситлис тшöтш нималана коми гижысьясöс — Виктор Савинöс, Иван Изъюровöс. Сёрнитлис накöд ярскöба, зилис «пычитны» быд кыв. Сталинлөн йöзöс ныран изкиыс уджалис бура да стöча. НКВД киясö веськалöм мортöс быд ногыс топöдисны, тшöктисны ас вылас босьтны бидсяма мыжсö. Со мый гижлис В. С. Кустышев аслас шыöдчöмын: «Июль 13-öд лунсян август 5-öд лунöд мырдён пукöдисны улöс вылын, суткинас 20—22 час чöж. Медым эг узь, ме бöрся, öта-мöдсö вежалöмөн, сюся видзöдисны НКВД-са уджалысьяс. Весиг кор сьöкыда висьми, найö эз лэччысьны меысь, пыр пукöдисны улöс вылын. Дыр узьтöм вöсна куті вошласьны».

Тадзи жö вöчисны и И. Н. Симаковкöд. Кустышевöс моз жö лун и вой песисны, эз сетны узьны. Сим Ваньлөн бура важөн нин висисны синъясыс, сылөн вöли вуджан син висьöм (трахома). Тюрьмаö пуксьöдтöдз на вöчлисны операция, но сийö ёнасö эз отсав, мöдарö на, синъясыс нöшта кутисны висьны. Сэк жö НКВД-са уджалысьяс ньöти эз тöждысьны гижысьлөн дзоньвидзалун вöсна. Öд кымын сьöкыджык мортыдлы, сымын öдийджык востас вомсö. И пукалысьяслы быть лои ас выланыс висьтавын, босьтны нинöм абусö. Шуам, öти допрос дырйи И. Н. Симаков юöртис: «1927 воын, кор мунис сідз шусяна «выль оппозициякöд» вен, карса партийнöй собрание вылын ме тöдöмөн эг кут сетны ассьым гөлöс ВКП(б) ЦК-өн нуöдан туйвизь вöсна. Вöчи тадзисö сы понда, мый сулалі Зиновьевлөн котыр дор 1929—1934 воясö, вочасөн кежи партиялөн шөр туйвизьысь. Кор уджалі Ижма сиктын «Красная Печора» газетын, аслам фельетонъясын корсюрö петкöдлі троцкистскöй видзöдласъяс. Но троцкистъяслөн туй вылö дзикöдзсö ме сувтисöмын ВКП(б)-ысь вöтлöм бöрын, 1937 вося мартын. Меным сьöлöм вылö воис троцкистъяслөн мөвп, мый партияса веськöдлысьяс вежсисны, этшнысö оз тöдны, тшöтш и Коми областын. Лыдди: некутшöм демократия партияын абу, радöвöй коммунистъясöс кыз вермöны топöдöны, личкöны вылісян, вöтлöны ВКП(б) радъясысь, шуöны найöс, «народлөн врагъясөн». Кутшöмсюрö политическöй вопрос кузя менам видзöдласъясöй лöсялисны троцкистъяслөн видзöдласъяскöд, тайö видзöдласъяссö ме зили паськöдны аслам уджын. Но троцкистъяс пöвстысь ВКП(б)-лы паныд тышö некодкöд эг öтувтчыв».

Мед лыддысьысь ставсö лучки гөгөрвоис, колö тöдчöдны: допросъяс дырйи И. Н. Симаков вомысь некор эз петлы, мый сийö збыль пыралис кутшöмкö контрреволюционнöй организацияö да татшöм организацияыс кöнкö вöли. А 1938 вося январь 21 лунö Сим Вань крута ке-

жис аслас вөддза висьталомъясыс, шуис, мый найос следствие дырйи мырдон пычкисны. Но та выло видзодтог Коми АССР-са Верховной судлон специальной коллегия 1938 вося январь 21 луно лыддис И. Н. Симаковос мыжаон, шуис пуксьодны сийос РСФСР-са УК-лон 58 статья серти дас во кезло.

Недыр мысти, 1938 волон апрель 28 луно, РСФСР-са Верховной судлон специальной коллегия киритис Коми АССР-са Верхсудлысь приговорсо, медясос сы вöсна, мый сени по абу индома миж вöчан местасо да кадсо, абу сточа пасйома быд пуксьодом мортлысь, кутшом миж сийо вöчис, ношта суд «вунодома» видлавны следовательлысь допросьяс дырйи вывтiasьомсо.

И. Н. Симаковлысь да сыкод тшотш мукод пуксьодом йозлысь делосо вöли бор бергодомо судо, медым выльысь да бурджыка сени видлалсны.

Но НКВД-са уджалысыс эз узыны, зилисны дырджык кезло дзумыны коми гижысöс дзескыдино. 1938 вося декабрын нин найо дасьтисны выль мыждана кабала. Сени Сим Ваньлы ковьялисны со кутшом кывьяс: пыр по нуодо контрреволюционной агитация, дорйо «народлысь врагьясöс», кодьяс поздысны литератураын, паськодö серни, мый СССР-ын гижысыяслон абу поэянлун творческоя уджавны, сулалö советской писателясысь котыр лосьодомлы паныд.

Ношта на содтомаос — ком вуран мастерскойын вурсигон по сувтома стахановскоя уджаланноглы паныд, шуасьома, мый Советской Союзын государство нартито уджалысь войтырос. А сиктса йоз повстын быттьо паськодöма серни, мый сельхозпоставкаяс отсöгон государство зильо подтыны-гольмодны видз-му овмос кыпöдысыяс, мырдьö налысь борья нянь торсо. Мисьтома сернитöма и СССР-са правительствоон веськодлысыс йылысь.

И суд бара видлалö-кывзö И. Н. Симаковлысь делосо да шуö пуксьодны сийос куим во кезло (сийо жо статья сертиыс). Сэк жо индо мырддыны Сим Ваньлысь, кызди мортлысь, став правосо кык во кезло. Мыждомаяс, дерт, чов оз овны. Найо шыодчоны РСФСР-са Верховной судо.

1939 вося март 25 луно Россияса Верхсудлон коллегия шуис асыыс кыв: И. Н. Симаковлон да сы ертьяслон делö кузя следствиесо нуодома сидз-тадз, пырмунигмоз, сени уна гогорвотмтор, НКВД-са уджалысыс зильомаос сомн мыждыны тайо йозсо.

И модыс нин Коми АССР-са Верховной судлысь приговорсо дзоньнас киритисны, а делосо бергодисны пыдисьян да гогорбок видлалом могысь. Та борын Сим Вань шыодчö, медым сы делö дорö корсисны содтод документьяс, допроситисны тшотш мукод йозос. Тадзи жо вöчисны и сылон ертьясыс, кодьяс пукалисны И. Н. Симаковкод тшотш.

1939 вося июль 25 луно Коми АССР-са НКВД органьяс коймодыс нин дасьтоны коми гижыс выло мыждана кабалаяс. Но август 2 луно республикаса прокуратура бергодö делосо, тшöктö артыштны РСФСР-са Верховной судлысь коромьясö.

Зев дышпырысь, дзуртомон Коми АССР-са УНКВД вешйö мижтöм йозос топодомысь да август 25 луно тупкö И. Н. Симаковлысь, В. С. Кустышевлысь да П. А. Потаповлысь делоясö. Кызди тыдалö УНКВД-са уджалысыяслон кывкортöдысь, мыждом могысь помкаяс тырмытöм вöсна по. Тайо жо лунас пукалысыясöс лэдзöны дзескыдинысь, вöля выло. Со тадзи, сомн кык во мысти, коми гижысь мездмис Сталинон лосьодом дзугйысь, НКВД-са уджалысыяслон корт гыжъясысь.

Кор ме шыодчи И. Н. Симаков кузя Коми Республикаса прокуратурао, сийос пыр жо реабилитируйтисны. Таын меным ёна отсалисны коми гижысыс В. В. Тимин да И. В. Изъюров. Думаyta да, эг весьшорö дорйой поэтлысь сөстөм нимсö. Од сийо уна вын сетис, медым совмодны коми литература, чужан кыв, юрсö пунктис фашистьяскöд чорыд **КОСЫН.**

Та вылын, гашкё, позис и помавны Сим Вань йылысь менсьым ги-жодёс. Но 1990 вося гожомын, дзик виччысьтөг, архивысь меным ки улё сюри Сидор Иванович Сидоровлөн делё. 1940 воин сійё веськөдліс Коми АССР-са госархивён. Недыр мысти Сидор Ивановичёс мыждісны, поэё шуны, нинём абусьыс да пуксьөдісны дас во кежлө. Делёас гижёма, быттьокё сійё паськөдіс йёз пөвстын «буржуазной националистической мөвпьяс», мисьтөм кывъясөн сёрнитіс советской оласног йылысь, пиняліс правительствон веськөдлысьясёс. Збыль вылө кё, Сидоров, ачыс якут, высшой образованиеа морт, сьёлөмсяныыс төждысис аслас народ вёсна. Допросьяс дырйи сійё висьталіс: «Якутъяслы лөсьөдны асьыныыс торъя государство некыдзи эз поэ. Та йылысь весиг эг мөвпыштлөй. Петан туйыс вөлі кык: либё шедөдны Якутиялы Федеративной республикалысь правояс, либё кольны автономной республикаөн, коді аслас правояс серти этша мыйён торъялө областысь да крайысь. Колө шуны, мый ме сулалі сы вёсна, медым Якутской автономной республика пыдди лөсьөдны Федеративной республика, коді эськө пырис веськыда СССР-ё. Збыль, меным эз воны сьёлөм вылө национальной вопрос кузя партиялөн да миян правительстволөн өткымын воськовьяс. Шуам, песни народьяс пөвстын роч алфавит пыртөм. Тайёс ме лыдди царизмлысь туйвизьсё водзё нуөдөмөн. Төд вылын кути Ленинлысь кывъяссө, мый «латинизация — тайё Асыввылын революция».

С. И. Сидоровлөн делёысь меным сюри тетрадь, кытчө вөлі пасйөма — «Сим Вань». Пыр жө гөгөрвои, коді тайё мортыс. Кыдзи веськалаіс И. Н. Симаковлөн тетрадыс Сидоровлөн делёө, ме ог төд. Вермас лоны, мый Сим Вань да С. И. Сидоров вөліны бур төдсаяс да коми поэт, пуксьөдөмысь виччысиг, сетіс сылы асьыс гижөдьяссө. Мед пө видзас бур йөзлы. Но ставыс мөдарө бергөдчис. Сидоровёс асьсө пуксьөдісны, а шобсигас НКВД-са уджалысьяслы сюрис и Сим Ваньлөн тетрадыс.

«Войвыв кодзув» журналлөн лист бокъясын йөзөдам талун Сим Ваньлөн тетрадысь некымын гижөд.

□

Сим ВАНЬ



«Некультурность»

Январь 13 лунё Хосятыева Анна Ник. (кельчиюрса парторг-избач) кöзяиныс ордын олө да нинём отпор оз сет антисоветской сёрнияслы. Кир Илля луннас гаркйыны кутіс изны ид аслас допотопной изкиён.

15 января асывводз учитель Артеев Федор ордын, кöзяиныс Канев Явель, гөтырыс Ён Анна, квайт часө вошйисны изны да узны оз сетны. Ме чайті трактор муно Галфедь сикт кузяыс, а сыа вөлөма изöны — узны оз лэдзны... Гургöны.

Учитель гөтыр (Терентьев Стефан) — январь 16 лунё пöрччис ко-

кошниксö да юрсö кучис гаркйыны. А юрыс гынмöма... Тойöсь, няйтöсь. Устьеса учитель.

Некөн абу лампа труба. Ставыс либö потöма, либö труба юрыс усöма. Диюрын собраннö дырйи вöли сöмын öти лёкиндзи лампа, да жугалö кö, собраннöбыд орас.

Устье колхоз правленнö. «Красн. косарь». Керкаас няйт, тшын, бус, öшиняс суйöма ветьöк стеклö пыддиыс (гöшкöвик). Керка пемыд, ёгыс аршын судта. Пач вомыс труба пытшкыскöд öткодь. Чернила дозйыс кань сыв кыза сулля. Ручкаыд оз судз да лоö шöрт йылын лэдзлыны чернила пöсудаас. Шапка öшны абу тув. Сэн жö нянь шомöс, шапкаöс кö чöвта сэтчö, и вöйö. Стен пельöсас чунь кызта бусыс, черань везыс.

Кöза

Кöза юас вина. Мунас вөрö. Маткö. Коддзöма — ыджыд мать.

— Лешак, öни... Öни ме... Öни ме нинöмысь ог пов. Кöть кöин, кöть ош. Ставыс чепуха!

Татшсьöдö вөр дорті, тошсö тракйöдö:

— Öни кöть кöин сюрас паныд. Люкала, ог пов!

Кöин, вöлөм, понöль бокин куйлö дай кылас:

— Мый, мый висьталан, мый шуин, кöза тош...

— Ах, тьфу! Код юрнад эськö мый оз висьтавсьы, мый оз сöрсьы да. Вниманнö эн обращайт, пöжалуйста...

„Позвольте вытти“

Учительница сетас задача устнö: $2 \times 2 - 3 + 17 - 8$. Сколько будет?

Некод кисö оз кыпöд...

Степан, медпöследнöй ученик, кисö лэптас.

— Но и ті, ударникъяс, первой ученикъяс, эн вермöй решитны эта-тшöм пусьтяк. То Степан да решитіс... Вай, Стёпа, висьтав, ставнысö ордйöд, ус пöлöныс тшöтшöд...

— На... Надежда Ивановна, поз... позвольте вытти!..

* * *

Максим Васька толькö жвучкö,
Öти духөн сёсыс кучкö.
Телегаяс дорö-ковгö,
Сöмын артмö öднöколка.

Рöдö Кöсьта стружөн шульскö,
Стул да пызан вöчö-зульскö.
Пызан-улöс йöзлы койö,
Ачыс верстак вылын сёйö.

Петрук Гришö сапöг вурö,
Кучикъястö толькö пурö.
Веськыда кö асьсö шуны,
Немсö новлö киссьöм тюни.

Ярко Мирон кучик вуштö,
Дуллыс петтöдз толькö ружтö.
Коран кö тэ сапöг домас,
Аслас абу керка помас.

Öгран Микулка пач тэчö,
Öти вонас сё пач вöчö.
Мый нö керан сэсса ськöд —
Аслас пачын сизим пыкöд.

Жижö Тер пö пожъяс карö,
Ньöбис весиг Платон Парö.
Аслас пожатöм вöсна Жиж Тер
Немыс кыдöн сөйö идсö.

Иинг гöтыр пö вына сьылö,
Картясöн гадайтчылö.
Уджалö тай чöртлөн юрыс,
Тöдас гачад кымын вурьс.

Олö-вылö суддя Трöпим,
Немнас вежис уна гöтыр.
Челядь ветлö сьлөн лыдтöм,
Ачыс йöзлысь писö быдтö.

Евлам миян нужник ректö,
Йöзлысь зöлөгасö лэптö.
Аслас быдмö нужник шöрас
Бытьтö Ерусалим гöра.

Аннуш нывка колхознича,
Абу мöмöt Еремей.
Йöктö, щöгыляйтö — мича,
А вонас öкмыс трудовень.

Красноборса Пань Петруша
Сöвет муын олысь морт.
Господь видзны гректöм душа,
Саботажник первой сорт.

Пань Петруша бöрысь вöтчö
Яран Ортем, Яран Як.
Гашкö, законыс оз мöрччы?
Мöссö петкöдисны, факт.

Пань Вась кузнеч öддьөн дорö,
Öтка олысьяслы рад.
Колхозник кö дорны вöб,
Ныöс йөткыштас назад.

Охотникъяс пö сельполөн
Белько Сергейлөн кык вок.
Öндрейлөн пö да Семенлөн
Сдайтöма нин нель ур кок.

□

Анна МАЛЫХИНА

Куратовъяслөн «рöдвуж пу»

Степан Михайлович Попов
(1873 — 1945)

«Енлөн öбразыс — тайö быд мортлөн лов пытшкөсса сущностьыс, и сийö век морткөд, чужан здуксянь да олөмас медбöрысь лолышттöдзыс торйөдчывлытöмтор. Енлөн öбраз (образ Божий) — абу мортөн вöчөмтор, сьлөн морт лов пытшкө овмөдчöмыс — абу мортлөн тайöс көсийм сайын, и та понда, Енлөн вöлятөг, мортлөн абу право вины ни асьсö, ни мөд мортöс...» Тадзи гижлöма Степан Попов аслас, ученичскöй на, сочинениеын.

Кыз эськö ме көсья сы дорö матыстчыны кыз поэö матөджык,

гөгөрвоны сийёс: кызд сийё оліс-выліс му вылас, мыйён воліс и мыйён эновтіс мянёс! Но талань быд выль воськов вёчигён ме гөгөрвоа, кутшём жё тайё — абу кокни делё.

«...Енлён подобиеыс — морт ловлён сёстём лунын и вежалунын (святосьын), и петкөдлө мортлысь ловсё сэтшёмён, кутшёмён сийё вёлі грекё вёйтөдзыс...»

А вёлі-ё сийё ачыс святёйён олігас, и сяммис-ё видзны ассьыс лов пытшкөссё сёстёмён,— өд сылён вёлі сэтшём сьёкыд олём, өд ков-мис сылы тёдмавын пёрысьё-нэмё и мыжтөг мыжалём, кор сийёс закон торкёмён йөртисны дзескыдинё, и ёна сэні мучитчём?

«...Морт кө быд лун, быд здук зильё видзны ассьыс нравственнөй сёстмлунсё,— таён сийё өткодясьё Енкөд, матыстчё сылань. И, мөдарни, Енлысь заповедьяс торкалёмён, Енкөд өткодьлуныс мортлөн вошө, и мортыс ачыс вошө...»

Сыкөд өттшөтшья священнослужительяс мян странаын унджыкыс пөгибө воисны комынөд воясё. Неунаён колисны ловйён, тшөтш и сийё. Со сылысь олём-вылёмсё ме и көсья восьтыны йёзлы — мый удайтчис меным тёдмавын документьясысь, фотографияяс серти да письмөяс пыр, менам матыссаяслөн казтылёмьяс пыр.

Чужсьыліс менам ыджыд айё — мамлён батыс,— 1873-өд вося март дасөдө Межадорын, Введенскөй вичкоса священник Михаил Поповлён семьян, мөд кагаён. Батыс, аслас корём серти, 1882-өдын вуджөма Кибраё, Спасскөй вичкө. Кибраын и помалас дедөй ЦПШ да 1883-өдын пырас Усть-Сысольскөй Духовнөй училищө, коді вөлөма сэк Троицкөй улича вылын (ёні Ленин нима),— керкаын, кодөс училищөыс арендуйтөма протоиерей Кокшаровлысь. Керкаыс вөлөма пусь вөчөм, кык судтаа; а олөмаөсь велөдчысьяс купеч Фроловлён керкаын. Училищесё пөлбөй помалөма бур отметкаясөн 1887-өд воын, и сэк жё сийё пырө велөдчыны Вологдаса Духовнөй семинарияё да помалө сийёс 1897-өд воын. Локтө гортас, Кибраё. Тайё каднас батыслөн семьяыс нөшта на ыджөма; чужөма дасөд кага.

«...Енмөс радейтөмыс и сетө мортлы сийё вынсө, коді ышөдө сийёс буртор вөчөм вылө. Енмөс радейтөм — му вылас став бурыслөн подув; мортыс, радейтө кө сийё Енмөс, оз нин вермы некор вөчны мөд мортлы лёктор, өд тайёс оз тшөкты вөчны Ен...»— гижө Степан Попов аслас сочинениеын, кодөс гижөма семинария помалігён. Тадз сийё мөвпаліс, тадз көсийс овны: йёзлы пөлза сетөмён да буртор вөчөмён. И шыасис корёмён, медым мөдөдасны сийёс учителявны. Шыасьёмсё вёлі мөгмөдөма, со документ: «...Совет Стефано-Прокопиевского Братства уведомляет Вас, что по постановлению Совета, утвержденному резолюцией Его Преосвященства 30 июня 1897 года Вы определены на учительскую должность в Подчерскую Иоанниковскую школу грамоты, Устьсысольского уезда...»

Тайё кабаланас сийё и мөдөдчө ылө-ылө, Печора вылө. Жалөванесө сылы сетёны онас 300 шайт. Уджаліс сэні кык во. Тайё кадкөласт йылысь бөрвыс сийё век казтылө пөсь сьөлөмөн, ошкө сэтчөс шань да вежавидзысь йёзсё, и неётчыдысь пасйё, мый овсис сэні бура, сёяныс донтөм, черыс — сьөлөмыдлы кутшөм колө и мыйта колө. Сьөмга выйыд сэні сийёс бурдөдас и туберкулёзысь.

Но став бур вылас видзөдтөг, век жё сийёс манитіс, кыкис ас дорас чужаниныс. И сийё шыасьё Вологдаса Духовнөй Консисторияё, мед ыстасны священникөн көть нин Визингаса Троицкөй вичкө. Сэк сылён вёлі нин синйөма и невеста: Селибса священник Бронников Алексейлён ныв, сэтчөс том учительница.

Но шыасьём вылас воө татшөм со воча кыв: «...Визингское место занято, а просителю, как уроженцу зырянского края и положившему начало своей службы в должности учителя в Печорском крае, полезнее в целях пастырства поступить во священники в этом же крае при предполагаемой к построению церкви в деревне Подчерской, занять пока, впредь до устройства церквей в д. Подчерской вторую штатную

священническую вакансию при Стефановской Щугорской церкви, чтоб один из них во всякое время года, а особенно зимою, свободно мог посещать отдаленные поселения приходов с имеющимися при Щугорской церкви подвижными церквами-палатками для отправления там богослужений и христианских треб...»

Татчõ жõ шуа, мый дас õкмысõд нэм помын Щугорской приходын жõ священникõн и округса Благочиннойõн вõлї и Стефан Поповлõн рõдвуж, Куратов Вонифатий Алексеевич.

Ме ог тõд, усьлїс шогõ либõ эз пõльõй аслас шыасьõм вылõ резолюциясõ лыддõм бõрын. 1899-õд вося брачной свидетельствовын тай сийõс гижõма кызд Вочса ЦПШ-ын учительõс; венчайтõмаõсь том гозъя Яренской уездса Подгородной Иоанно-Богословской вичкоын, и венчайтõма найõс невесталõн рõдной вок, священник Иоанн Бронников.

Регыд Степан Попов лоõ священникõн Тотемской уездса Верх-Кокшеньгаын, Воскресенской вичкоын. Тайõ — вõрõ вошõм зев ылї сикт, кызвын олысьыс сэн — старообрядечяс; сэн сийõ служитõ вит во, и сэнї чужõны кык кага: 1900-õдын Сергей пи да 1904-õдын Раиса ныв. Том гõтырыс нёрпалõ, врачыд сэтшõм ылї сиктад абу вõлõма, и Степан корõ, мед сийõс индасны священникõн Нювчимса Дмитриевской вичкоõ. Сылõн кõсийõмыс збыльмõ, 1905-õд вося майын сийõ служитõ нин сэн. Сы вося декабрын жõ Устьсысольской уездса народной училищяс кузя инспектор В. Кичин индõ С. М. Поповõс Гарьяса начальной земской училищеõ законоучительõн.

Нювчимын олõмыс пуõмõн пуис. Заводса уджалысьяс, заводоуправленияса служащõйяскõд õтвылысь, дасьтывлїсны да петкõдлїсны спектакльяс; медтõдчана рольяссõ тшõкыда ворслывлõма управляющей Косолаповлõн гõтырыс; да и ачыс Косолапов абу õткажитчывлõма петкõдчыны йõзлы сцена вывсянь, ворсны кутшõмкõ роль. Менам ыджыд мамõй, Людмила Алексеевна, ворслõма жõ спектакльясын.

1907-õд воын дедлы сетõны награда: набедренник «за усердную и полезную пастырскую службу». Сэк жõ округса Благочинной Евгений Покровский шыасьõ корõмõн «быдõнлы позянлун серти сетны отсõг дõвалясы да сирõtаяслы». Колана мында сõм вõлї мõдõдõма.

Во мысти С. М. Поповõс мездõны Гарьяын Закон Божий велõдõмысь, «лõк туйяс» понда, и индõны законоучительõн Нювчимса ЦПШ-õ. 1909-õд вося ноябрын чужõ коймõд кага, Орест пи. Декабрын жõ дедõс наградитõны, Государь Император Александрлõн кувсьõмсянь 25 во тыригкежлõ, зысь медальõн кык пõвста — Владимирской да Александровской — лента вылын.

1910-õдын медыджыд пиыс, Сергей, помалõ ЦПШ да мунõ велõдчыны Усть-Сысольскõ, гимназияõ. Велõдчõмыс сулалõ дõна, и дедõ шыасьõ Вологдаса да Тотьмаса Епископ Егõ Преосвященство Преосвященнейшõй Никон дорõ: «Будучи осведомлен о смерти священника Пезмогской Прокопиевской церкви Устьсысольского уезда о. Дмитрия Покровского, осмеливаюсь обратиться к Вашему Преосвященству и покорнейше просить не благоволено ли будет перевести меня к означенной, праздної ныне, церкви. Прибегая к Вашей Архипастырской милости, не могу умолчать о моей крайней материальной нужде, лишаящей меня нравственного покоя за своих детей. На мне лежит ответственность дать им образование (одного уже отправил учиться в Усть-Сысольск), но получаемое мною содержание едва хватает на скудное пропитание семьи, потому даже самых малых средств я не в состоянии здесь уделять на обучение детей...» и 1911-õд вося март õкмысõдõ С. М. Попов лоõ Пезмõгса Прокопиевской вичкоын священникõн. А сентябрь первой лунсянь и Пезмõгса земской училищесын законоучительõн.

1912-õд вося февральын Усть-Сысольской уездса нельõд округысь священник Александр Пшеницын гижõ Пезмõгса Прокопиевской вичкоõ: «Причт вышеозначенной церкви извещается, что духовником 1-ой половины округа утвержден Преосвященным Алексием священник Пезмогской Прокопиевской церкви о. Стефан Попов, так же утверждено

общество трезвости среди духовенства округа. Днем открытия общества будет считаться 6-е февраля 1912 года».

Но Стефан Михайлович мовпалё челядьсё водзё велёдём йылысь, и та могысь кёйё овмёдчыны Усть-Сы сольскё. И 1913-ёд воын ньбё му участок дёвалысь, Любовь Еремеевна Косолаповалысь, Великёй Устюг карса Нотариальной Архивын эм гижёд: «...участок граничит с лицевой стороны северной — с Загородной улицей, с правой западной — с имением дворянина Михаила Ивановича Русиновского-Пуцята, с левой восточной — с имением Людмилы Александровны Стениной и с южной стороны — с имением Косолаповой». Тайё регистрационнóй гижёд сертигс дедё мынтёма 200 шайт му участоксыс и 1918-ёд воёдз мынтёма налог.

1915-ёдын, март 14 луно, Стефан Поповёс наградитёны скуфьяён. А во мыти сийё вежсё служба местанас Зеленецса священник Петр Поповкёд, мый йылысь асьныс шыасьлёмаёсь корёмён. Зеленечё вуджтёдз на о. Стефан гижё Петр Васильевич Поповлы, мед сийё коляс сэтчё (Зеленечё) асьыс ругасё, казътёдчёмысь өктём сёмсё, «кызди вёча и ме ачым. Ме эськё эска и тиянлөн шуём кывлы, но век жё, гижёмён сёрнитчём лоас вынаджык, мед эз вёв ни менам, ни тиянлөн некутшём сумленнё».

И 1916-ёд восянь кувтёдзис Степан Михайлович Попов, о. Стефан, менам дед, олё сэсся сёмын Зеленецын, тані сьлөн медбёр юр сюяниң. Тані сийё — и пастыр, и ЦПШ-ён завалысь, и законоучитель. Раиса нылыс велёдчё нин женскóй гимназиян, быдмё-сёмвё Орест, сийё пуктё керка дорас, коні олёны, куйм тополь; топольяс быдмасны зэв ыджыдось, и дзик неважён найёс кералысны... Неуна колины и на пиысь, кодъяс помнитёны Степан дедёс. И век жё, и век жё... Оз-оз, да кодкё пёрысь морт казътас, мый о. Стефан ордё позьё вёли пыравны могён, корны бур совет либё юксыны аслад шогён. Казътывлёны священниклысь ыджыд библиотекасё, кытысь позьё вёли босьтлыны лыддьыны не сёмын богослужебнóй книгагас, но и классикъяслысь гижёдъяс: Достоевскийлысь, Толстойлысь; вёлины небөгъяс и философия, и медицина кузя. Пёрысьмигас дедёлысь синьясё тупкис катаракта, но и сэк сийё эз энотчы лыддьысьбёмысь, лупа пыр лыддьысьбёма.

Но со локтё 1917-ёд во. Дас көкъямысёдын Сергей помалё гимназия да пырё большевикъяслөн партиё, мунё тышкасыны «белóйяскёд». Батысь сийёс мырдён гортас оз кут, гөгөрвоё: быдёнлы колё овны ас юрөн. Но век тшөкыджыка газетъясын петёны статьяс, коні пинялёны-видёны вичкоын служитысьясёс, дольёны, мый вичко пёрийёлё, бёб-йёдлө прөстóй йёзсё. Дедёлы этайё — дивёкодъ: мый лёксё инё вёчө сийё да вичкоыс йёзыслы? Олёмсё сийё сетис сылы, мед йёз олысны му вылас ас коддьёмнысё пыдди пуктёмён, вежавидзёмён; челядлы ичот дырсянныс гөгөрвоёллс, мый эм лёкыс и мый эм бурыс. И ставыс тайё лои некодлы ковтёмторйён?..

1917-ёд во помын ЦПШ лоё земскóй училищеён, дедё энотчө сэни велёдёмысь. Ме лыддя ЦПШ-лысь эмбур сдایتан акт, и сэни, пызанулёсьясысь, дёска да мелысь кындзи, лыддьёдлёма учебникъяс, кодъяс серти шедёдлёмаёсь тёдмлуныяс мяян бать-мам, пёч-пёльяс. Тайё: Михеевлөн Букварь, Зелиневскийлөн задачник, Закон Божий (наставление), христианскóй эскём йылысь небөг, толковóй молитвенник,— ставыс 44 нима учебник! Ставсё акт серти дедё сдایتёма велёдысь Наталья Андриановна Юркиналы.

Гортса архивын эм дедлөн сберкнижка, кытчө первой гижёдсё вёчёма 1913-ёдын. Медся ыджыдөдз сьёмыс чөжсьылёма 225 шайтөдз. кык урёдз; медбёрысь сьёмсё босьтёма 1918 вося 28 октябрын, колясыс Видзсё архивын и квитанция — подходнóй налог менам дедё мынтёма 1917-ёд восьыс дас сизим шайт; водзё видлала кабалаторъяс: вочасён налогыс содө и содө, мынтыны сийёс,— колё чайтны,— дедёлы абу кокни, и властыясянь воёны стрөг индөдыяс... Некод нин нинём өни оз тёд сы йылысь, кутшём сэтшём мыжысь сюри отеч Стефан 1923 воын Усть-Сы сольскса исправдомё. Орччөн олысь Лыурова велёдө

бабөөс, Людмила Алексеевнаос, мездыны по верөстө дзескыдінсыс позьо кодлыкөлы чиновниклы «гөна кнас» мыйкө сетыштөмөн. Бур йөз вичмөдінсы Зеленечса матушкалы яй тшегыр, да сийө мөдөдчө карө верөссө мездыны. Да он кө тай куж босьтны ни сетны,— нинөмла и ловтө сьбөдөны. Людмила Алексеевна вылө заведитөны делө «ки мавтас» вөзйөмысь, судитөны и суседкась, Лыпороваос, совет сетөмысь. Бабөс воөн джынйөн кежлө, а Лыпорова Агния Кирилловнаос во да кык төлысь кежлө суд тшөктө пуксьөдны дзескыдінө. Но, «...принимая во внимание, что Попова Л. А. имеет малолетнюю дочь, отсрочить приведение приговора в исполнение до отбытия наказания мужем». Бөрвыс сийө дзоньнас асьсыс мыжсө вештис, Вылыс Човйын.

Дзескыдінын пукалөгөн на дедө тшөктө гөтырыслы корсьны да ньөбны ас ним вылас керка. Сийө гөгөрвоө вөлі, мый олөмыс катовтчө сэтчөдз, мый вичкояс тупкаласны, а сідзкө, священнослужительяс колясны юр сюяинтөт: найө од семьянаныс пөшти ставныс вөлі олөны вичко бердө налы лэптылөм керкаын. И тюрмасяньыс дедө велөдөма бабөс, мед сийө ньөбас, ас вылас гижөдөмөн, керка. «Ме вылө кө гижөдан,— олөдіс сийө гөтырсө,— керкасө вермасны мырддыны».

Буретш тайө кадө Қонаковъяслөн семья мөдөдчө Сибырө корсьны кынөмпөт, и налы колө вөлі вузавны дзик на неважөн стрөитлөм керка. Гортса архивын эм документ налысь керкасө ньөбөм йылысь, кодөс гижөма 1925-өдся майын, и ме төдмалі сэтысь, мый Қонаков гозя, Степан Алексеевич да Екатерина Ануреевна, вузалөны гражданка Попова Людмила Алексеевналы асьсыс керкасө йөрпытшкөсса стрөйбаяснас тшөтш: пывсяннас, пөгребнас и амбарнас,— Зеленеч сиктын, Сысольскөй уездын, куимсө шайтысь.

Керка ньөбөм вылө сьөмсө сетөма бабөлы дедлөн вокыс Иван Михайлович, коді оліс сэк Усть-Сысольскын. Тадз со и лоөма Қонаковъяслөн керкаыс миянлөн, Поповьяс рөдлөн, шоньд позйөн — некымын көлена войтыр миян рөдысь тани чужсисны, өтик потанын качайтчөмөн быдмисны-сөвмисны, да разалісны паськыд мирө.

Дедө петөма дзескыдіныс 1926-өдын, а гөтырыс воөн-джынйөн на мытаритчөма Човьюын. Медся ичөт нывыслы, Шуралы, вөлі сэк сөмын на квайт арөс. Орест сэк велөдчис карса мөд тшупөда школаын. Кыдзи сийө өні на помнитө, тшөкыда ветлывлөма карысь мамсө аддзөдлыны. Медыджыд дядьөй сэк велөдчөма Харьковын нин,— кольччөма сэтчө гражданскөй война бөрын. Раиса Степановналы, менам мамлы, ковмөма мунны учителявны Кулөмдінө, петны ас нянь вылө, өд кыдзи поп нылөс, гимназиясө тупкөм бөрын, сийөс сөсся некытчө эз босьтны водзө велөдчөм вылө. Регыд сийө петис верөс сайө, батьөй менам сэк учителялөма жө нин, гражданскөй война вылысь гортө локтөм бөрын.

А вичкоясөс вуж выйис бырөдөм кузя «удж» нуөдсьө вөлі сэк лун и вой. Став Россия пасьталаысь Коми муө ыстөмаось ссыльнөй священникъясөс. Татчөсьяслы эз жө вөв кокни овны-вывны, ловйөн кольны: пуксьөдөны вөлі найөс сөмын сыысь, мый служитөны Енлы, коді по абу. Дедө полис эз сөмын ас вөснаыс, но и семьяыс понда, и шуис эновтчыны службасыс, аслыс усйысьны Зеленечысь: надейтчис, мый сийө кө сэн оз ло, то семьясө оз вөрзөдны.

Комынөд вося февраль дас кыкөд луно сийө эновтчө службасыс,— та йылысь сэк жө юөртө «Югыдлань» газет. А таөдз, январын, сийө сдайтө Зеленечса потребительскөй обществоө ид,— тайөс сэк колө вөлі вөчны быть. А «идзас дөваөн» сиктө кольччөм бабө шыасө июнын райисполкомө: «Ме и менам өкмыс арөса Александра нылөй февральсянь — сы лунсянь, кор верөсөй эз кут нуөдны Зеленечса вичкоын служба — колим дзик няньтөг, өд верөсөйлысь став няньсө босьтисны кыдз лишньөйс СПО фондө (комын пуд босьтисны). Верөсөй өні олө вокыс ордын, сы тшөт весьтө и вердчө,— Усть-Сысольск карын. Ме шыасьлі сиктөветө, мед сетисны меным да нылөйлы норма нянь, но меным өткажитисны сетны. Кора инө тиянөс бөр сетны миянлысь босьтөм няньсө, өд сийө эз вөв лишньөй. Либө инө индөй сиктөветлы, мед

сетасны нянь нормасо: меным да нылуклы кокъямыс килон быд то-
лысь кежло. Асланым мутор мян эз вов — ни верослон, ни менам». Но сылон шыасом дорэ райисполком съовзьома. Баблы ковмас кынём-
пёт ради вочны коть нин кутшом удж, дозьоритны скот либо вердча-
нинь (столовойн) мыскавны ыджыдсьыс-ыджыд скорт портъяс. Дедой жо
вокыскод, Иван Михайловичкод, ветлывлёма экспедициясы, но татшом
шогъяснад дзоньвидзалунон сийо сэк эз нин вермы ошйысны, сийо лоо
инвалидон и регыд локто гортас Зеленечо,

Медеясо семья сэк оліс Сергей пиньы отсогон, коді институт пома-
лом борын воис каро, а борывуджык сийос вуджодисны Рубцовск каро,
коді ылі Алтайын. Война заводитчигон сийо уджаліс Москваын нин,
пыр жо ас косиймон муніс ополченнеын тышкасьны вөрөгкод, Ельня
бердын тышкасигон сийо юртгог воши. Пёрысь бать-мам дзикодз дьобб
колисны. 1944-од во помын (кувсьом йылысь нин мовпясьон, тёд-
мысь) найо гижоны завещание «...Инвалидъяс, меным — 72, а готы-
ройлы — 67 арос, ми ко кулам, то колям керканымос нывъяслы, и став-
со, мый эм керка-картаын — налы жо. И мед найо ладон да мирон
юкасны ставсо ас костаныс».

Куломсьыс толысьон водзджык дедо гижо Орест пиыслы письмо:
«...Атго тьянлы, мый тождысанныд порьсь бать йылысь. Се шайт воліс
да ми та йылысь гижлім нин, но нощта гига съокыд олманым мян-
лы тайо зэв топыд пыкод, мый ми тождысям ыджыд семьяын быд морт
ота-мод йылысь. Миян повстын, священникъяс повстын, тайоис ена
эз тырмы, и меным тайо жаль. Ас йылысь бурсо гижны нинюм, порьсь-
ма да лекма. Паччорьсь ог и лэччывлы. Пукся ко — одва сувта, а сув-
та ко — коскос одва веськода. Куим толысь эг ветлы гортъяс, а висьод-
ча со витод толысь нин. Кокъяс пыкталісны, керъяс кодъось. Петаліс
мыль (жировик) да ачым аслым операция ковмис вочны, мыллыс
чеччыліс кага юр ыжда, петіс зэв уна ор. Больничао эг и шыаслы,
тан весьшорё. Но бурдо нбож. Кыла роксо, и век жо виччыся сийос.
Зэв жалита, мый аппетитой бур, та понда и ловъя на. И мамто од съок-
тода, татшом олмнас, сылы од дозеритнысо мено. Вердо мено, а ста-
выс сэтшом дона... Да, эг вермой и чайтлыны ми, мый корко таодз
воам... Верним-о ми думыштны, мый ми вывти мунас, историялон колё-
са улө ми сюрим, и нярис сийо мено. Война ко эсько помасис — гашко
и, олышти на эсько, но сейны нинюм, и... Ладно, помала. Папа». И улө-
джык гижыштома бабо:

«...Кыкнаным папыкод ми дзикодз слабмим. Ме эсько гождомсян
январодз пуси сельпо столовойн да паек няньыс килоджен воис, но
сэсея столовойным тупкысис, и ми колим кыкөн лунас кыксё грамм
няньон. Рынок вылын карын нянь килоыс се шайт, сидко, нбобны
сийос — нинюмла и мовпавны, сомын юрто висьмодны».

А война помасян онас, нывбабаяслон празднико, дедой кувсьома.
Помкасо свидетельствас индома: арлыдыс — 72, кувсис порьсылун-
сьыс...

Дова бабой шыасо сы во помас пенсияла: «...Войнаодзыс мено
вердіс пийо, а сийос мобилизуйтисны, и ме коли дзик некодсян неку-
тшом отсотгог. Сергей пи вошис юртгог. Съод нуждао усьом морт, ме
кора аслым нянь пай нбобом выло пенсия».

Война вылын погибнитом пиысь пенсия сылы воли сетома. Бабо
кувсис 1965-одын, оліс кокъямысдас квайт арбосодз.

А помавны менам муса дедо йылысь гижлод ме эсько кося сы-
лон жо кывъясон: «...Морт ко вермас асьыс плотьсо, коді кыско сийос
греклань, сийо кокниа вермас став злосо, од злоыс оз лосьяв не сомын
Енлы, но и мортъыслы аслыс. И мортъслон лоас сэк святость, и сийо
ношта посъджык съолөмон сетчас Енлань, Сылон волялы...»

Алексей Серафимович ОДИНЦОВ чужліс 1938 вося февраль 17 лунö Емдін районса Митерас грездын. Уджалысь том йöзлысь школа помалöм бöрын служитіс армияын. Помаліс Коми государственной пединститут. Сы бöрти 8 во чöж уджаліс «Югыд туй» газетын. 1966 воын «Войвыв кодзув» журналын йöзöдіс медводдза висьт.



Коми книжной издательство лэдзис Алексей Одинцовлысь Челядьлы лыддьöм вылö «Медводдза коса туй», «Миян грездса Челядь», «Пужъявлöм кодза» книгаяс.

1981 восянь А. Одинцов уджалö «Войвыв кодзув» журналын ответственной секретарöн.

Сиам гижысь ёртлы кузь нэм да бур шуд, творческой уджын выль вермöмъяс.

ОЛÖМА И ТОМДЖЫК ЕРТЪЯС.
«ВОЙВЫВ КОДЗУВ»
ЖУРНАЛЛÖН РЕДАКЦИЯ.

Алексей ОДИНЦОВ

Кык висьт

Нима дадь

КЫЗ МУ УЛЫН куйлö миян грездса зонкаяслөн быдторйö бурас велöдысьыс, Венялөн дедыс — Опонь дед. Кадысь вывті-вывті водз муніс шонді югöра вöльной светсьыс и внукуыс — Веня ёртöй. Электрикъяслысь училище помалöм бöрын мортыд, армияöдзыс на, «Комистрой» трестын бригадирöдз волöма. Уна судта керкаясö югыд би пыртöдалöмаöсь. Сэсянь и армияяс муніс. Колльöдімсö, дерт, гортсяныыс, Митерас грездсянь... Княжпогостас öд, мый Сыктывкарысь, мый Вöркутаысь и, весиг Коми мулөн медпыді пельöсьясысь, Летка — Ужгаысь, öтлаö чукортöны — Княжпогостö. Со и лэдзöмаöсь гортас.

Оти воö мунім армияяс. Веня — кык тöлысьöн меысь водзджык. Германияын служитліс, а ме бöръя квайт тöлысьсö — Польшаын. Том вöралысьясыд збойöсь вöлім. 1961 воын быдсяма сьöд империалистической вынъясьыс видзим демократической муяс. Веня танкнас Бранденбург дзирья видзöма, а ме Польшаын кутш сяма ыджыд бомбардировщикьяс улö, эг öтнам, дерт, — нельöн — öкмыс пудья бомбаяс öшлим. Эз эськö найöс некытчö шыблавлыны: повзбöдлісны конкö йöз му вылö горшасьысьяссö да тшöтш и найöс, кодлы войнаыс колö, кыдзи понлы беды. Асьныс, миян лётчикьяс, эз жö, тöда, ас окотасьыс журъявны-шлывъявны йöз му сынöдтыс. Шлёмсö порччасны да шапка пель увсьыс ньылöмныс виялö...

Веняос армиясы январь помын лэдзёмаось. Меню — февраль шорын. Москваын воча чой ордын вежон гостити — тольсы помас гортю зым-зурк вой шор войн вой. Салдат мешока, ичотик чемодана.

...Мый сәни вәли! Мамлән, Рая чойлән радлуныс! Мам пырысь-пыр корт пач ломтис, пөжасыны-пражитчыны кутис, а Рая кытчөкө уличө котортис.

— Кытчө нө вой улас чойөй ләбзис?— юала мамлысь.

— Веня ордад... Гортын өд сийө... Тшөтш и грездө ставнас шызьбодас... Виччысь дона гөстьясөс,— такөдис нюмьялысь мам— Личөдчы...

И збыль, эз ша коль и час джын, пырөны нин Рая, Веня, а сыкөд и бокөвөй яндысысь нывка.

Кутчысьлим, челядь моз, ныр на ныр, окасим Венякөд.

— Сөрмин, другө, а ме нин со гөтраси,— ошйысьыштис Веня.— Төдмась...

— Оксана,— ыджыд кабыра веськыд кисө небыда пуктылис менам ки пядөс вылө ныв.— «Комистройн» крановщица... Веняос, шойччыш-тас да, мастерө сэтчө жө босьтөны...

— А мамыд нө?— юалөмөн синмөс сувтөди өрт вылө.

— Хы! Гөжөмнас — тані, а төвнас — карын... Нинөм на тэ он төд. Аслыд на, Пашө, ковмас пышйыны татысь... Грездад өд Столля гөзья олөны, менам мам да ти нин сөмын... Би ни радио тані... Гажтөм...

Квайт керкаа грездын карасина лампаөн нәмсө и овлим. Сийө война-нас мам стеклөа кык лампа өзтылис. Дас-дас кык морт, пызан гөгөр, йөзыс, көть и кусны нин мөдөм грездысь, чукөрмылисны жө...

Бура пасйим локтөмөс. Веня, пызан сайын на, «Даймон» немецкөй пөнарик мен козыналис да авторучка кодь индикатор. Проводысь электричкөй ток петкөдлө — электрикы, ме өд электрик жө, вывти өна коланатор.

Комын во коли, а век на выль кодь казтыланторыс. Синмөс моз видза да...

А вот Веня кувсылыс...

Сыктывкарын, Микуньө поездсө виччысигмоз, Веня ислась вөлөм вокзалдорса туй бокөдыс велосипедөн. Арөн-джыниөна Галя нывсө гартыштөм пөдушка вылын руль динас, велосипед рама вылас, пуксьбөдөма... Вот сәки и тангас найөс самосвалнас код юра шофёр. Кежнысө некытчө лөма. Веня вына кинас чөвтас Галя нывсө джуджыд канава бокас. Нывкаыслы немтор, а ачыс машина улас веськалө.

Дзөбим өртөс, а сідз нин нөрпалысь мамыс дзикөдз эбөснас усн. Отнасөнсө гортас повны кутис узылынысө. Миянын, паччөр вылын войсө коллявлис. Вийсьбөмысла рөдимеч — пыркөдана висьбөм на кыськө көласис. Та вөсна и полис, буди, өтнас гортас узылынысө. Кватитас висьбөмыс — менам мам кымөс вылас кодзыд ваөн көтөдөм ки чышкөд пуктас, топыда шамырталас кыкнан кысьыс нимтөм чуньяссө да мортыд пур и лөньө. Сэсся коньөр мортыд, лун шөрөдз шкоргөмөн узяс...

— Вузали керкаөс,— өтчыд шуис Венялөн мамыс.— Урдөмаб овнысө, Син пи ордө, муна. Аски, Пашө, ветлам миянө, чукөртиштам, мый меным нунысө...

Морт кө корө, кызди нө он мун...

Лунтыр пузйысим овтөмөн нин кажитчысь, но быдсяма көлуйнас тыр олана на керкаас. Месө, дерт, ог лукйысь. Венялөн мамыс — мый колө аслыс, мый туянаыс. Син пиыслы да сылөн врач гөтырыслы, аслыс и,— чукөртышталө. Ме мешөкьясө, кудьясө тэча да көртася сөмын...

— Кремнөвкаыс оз ков?— юалө Лидия, Венялөн мамыс, да пач колассысь перйө сой кызта пищаль ствол.

Видзөда, салдатө ветлөм мортыд, да гөгөрвоа, абу эськө «кремнөвка» — шомполка нин. Стволсянныс гарйөны-зарадитчөны вөлөм, но өниа кадө абу нин и лысьянтөр.

— Вайлы, вайлы, видзөдла,— кори.

«Приклад ни куроқ...» — видлала-мөвпала.

— Опонь дедрон, буди, челядырся вөралан угодьбыс,— донья-лі,— шыбитам гөбөчад, мед нин... Музейо нин оз туй.

— Шыбит... Муыс чужис, муо воас,— тыдало верос батыслон, Опонь дедрон кывьясон кывберитс Лидия.

Кык жырья керкасыс ме аслым выло бөрйи некымын книга.

Керка борас жөбйим кум и йирк выв. Доза колана кламыс чукормис. Олом од корко овлома. Сы мында чукормис, коть менам ерт Венялыс ветымын вит ароса висысыс мамсо модыс верос сайо сет — приданнойс со!..

Опонь дедрон мастерскойо Лидия здук кежло и нырсо суйлис.

— А татысы меным нином оз ков,— нурбыльтис,— мед пузьясны.

— Кы-ыдзи-и-и! — чуйми ме.— Да тани жо... Тани жо Опонь дедрон став озырлуныс!..

Стружьяс, гогиныяс, стамеска-ожиныяс, пилаяс,— столяр-плотники став коланторыс — ставыс джаджьясын. Бусосьомоаос, дерт, кыз черань везйон тыромаось, но кызд пуктылома козяиныс, сидзи некод, тыдало, абу и вөрзөдлөма.

— Инструментьяссө, ставсо тайос, Ксенофонтыдлы и нуан,— шуа.

— Чөв нин Син помыс, Пашо... Оні од сийо Урдөмаас каменной корөминаын оло... Жырьясыс сөстөмсыс-сөстөмось... Тяпйон тапьялоны... Ме вот валедея да, кок кымө да... кызд мый понда... Теркаыс жар эськө да, но тиян кодь паччерыс абу... Медкөс, велала од... А Син помыс... Сылон кутшөмкө гараш эм. Лун-лун кутшөмкө пиня гөгыльясон нохсоь, моточиклас луасө... Стружьяс-гогиныясыд тай сылы... Веня, шоньяной, небыд му сылы, дед кок туяс эз тувчы ни,— бөрддзис Лидия.— Босьт аслыд... Дадь баласө тшөтш и... Армияодзид, Опонасейлон кувсьом бөрын нин, помнитан од конкө, быд төв рендуйтлин тайо баласө... Калымитлин на,— серөктис Лидия.

Тайо пенничайтомыс меным эз кажитчы.

— Стружьяснад дай...— шуа.— Ковмас кө — ньоба.

— Босьт, босьт,— Лидия тшөктө.— Опонь дедыдкөд од ти... Сапог гоз кодьбөс вөлинныд...— бара серөктис.

Эз, Лидия эз вийсы оні эмбур вөснаыс. Көсийс сомын, мед сяма мортлон вөчасян колуйыс козяин кио жо и вескалис.

...Опонь дед динын, помнита, ичөтсянь бергалі. Сийо дадь либө додь вөчө, а ме сылы отсая... енджыкасө, дерт, мешайтча, падмөда уджсыс, но оз скөрмы мортыд. Каллян пыдди вомас — струж улысыс вөснисыс-вөснн чаг нямляло. Мен сийо «мөсьясөс» пьис чальөбсьыс вөчалө — серөдомон, нимтомон, а ме синья — велөдча сылыс.

Коркө-некоркө стамескаон-стружийон велөдис уджавны, а ачыс, куритчөм пыдди пыр нямляло кырсь-чаг.

— Чагйыс кампет, Опонь дедө?— юала.

— Мый көра пуыс — сийо, көсьян кө,— сыысы и артмас... Пуысыс көрсө быть колө төдны... вом пытшкөснад пуысысыс көрсө колө кывны... Сэк, сомын сэк пуысыс мыйкө путной артмас, йөзлы коланатор...

Ме нямляся жө, но медсясө сы вөсна, медым Опонь дедлы пыдди уськөдчыны. А сийо тайос, быттө оз гөгөрво: велөдө, велөдө, а сэсса и стружсө кио ётшкыштас.

— Ноко, шарейы,— шуыштас. И пыр велөдө.— Помөдзис чагсө ну, эн оройдлы.

Тадз жө и Веня внуксө велөдис. Но Венялы тайо уджыс эз вөв ки выв — пыр и дышөдас. Шыбитас сэсса стружсө да Модя друг динас котортас, а ме Опонь дед динысы сөр рытөдз ог вешйив.

Кадыс мунө. Коркө и ачым дадь сюв выло мича кызд бөрйи. Пөрөди, чинти, поткөди, лөсали, пилитали, кыти колө, дадь сювсө — кусынь-танинөдыс, дадь ныр вылас. Опонь дедлыс дадь сюв кусыньтан баласө гортө вайи. Одья пывсянын дадь сюв пусө ёна и пөжи ключ пузьом ванас, но немтор эз артмы... Пидзөсалис дадь сювийй. Кыткө мичаа, балаысмоз кусыньтчис, а удворыс гыррдза моз пидзөсалис.

Эз артмы дадь сювийй, а сэтшөм окота вөлі мам водзын ошйысы-

ыштны: «Видзёд, мамё,— ачым нин тэд турун ваялан дадытё вёчи...»— шуи эськё. Эз удайтчы ошйысьнысё.

— Аски жё пачад ломты тайёс. Кыддзис, буди, лёк,— пу вылас скёрми.

— Энылы, пиё... Петкёдлы ассыд медводдза изделльётё Опонь дед-ыдлы... Сійё и донъялас...

— Донъялас, дерт! Донъялі нин со ачым... Медтыкё аддзыласны татшём дадысё — мир смек!

— А тэ век жё петкёдлы... Юав, кыз-мый, а пескад тайё век во-ас... Сартас пыдди на... Ломзёдчан вылө туяс...

Кывзыси мамлысь да и нуи дады сюв пёлёс Опонь дедлы, кор, дерт, Веняис гортас эз вёв — исласисны Модякёд Лун-бок кырийн. Опонь дед видзёдліс менсьым уджёс, зумыштчыліс.

— Ножовкатё нё батыд на төчитліс?— юалис.

— Мам нин, буди,— аддзывлі мамлысь ныж напилёкөн пила голь-скёдёмсё да, висьтала.

— Ныж ножовкаыд, ныж... Этати со гөрөмыд пусё, а пытшкёсла-нысь прёпилыс абу и пыралёма. Со и пидзёсалис увтысджык, көні тэ сювсё төкөтё абу ородёмыд... Додь көть дады сюв бура кусынтчас, сямман кө өткодь коластыясён, өтджуджтаё, прёпилъяссё вёчны,— петкёдліс ассыс уджсё.— Тадзи...

— Хы-ы...

— Аддзылін? Нулы менсьым ножовкаёс... Аски бөр вай. И ассыд тшөтш вайлы. Лэчтыштам...

Мёд луннас ножовкасё, дерт, бөр вайи. Опонь дед и менсьым на струментён вёчис, велөдіс кызди колё лэчтасыны и...

А дадытё ме вёчи... Эз, дерт, чача кодь кокныд да гылыд ло, көть абу жё и пур кодь, но мам да чойяс сійён сюв бырмёныс кыскасисны... Мусмёма налы менам медводдза дадыёй. Дыр кыскасыёмсыс суюйыс волялёма, лоёма гылыд, а дыр каднад, гожёмбыдъясён косьмигас кок-няммёма борд кодыдз.

Армияё мунтөдз, Опонь дедлөн кувсьём бёрын нин, сылысь дады баласё ме гортын, позбё шуны, куим төв видзи. Ассыным рөдвужёс дадыёді да нёшта көрт туй дистанцияс Рая чой — сійё путеецён вөлі — быд бригадаё дадыясёс вузавліс — төвъясын менам кутшөмкё компаниятём фирма лонс.

Прөст кадё пыр вөлі дадыяс вёчала. Со тай и шуис Лидия: калы-митлін пё. Калымиті-ё, эг-ё, но нянь-сакар вылө пыр најбөвитлі.

Опонь дедлөн мастерскөйысь петём бёрын йирк вылас на лукйысь-ыштім. Кык дады сэні вөліны. Крепыдөсь на. Сюв вылас, дады ныр-ланьыс сотёмён вёчём гижөд: «Аф. Маслов».

— Оз нин вош, нима дадыясы!— серөкті да петкөдла Лидиялы.

— Быд дадыё и додыё вөлі пасйысьё,— вочавидзис Лидия.— Медым пё төдісны, коді вёчис... А мый, яндысьнысё мортыслы нинөмысь вөлі. Изделльөясыс мичаёсь, ёнёсь, кокныдысё. Памилльё-ним вылас букваыссё кузнечлы на дорөдлёма...

Коли уна во. Ачым со карё жё овмөдчи. Неважён гортё лэччылі. Рытнас пывсим, пызан сайын пукуштім, а асывнас босьті чер, сугуга, да и кайлі Митерасөдз, вөвлөм чужанін грездөдз, пипуа-кыддза раскё. Дыр бөрийсыём бёрын и пөрөді куим томиник кызд. Кыксё чинті сыв кузяё: аслым өги дады — дачаё, мөдөс — чойлы, а коймөдсё, сой кыз-таёс. кок нырсянь морөсөдз чинті — челядылы исласыны дадысё вёча.

Эн дивит менё, коми парма. Вунөдны нин со кутім Опонь дед кодь сямма йёзыслысь мастерствосё, а оз өд позь. Вөвлөм бур вөралысь босьтліс сэтысь сөмын сы мында, мыйта йёзыслы коліс.

Пиян

Чойкөд сёрнитчөм серти пёшти вежон вылө өтпускё петан кадыс менам нужалис. Кывлі: Рая чой ытшкыны нин петёма. Сэсса эськё сизимён жё, гырысь и посни, лэччим карысь, но сёрмөмөн. А ытшқа-

ныс — вöвлөм усадьба Митерас грездын, эновтөмин, көні туруныс пуритө-быдмө — ой-ой-ой! Картупельлөн, идлөн ёна куйёдалөм, но важөн нин эновтөм муяс вылын коса вороп чегмөн быдмис бобөнъянь, шырань-кытш, шобді кодь заа шепта турун. И туй вылыс грездас, миян юкөнныс, зэв жö туруна.

Абу на удитөма чойлөн ставсө уськөдны. Локтөмсянь мөд асыв-нас, челядь котыр узьоны на, кайим Митерасө, ытшким лун сьöвмө-сөдзыс. Но жар луннас сьöкыд ытшкынысө.

— А ме өд карас кык вежон нин эг пывсыв. Лэччин эськө, чойö, пывсян ломтін,— шуа пажун дырйи Раялы, а ачым синмала видзсө: «менам нин тайö уркөвöй...»— мөвпала.

— Этійö ытшкышт и — шабаш. Локтігкежлад пывсян лоö дась,— ньылыд лэдзис чойöй да пыр и лэччис гортас, Шожымö.

Жар луннад көть и лэчыд косаöй он на öдйөтö ытшкы. Митерасын, көні ме чужлі, кызь вит арөсөдз быдми — менам гортöй. Пыри керкаö: воді паччөрö да и нисті-узи öкмыс час рытөдз. Садьми, бура ужнайті да и петі ытшкыны лысва вылас. Вылынкодь нин вөлі шонді-ыс асывнас — став видзсө пөрөді. Лысва вылад кокни ытшкыны да эг и мудз весиг. Туйсө уськөді да весиг гумла дорö на кайлі. Кутшөм йöй нö лун шөрнас ытшкө? Войнас ворсөм кодь ытшкынысө.

Аскинас тай воисны: Раялөн менсьым став «армияөс» — ув и чаль — вайөдөма, весиг квайт арөса Сашаөс. Папөөс пö, навернө, ошъяс косявлісны... Войбыд майшасьöмны.

— Колö кодлыкө тэнад папөбид,— серала.

Унанад важ ытшкөмсө ставсө куртім-юралім да зорөдалім. Войя ытшкөмсө на бергөдлім и.

Мирөн-ладөн лэччисны сэсся ватагыс, а ме бара кольччи батьлөн керкаö... Саша кодьчис жö. Сөян-вөлөгасө, быттö ми мөсьяс, вежон кежлө тырмас, колисны...

— Па-а-ап?— нюрөстіс Саша.— А вай петкөдлы мен ошъяссө...

— Ошъясыд өд сюсьөсь, пиö, кытысь найөс аддзылан,— малышти юрөдыс быдтасөс.

— А тэ коркө найөс аддзылін?— юалис Саша.

— М-м-м... Кыкысь сөмын удайтчыліс...

— Стяшнөйөсь?— Сашалы, кызди и меным, «р»-ыс школаö пыригөн сюри.

— Абу стяшнөйөсь. Полöны мортсьыд...

Эз ков меным тайөс шунысө. Бөрынджык төкөтö неминуча эз ло...

Кыз сямми, юасьö да, пиы висьтавлі ошъяс йывсьыс, дерт, эг повзөдлы ичөт мортсө.

— Петкөдлы, петкөдлы меным ошсө,— кутіс нөйзыны Саша пиöй.

— Петкөдлы тэныд,— серала ме,— нэм джынйö вои, а шуа тай, кыкысь сөмын аддзылі... Оз көсйыны найö йөз син водзас ветлөдчынысө... Йөзыс ошкысь полöны, а ошкыс мортсьыс — нөшта на ёнджыка полö,— такөда пиөс.

— А ме вот и ог пов,— кыв көрталіс Саша.

— Эн и пов! Мужик өд тэ менам...

Гожся рытыд вывті кузь. Аспом турунсө, мед небыд-бурнас, сөк-нас сюрö, пуктывлім Иван лун бөрын пыр жö. А сэки вой шөр войн лыддысьны позьö. Войбыд оз лемдыв.

Дзоля пикөд ошъяс йылысь сёрнисө ме нин вунөді. Оз вотыштны сійөс нүді. Термосын — пөсь йөв эм. Мися, озъя йөлөн кагасө чөсмөд-ла бөрті. Мунім Пронь нөвина дорö оз вотны. Сэні сійö гырысь быдмө.

Местаяс корся, сэсся и Сашаөс чукөста. А сійö ризъялө вөртіыс. Волас, бөр вошлас пуяс сайö.

— Ылө эн мун,— шуышта сөмын, мед оз вош вөрас, а сідзсө сэсся чөв вотчам, шыавтөг-горзытөг.

Кружка менам важөн нин тыр, но он тай озсьыд ум: колö и колö чөскыд юомовыс. Вомö нин вота. Саша оз жö нүөдчы ни...

— Па-а-а-пö! Воы татчө, воы! Ичөт мишкаяс!— весьөпөртіс Саша пиöй.

«Но морё, збыль кё?— югнитіс юрын.— Мишкаяс? Сідзкё, пьяна ош! Пьяна ош, кодёс ачым на нэмас эг аддзыв, но кывлі: зэв пё сійё скёр. Пьянсё дорйигён пё пазыйё-разыё, парсалё-вурсалё ставсё, коді коть чуньяснас вёрзыёдас быдтасьяссё. А менам од сэні пийё жё. Ныв котырын дзик на ёти пи... Менё вежысыс... Менсым рёдвужсё паськё-дысыс... Со, эстёні, кызь воськов сайын, горёдіс»,— ставыс тайё гым би моз югнитіс юрын...

Шы сеттёг, руч моз гусьён, ыджыда чеччалёмён стёча и петсис менам Саша вылё, Пронь нёвина кушин вылё.

Войнаёдзыс батьяс ректылёмаёсь тайё шорсайса мыльк йывсё, кёдзлёмаёсь ёти во зёр, а сэсся, куйёдтёгыд — шорыс сувтса берегыяса вывті крут да — энвотчёмаёсь мусьыс, шорас вёвьяссё весь песём-сыс. Татшём кушиньясас гожём шёрнас быдмис пев пом кодь тусьяса оз, а арнас ягсерё — коть зырийён зырт. Вотёсыс эрд гёгорыс, вёрас — муv, чёд! Мый нё ошьясыслы сэні не овнысё! Олісны... Мёслы водзджык «сьёкыд кадас» турун ытшкывлім татшём эрд-нёвинаяс вывсьыс, гусьён, войын. Ошьясыс гусьён жё, войын жё, тулыснас водз-водз, став видз вывсё пач чышкан лыс кодь лапаяснас гарйёны: муса пияныслы муртса ловзьём вужьяссё восьтёны, номырьясёс да.

Ышка-пошка петі Пронь нёвина вылё. Сашаёдз — воськов кызь. Сысянь уна вылё воськов комын ылнаын стройын моз, бёр кокьяс выланыс, сулалёны куйм ошпи. Кык дорсаыс, тёдчё, Машкаяс, Сашалы, буди, пельпомёдзыс оз на лоны, а Мишкаяс чойясысыс весьтён джуджыдджык. Ошпияныслы, коньбръяслы ар джынйыс эм-ё, абу-ё. Ичёт пёрёдаа пон кодьёс на ёкмыльяс. Но мамыс од абу коньёр! Повзи...

— Ми-и-ишкаяс! Ми-и-ишкаяс!— горёдіс Саша да воськов бёрся воськов мёдёдчис ошпиянланьыс.

Шуйгаладорас сулалыс Машаыс, видзёда, лэдзчысис нель кок вылас да, лапаяссё вылё-вылё лэнталёмён, тшапа мёдёдчис менам Сашалы воча. Мишкаяс сюсьджык ли, пестунняён лоё да ичотсяньыс асьсё тёдёмён ли, оз лэдз миянлань мёд Машасё, лапаалё, бёрлань зырёдё, кёсийё жё вёлі сійё чой бёрсяыс мёдёдчыны да. Матыстчёны, видзёда, пьян... Менам кийн некутшём ёбёрёна абу, а тайё куйм чоявокаыслён мамыс ёсь гыжъя, пиня-вома. Сыкёд он на водзсась.

— Сашш-ша-а-а!— весьё пёрёмён горёді ме, уськёдчи пилань да сувті водзас.— Ав-ав! Вур-вар! Ав-ав нё! Ав-ав!— повзёдла ошписё. Но сылы, тыдалё, веськодь: локтё и локтё, тапикасьё. Абу на, тыдалё, аддзывлёма ни кывлёма мортёс ни понийёс да повнысё на оз кууж.

— Зверь тэ!— мый вынысь горёді ме.— Мун аслад туйёд! Кок улысь босьті палич пом да жбоньёда-кучкала муас.

— Ч-чу-уш-ш-ш!— варёбтіс сэки вёр тырнас да мелань уськёдчис мам ув кукань ыджда ош, ошпиянлён мамыс, дерт.

Вёрсяньыс нельысь чеччыштёмён сійё воис ныв дінас, галёбаліс сійёс лыс кодь паськыд лапанас бокньыд-бёрвыв, сувтліс бёр кокьяс вылас, би-гёрд вомсё паськыда восьтёмён бара чушнитіс паровоз моз, быттьё, и сьёлыштіс на мелань, но измём мортёс аддзём бёрын бёр лэдзчысис нельнан кок вылас, тшөг порсь моз рукёстіс, дыша бергёдчис, воис пьян дінас, бара галльёдліс найёс да здук мысти ош семья эз нин вёвны Пронь нёвина вылын.

— Дыр-ё ме измёмнас сулалі — ог тёд... Саша, тыдалё, пальёдіс весьёпёрлёмьсь.

— А ош-мамыс ой, кутшём скё-ой!

— Йёй эськё тэ, да мый сэсся тэкёд вёчан. Мыйла нё ошпиянланьыс мунан. Петкёдліс эськё налён мамыс тэа-меалы «скё-ой», эсийё кызд йылас эськё ошйин. Пьян вёснаыд од мыйсё он воч...

Комияслөн ашөр олөм

Коми Республика — аслыспөлөс регион: тайё этша олыся зэв ыджыд территория, да и сійё этша олысь пөвстас сөмын нельбод юкөн-ныс — коми. Та понда Комиын ота-модыскөд сорассьоны-йитчоны уна пөлөс культура, и коми культуралөн пайыс сэнi абу зэв ыджыд. Татысь и казялан республикалөн общественной проблемаяслысь гөрөдсө. А од коркө комияслөн вöли зэв ыджыд ашөр культура. Тайё тыдовтчö, бергöдчывны кö кольöм кадас, косавлыны историяö.

Питирим Сорокин гижлис, мый Европаын комиясысь грамотнöй-джыкөн вöлисны сөмын немецьяс да еврейяс. Сыысь кындзи, унджык комиясыс тöдисны кык кыв — коми да роч. Да и сійё, мый Каллистрат Жаков, Питирим Сорокин петисны коми йöз пöвстысь, унатор йылысь висьталö.

Коми мути ветлөдлысь путешественникьяс пасйöны комияс олөмысь уна буртор: комияслысь европеецьяс моз горт гөгөр овмөс нуöдöм, гырысь сиктъясын кык судта школа-больничаяс (öткымыныс уджалöны талунöдз на), да и асьныс коми йöзыс сöстөм вежöраöсь, вежавидзысьöсь да крепид вир-яяöсь. Шуам, быд овмöсын вöли пывсян — тайё висталис комияслөн сöстөмлун йылысь.

Вайöда öти пример. Либерал А. Жингарев, Временнöй правительствоса член, 1901 воын ветлöма Воронежскöй губернияса сиктъясö, и со мый казялöма: сиктын олысь мужичöйяс пöвтысь сөмын 16 процентыс вöлöмаöсь грамотнöйөн, а нывбабаяс абу вермöмаöсь весиг кырымасьнысö. «Сöстөм жырьяса оланiн, — пасйылöма А. Жингарев, — шо-ча аддзан. Джоджъяссö во чöжөн сөмын гоз-мöдысь мыскалöны, няй-тысла керка тырныс лудик-төрöкан рöдмöма» («Знание — сила», 1992 во, № 2, 341 лист бок). Войвыв уездъясын олысьяс вöлины грамотнöй-джыкөн, пыр олісны сöстöма. Но и Войвывса олысьяс пöвстысь комияс нöшта на торъявлісны вылын культураөн, овмөс нуöдны ыджыд сямлунөн.

Октябрьскöй революция бöрын йöз вежөрö мырдөн кутісны суйны марксизм кызди медся лöсялана-колана социальнöй теория, и Россияса народъяслөн культура тöдчымөн уси: збыль интеллигенция бырöдөм бöрын чужис аслыспөлөс антикультура.

Коми йöз асланыс чужöм-артмөмянь овлісны вөр-вакөд öти олөмөн — найö öткодялісны асьнысö быдмөгъяскөд, пуяскөд, пемöсьяскөд, а революция эз лöсяв тайё олөмыслы — комияс донъялісны революциясö кызди Олөмö йöзыслысь мырдөн суйсьöм, Олөмыслысь кывтöмсö ковтөг торкөм.

Революция воясö медводдзаясь сувтіс национальнöй вопрос. Сійöс позис решайтны кык ног: став Россиякөд öтвыв стрöитны Комиын социализм либö овны Коми му вылын ашөр олөмөн (Российскöй регионö пырöмөн) большевикъяскөд йитчытөг. Но большевикьяс көвъялісны медводдза туйсö. Социализм стрöитігөн вежисны и асьныс коми йöзыс — Россияса мукöд войтыр моз. Водзджык комияс вöлины христианскöй вежөра войтыр, кодъяс ясыда гөгөрволісны, кызди овны Ен ног, бурсö лёксъыс торйөдөмөн, вöчны ставсö сөвесьтö тöдөмөн, то советскöй кадö коми йöз пöвстысь быдмисны шыш кодь войтыр, кодъяс мукöд вежавидзысь коми йöз тшöт везьтö кутісны öдйö озырмöдчыны, вöчны карьера; торйөн нин кокниа налөн артмыліс партийнöй карьера. Лоины и мукöд пөлөс сюсь йöз, сідз шусяна диалектикьяс, коми ногөн кö — кык бана шаньгаяс, кодъяс кужлісны зэв öдйö вежны видзöдлась-

ясныс да бура овны быд режим дырйи. Татшом йоз вылас мыджсис коммунистъяслон режимыс. Од татшом йозыс косьоны лоны медтдочанаон быд режим дырйи, асавны-босьтны, чуктдны олёмсыс правдаон и неправдаон ставсё, и налы веськод, мый на понда кытк киссьо-гольмё. Татшом йоз вёснаыс лёкыс миян олёмын лон нормаон, а коми культура воштис сы мында, мый бёр тырвийо совмодны сийос сьокыд весиг зэв дыр кадон. Коми олан-мөвпаланног, коми кыв кутисны отдортны; дерт, коми йоз олисны и коминад сёрнитисны, но коми кывийд эз нин вөв сэтшом коланаон — коланаджыкөн лон роч кыв. Духовной озыр-лунъяслон доныс воши, пыдди кутисны пуктыны материальной водзмөстчөм. Национальной государство йылысь мөвпсё эз воштыны сёлөмъяссыныс сөмын некымынөн, но тайо некымын мортыс босьтоны зэв ыджыд места коми йозлон историян — буретш найо эз лэдзны кусны коми нациялы.

Шуны ко коми войтырөс ыджыд нацияон, то тайо ыджыд нация пыткас эм и дзоляник «нация» — тайо вөвлөм партийной функционерьяс да вузос историкьяс, важ системалон быдтасьяс. Найо оз вермыны и оз косьыны овны оти олөмон асланыс народкөд; найо и медьёна джөмдөдоны нациялысь прогрессивной совмөмсё.

И век жө нация пытшкын уна и сөстөм вежөра йозыс, кодьяс төдоны и век төдисны системалысь збыль донсё. Шуам, М. Е. Худоев, сиктса олысь, фронтовик, кодлысь «Сталинизм Комины» статьясё вөли йоздөма «Войвыв кодзув» журналын (1989 вося 11 номер). Тайо статьяын сийо пуктылысь уна «мойд» чужан мулөн историографиясыс. Шуам, классөвой тыш йылысь мойд. Властьсё асланыс кио босьтөм бөрын сиктса люмпеньяс быттьө водзос шуисны босьтны асланыс лёк олөмысь: энотчисны видз-му уджъясысь, кутисны быд лун гуляйтныюны, весиг гожся страдна дырйи. Код юрнаныс доймавлисны, вөчавлисны пөжарьяс (авторыс вайөдо сэтшөм примерьясё), а став лөмторсё вештывлисны классөвой враглөн пакөститчөм вылө. Статьяс петкөдлөма и дзоля народлөн кызьод-комынод вояся «водзмөстчысь» Илья Демьяновичөс (Кань Демьян). Чужан лунсанныс дыш да горш, сийо өдийо гөгөрвоис, кызди колө овны вель власть дырйи. Сийо пырө комсомолө, сэся партия, лө сельсөветса секретарөн, кутө ас коддьөмыскөд кулакавны сиктысь озырджык олысьясөс, асавны налысь бурджык көлуйсө, а мый эз шогмы сылы — нулис колхозө. Сьывлисны тай: «Кто был никем, тот станет всем». Тадзи и лон Кань Демьянкөд. Комиын талунья веськөдлысьяс да Илья Демьянович костын эм зэв топыд йитөд. И, дерт, весьшөрө сёрнитны накод коми йозос майшөдланторьяс йылысь — ас вёснаыс төждлуныс, асьнысө пыдди пуктөмыс налы донаджык. Жаль, мый М. Худоевлөн кодь веськыд да повтөм статьяс миян печатны петöны зэв на этша.

А татшом гижөдьясё колө корсявны и йөзодны — народлөн, коди оз төд асьыс збыль историясө, кодлөн вошөмаөсь нэмөвөйся традициясыс, водзө совмөм вылас абу некутшөм перспектива. И нөшта нин лёк, кор нациялөн представительясөс, сылөн водзмөстчысьясөс, медся бур пиянөс мырдөн отдортоны общественной олөмысь: весиг вылын цивилизация нацияяслысь совмөмсё, чужөмбансө петкөдлөны сылөн медбур представительясыс — став олысьясысь сөмын 5 процентыс. Найос ко отдортны, то дзоньнас нацияс вермас воштыны муна туйсө да пörны сьод этнографической массаө.

Позь вöчны-котырты государство, но оз позь вöчны нация. Нация — сийо аслыспөлөс исторической общность, и сийос оз позь вöчны-котырты, но позьө өдздодны, ньөжмөдны либө дзыкөдз сувтөдны сылысь совмөмсё. А кулө ко нация, сийос сэся бөр он нин ловзьөд.

Мый вöчны? Ловья на важ система пыткас пöртны олөмө нациялысь могьясө он вермы. И оз ков надейтчыны, мый системаыс ачыс аснас кисьяс. Национальной вопросьяс колө решайтны тоталитарной система кистөмкөд өттшөтш. И тайо, ме думысь, талунья ситуациясыс дзык оти петан туй. Народлысь национальной тышсө колө быть өтлаөдны социальной справедливость да мортлөн личной свобода вөс-

на тышкӧд; вӧчны сідз, медым национальнӧй да личнӧй свобода сӧльк-нитчисны ӧти вежӧртасӧ. Коми йӧзлы пырысьтӧм-пыр жӧ колӧ ӧтувтны ассьыс водзмӧстчысьяссӧ, медшӧр вынъяссӧ — сюсь вежӧра войтырӧс, кодъяс эськӧ тӧдмалісны-туялісны комияслысь збыль историческӧй сӧвмӧмсӧ: сэки позяс нуӧдны ыджыд социальнӧй вежсьӧмъяс, кодъяс васны комияслы выль нога олӧм.



Р. В. КОЛЕГОВА

КОМИ ПЫВСЯН

Важ комияслӧн олӧмын зэв унатор вӧлі йитчӧма пывсянкӧд. Ӑни пывсян йылысь сёрнитӧны медсясӧ кызди йӧзлӧн мыссян-пывсянин йылысь. А ӧд пывсян водзті босьтліс ыджыд места чужан, кӧлысяян, гусян-кодралан ритуальясын, кыйсьысь-крестьяналӧн календарын. Арлыда йӧз ӧнӧдз на казтывлӧны, мый пывсян вӧлі медся радейтана гадайтчанінӧн да тунасянинӧн; пывсянкӧд йитчӧмаӧсь важ комияслӧн вӧр-ва, олан туй да олӧмас мортлӧн места вылӧ язычскӧй видзӧд-ласьяс: комияслӧн вежӧрын пывсян — и мыссян, и бурдӧдчанін.

Весиг пывсян сулаланіныс да сы гӧгӧр муыс лыддысисны гуся, космослӧн вынъяскӧд йитчӧм местаясӧн, и пывсян лэптӧгӧн мусӧ сы улысь «нӧблісны» сьӧд петукӧн, сьӧмӧн да с. в. Кывны та йылысь ӧні тешкод, но пывсян вермис лоны сӧстӧмӧн — и «пежӧн».

Пывсян комияслӧн век сулавліс сикт да вӧр костын (пывсян абу нин оланін, но абу на овтӧмин). Гашкӧ, та понда пывсян образас паныдасьӧны ӧта-мӧдыскӧд таладор да мӧдар югыдса приметаяс. Сійӧн пывсянысь и повлісны, и вежавидзлісны. Ыджыд лун водзвылын пывсян куричьясӧ (кызди и керка куричьясӧ) гижтывлісны пернапасьяс, керка моз жӧ резлісны пельӧсьяссӧ вежа ваӧн, мед эз пырны омӧльяс; сыысь кызди, пывсянын эз позь пеласьны («пывсяныд вед сӧстӧм»), эз позь и кудзасьны. Шулісны: кудз кӧ петны кутас пывсянын, сідзкӧ, вомдзалӧмаӧсь мортсӧ.

Чайтлісны сідзжӧ, мый пывсянӧ кокниа сибалісны Омӧльяс, сы вӧсна пывсянӧ пыригӧн шулывлісны: «Господи, благӧслови» либӧ «Бласлӧ Кростос» да пасйыслісны.

Кык нога видзӧдлас вӧлі и пывсянпытша кӧлуй-овмӧс вылӧ. Пывсянысь пельса, кӧш вермисны лоны «пежӧн». Эз позь пыртлыны гортӧ и пывсянысь ва. Пывсянӧ, «пежӧсьсьӧмысь» полӧм вӧсна, эз пыртлыны паськӧм. А мӧдар боксянь — пывсян вермис лоны и вежаӧн. Сідз, шусьыліс бурӧн, керка джодж кӧ чышкывлісны корӧсьӧн, кодӧн кодкӧ пывсис нин. Войвыв рочьяс эскисны, мый порог улӧ пуктӧм корӧсь видзӧ кагаӧс повзьӧмысь, а сотӧм пывсян ёг бурдӧдӧ кучик висьӧмъяс.

Пывсянкӧд йитчӧм важ поверьяс позьӧ донъявны-видлавны куйм-лабоксянь, этша вылӧ. Ӑти-кӧ, пывсянын мыссьӧм ӧткодьясьсӧ чужӧм-ловзьӧмкӧд. Комияс шулывлӧны пывсянысь петӧгӧн: «Бытьӧ ловзи». Войвыв рочьяс ӧткодьявлісны пывсянсӧ кузнечакӧд. Кызд дорчигӧн вӧр-ваысь босьтӧм кӧртысь артмӧ мортӧн вӧчӧмтор, сідз жӧ и пывсянын «важ» мортысь чужӧ выль. Мӧд-кӧ, ӧнӧдз на кӧнсьурӧ лыддӧны, мый пывсигӧн морт лов «пежӧсьсӧ». И мед сӧстӧмӧн лоны, колӧ вӧлі пывсьӧм бӧрын чужӧм да кияс куйм пӧръя мыськыны мыссян доз улын. Коми вӧралысьяс пывсьӧм бӧрын киськаслісны кодзыд ваӧн. Рочьяслӧн оз вӧлі позь пывсян лунӧ ветлыны вичкӧд.

Тадз жӧ видзӧдісны и корӧсясьӧм вылӧ. Ӑткымын туясьысьяс юбр-

тöны, мый водзынсö комияс ёнджыка корöсясьлісны мысьём дорысь. Но кольёмабсь на пывсьёмлы да вир-яй вывті шонтёмлы паныд тшöктёмъяс. Шулёмабсь, мый «яй тешитны», «яй сотны»— ыджыд мыж, сы вöсна мый вир-яй ковмас на мöдар югыдын. В. П. Налимов серти, зыряна лыддисны, мый колö пывсьыны шоныд пывсянын (а оз вывті öдъяын), но и таысь колö юрбитёмön корны прöца. Вöлöгда губернияса рочьяс чайтлёмабсь, мый корöсясьёмь мöдар югыдын «кутасын пывсьöдны донöдöм көрт корöсясьөн». Важ оласног серпасалысь А. Михайлов пасйö, мый комияс «жарас пывсьём-корöсясьём бöрын котöртöны ю дорö, уськөдчöны ваö да бурпöt мысьёны», кызд и финньяс сауна бöрын.

Коймöдладорсянь кö видзöдлыны, пывсян йитчывліс рöдительясöс казтьывлёмкөд. Пывсьыны мунігөн комияс шойналаны чужёмбанөн бергöдчёмön чукавлісны рöдительясё пöсь гор дорö. Медводз мысьывлісны пöрысь йöз. Найö быттьö восьтьывлісны пывсянсö, рöдительяслысь инсö. Академик Б. А. Рыбаков пывсянын мунысь ритуалсö донъявліс, кызд рöдительяскөд йитöд кутём. Сідз, индеецьяс дыр пöсьöдчывлісны пывсянын, мед йитчывны мöдар югыдкөд.

Тайö куимладорсянь видзöдлөмыс (чужём, сөстөммөдсьём, важ йöзöс пыдди пунктём) лöсялö «вуджан обрядьяскөд»— тадз этнографияын шуöны ритуальяс, кодьясöс нүбöдны морт олöмын вежсьёмьяс дырйи, кодьяс гөгөрвосьöны кызд котырлөн празник. «Вуджан обрядөн» лөбны чужан, гөтрасян, дзедан-кодранан обрядьяс. Тадз йитчöны обряд да гигиена.

Пасйём куим аспект кындзи «вуджас» йылысь висьталöны и мысьёмлөн торья юкөнъяс, кодьясöс позьö видлавны котырлөн öтувья празник колясьөн, шум, ырöшөн киськасьём: öд ырöш лыддьысьёо ритуальной юанторйөн уна войтыр костын. Сідз жö и нывбабаяслөн да мужичöйяслөн öтлаын пывсьём воöма языческой празникьяс вылын öтувья гажöдчём-мусукасьёмсянь. Карельяслөн сэтшём ворсёмьясыс вöліны 1940-öд воясын на М. Заварнин төдчөдö, мый тайö традициясö оз ошкы вичко: «оз позь вежöдёмалы либö причетниклы, либö манаклы, кызд и быд христианинлы, мысьыны нывбабаяскөд: тайö медводз индö язычество вылö». Рөд-котырлөн öтувья празникьяскөд йитчö и пöварняын да пывсигөн сёрни-варовитөмыс. Вель уна туясысь казтьывлө комилөн аслысьяма пывсян-клуб йылысь.



Техн. редактор А. Одинцов.

Корректор А. Надуткина.

Адрес редакции: 167610, г. Сыктывкар, Дом Печати, комн. 26.

Телефоны редакции: 2-47-52 (гл. редактор), 2-51-52 (отв. секретарь).

Сдано в набор 15.01.93. Подписано к печати 10.02.93. Формат 70×108¹/₁₆. Печать высокая. Усл. печ. л. 7+0,36; усл. кр.-отт. 5,64; учетно-изд. л. 7,54+0,38. Тираж 3993. Заказ № 113. Регистр. № 000013.

Коми республиканская типография. 167610, г. Сыктывкар, ул. Первомайская, 70.

СВЕТЛАНА

Кывъясыс Н. Шукинлөн

Музыкаыс Б. Тюрнинлөн

Косья мед тэ тув-сов лун моз,
Майд-лы рад-лун со-дзён вöйин.
Медым асья чöс-кыд ун-мөн Припев:
аслыд шу-да здукъяс вöйин. Свет-
ла - на, Свет-ла - на,
тэ думой узь - төм вöйин, Свет-
ла - на, Свет-ла - на,
тэ менам сьö-лöм дойöй.
Для повторенця.
Для окончанця.
дойöй

Кöсья, мед тэ тувсов лун моз
Мойдлы радлун содзён вöйин...
Медым асья чöскыд унмөн
Аслыд шу-да здукъяс кöсийн.

Припев:

Светлана, Светлана,
Тэ думой узьтöм вöйин,
Светлана, Светлана,
Тэ менам сьöлöм дойöй.

Кöсья адзыны век шаньон,
Вом дорыд мед вöли юмов.
Кöсья, медым коми аньöй,
Век тэ вöлин мича нюма.

Припев.

Уна, унатор ме кöсья,
Кöсьöмторйöс ачым вена.
Тэ, Светлана, сідзкö öзыйсь,
Жаль, мый тэ абу менам.

Припев:

Индекс 73069

Вузалан донус — свободной.



Коркө вермасны и тайё вичкосё ловзёдны.

Снимокыс Г. Лисецкийлөн.